

SIXTH SITTING ON THURSDAY  
THE 22ND JULY, 1999.

PU R. LALAWIA, Speaker at the Chair, Fourteen Ministers, Deputy Speaker and The Twenty Members were present.

QUESTIONS

1. QUESTIONS entered in separate list to be asked and oral answers given.

PRESENTATION OF REPORT

2. PU H. RAMMAWI to present to the House the Twenty-Eighth Report of Public Accounts Committee relating to Transport Department.

DISCUSSION AND VOTINGS ON DEMANDS

3. PU F. MALSAWMA to submit to the vote of the House various Demands under his charge.
4. PU AIZHHINGA to submit to the vote of the House various Demands under his charge.

S P E A K E R

: "Mitinin mahni thenawm hnenah thu dik tak sawi theuh ula, in kawngka bulah thu dik leh remna ro rel rawh u. Tumah rengin in thinlungah in thenawmte tana thalo tur chu suangtuah suh ula, dawl a chhechham chu pawm suh u."

Zakaria 8:16, 17.

Member absent leave pek te :  
Pu R. Lalzirliana, a chungte an thihna avangin, Pu Sanghming-thanga H. Pautu, hritlang, Pu J. Lawmzuala, a chungte thihna avangin, Pu B. Lalthlengliana, damsam lohna avangin. Hengte hi vawiin an rawn tel thei dawn lo a ni. Question kan la nghal ang a, Starred question No. 54-na zawt turin Pu L. N. Tluanga i lo sawm ang.

.....345/-

PU L.N.TLUANGA : Pu Speaker, ka lawm e. L.A.D. Minister zahawm tak, 34-na maw Pu Speaker (Speaker - 54) ka taah hian 34 a in ti tlat mai ka ti. Pu Speaker, LAD Minister zahawm takin min chhan theih atan kan zawt duh a. Ka zawhna Starred Question No. 54-na (a) 1st December 1998 leh 30th June, 1999 chhung hian Village Council engzat nge Sorkar in a thiah tawh ? (b) Village Council thiah a nih chhan langsar ber engnge ni ? (c) Village Council huamchhung ramah lamlian dungah emaw, lui kamah emaw mi thenkhatin in an sa a, an cheng a. Tiang hi Sorkarin rem a ti reng em ? Ka lawm e.

S P E A K E R : Chhang turin Pu H.Vanlalaiva, Minister in-charge Local Administration Department i lo sawm ang.

PU H.VANLALAUVA MINISTER : Pu Speaker, ka lawm e. Tlungvel bialtu zahawm tak Pu L.N.Tluanga zawhna (a) December 1, 1998 leh June 30, 1999 chhung hian Village Council engzat nge Sorkarin a thiah tawh ? tih chhanna chu Sorkarin Village Council 46 a thiat tawh tih a ni. (b)-na chhanna chu - Village Council thiah anihna chhan langsar ber chu Development pawisa hman dik loh vang a ni ber. (c)-na Village Council huamchhung ramah lamlian dungah emaw mi thenkhatin in an sa a, an cheng a Sorkarin a remti reng em ? tih chhanna chu hetiang ho hi Sorkar remtihna a cheng an ni hran lo tih a ni. Ka lawm e.

PU N.P.CHAKMA : Starred Question 59-na hi Pu R.Lalzirliana leh keiin kan zawt a. Village Council chung-chang thu hi engah nge an club loh chu aw ! (Speaker - Ngawi rawh nakinah kan thlen hunah kan la sawi dawn nia aw Question No. 59-na chu) Awle.

S P E A K E R : Tunah chuan Question No. 55-na zawt turin Pu Lalchamliana ilo sawm ang.

PU LALCHAMLIANA : Pu Speaker, hei ka zawhna bik pawh alo ni chiah lova. Kei leh Pu N.P.Chakma leh Pu R.Lalzirliana te zawhna Health Minister chhan atan No. 55 -

(a) 1999-2000 chhung hian Primary Health Centre hawn belh tumna a awm em ? Engzat nge ?

(b) When will Borapansury PHC start functioning ?

(c) Saitual PHC 30 bedded atan a sak mek hi engtika luah theih tur nge ? tih ka zawt e.

S P E A K E R : Chhang turin Pu K.L. Lianchia, Minister i/c Health & Family Welfare Department ilo sawm ang.

PU K.L.LIANCHIA MINISTER : Pu Speaker, Starred Question No. 55-na chhanna chu hetiang hi a ni e. (a) 1999-2000 chhung hian PHC pakhat hawnbelh tumna a awm. (b) Borapansury PHC hi a nihna ang taka a function theih hun tur sawi mai theih ala ni rih lo. (c) Saitual PHC, khum 30 awm theihna tura sak mek hi an sak zawh hunah luah theih a ni ang.

PU NIRUPAM CHAKMA : Pu Speaker, zawhbelhna. Borapansury PHC hi BADP hnuaiah a building hi sak a ni a. A building sak zawh tawh a ni a, a hma thei ang bera function turin Sorkarin hma ala thei lawm ni ?

S P E A K E R : Zawhbelhna a la awm em ?

PU C.SANGZUALA : Pu Speaker, zawhbelhna. PHC hawn belh tum hi khawiah nge ? Engati nge pakhat chauh hawn belh tum a nih ? Saitual PHC building sak zawh hunah tih hi engtik a sak zawh theih nge ni ang ?

S P E A K E R : A chhang turin Pu K.L.Lianchia, Minister in-charge Health & Family Welfare ilo sawm ang.

PU K.L.LIANCHIA MINISTER : Pu Speaker, zawhbelhna pakhatna chhanna chu harsatna tam tak awm thei a ni a. Anih tur ang taka function tir theih a ni mai lova. A chhan chu mamawh zual Doctor leh Pharmacist leh Technician te hi neih vek ngai a ni a. Heng hi neih belh chhoh mek zel a ni a. Chung chu rem fel theih a nih veleh luah tur a la ni ang chu. A chhan chu a sak lam kan hmanhmawh a, a hawn leh dan tur te ngaihtush lem a ni lova. Hmanni a ka tawngkam hman

ang deuh hlek khan kan laiking tui phum deuh mai a, a enkawl-zui leh lam hi kan ngaihtuah vak si lova. Chuvang chuan hei mai nilo hi PHC dangte entirnan : Saiha-ahte, Bungzung-ahte, khatiang khan hmun hrang hrangah sak a ni a, mahse luah hleih theih siloh hi a tam avang khan a Boranpansuri bik apawh chu ni bik tawh lo khan a dang danga te pawh kha chhanna khatiang vek kha a ni e.

Tin, a dawt lehah chuan PHC pakhat hawnbelh tumna a awm tih hi khawi khua nge a hawn tumna ? tih leh engatinge pakhat chauh hawnbelh in tum ? tih hi tuna ka sawi tak ang khan PHC kan tih te hi tunah kan hawng hlei thei lova kan sak sa te pawh han tih belh tam kha thil tih theih a ni lo tih chu tun atang khan a chiang mai a. Kumina pawisa bawmruak chu sawi loh, a ruak piah lama ba teuh a lut kan ni a. Kumin kum khat chhung hian heng hi hawnbelh ta zung zung ila, function leh chuang lo anih kha chuanin engmah hlawkna awmin ka hre lo a ni. Chuvang chuan tam tak hawnbelh thei dinhmunah kan ding lo a ni.

Tin, khawi hmunah nge ? tih kha hemi PHC hawnbelh han tih hi a wording a hi ka tih a ni lova, ka duh pawh a ni chiah lova, Sialhawk khuaah hawn tum a ni. A chhan chu hawnbelh, a thar a ni lova. Sialhawk khi rambuai hma 1959 atang tawh khan Dispensary dah a ni a. Chu Dispensary chu buai avang khan a function hleih theih lova. Tun hnuah hian hei engkim kan indah chho lo thei lova. Tin, a awm tawh sa kha va chhuh ngawt chi a ni lova, a dang belh beisei nak alaia a awmsa han inchhuh sak chi a ni si lova. Chuvang chuan khami Dispensary kha PHC-ah hian up-grade mai ila, chutilo chu a enkawl a ngai tho a, Staff-quarter te engkim a ngai tho si a. Chuvang chuan Dispensary hi kan ti tawh lova tunlaih, Dispensary ang zawngin thingtlangah hma kan la tawh si lova. Chuvangin hei hi up-grade mai a ngai ani kan tih avang a hemi Sialhawk pawh hi hawnthar han tih chu a dik tho ang a. Athar liau liau a va hawn ni lovin, kha Dispensary lo awm tawh mek a kha kan up-grade mai dawn zawk a. Kan wording hi a fuh hlel anih pawhin min ngaihdam ka duh a. Chu chu thil awmdan a ni a.

Tin, Saitual 30 bedded ataaa a sak mek hi engtika luah theih nge ni ang ? tih te kha, chutiang tak chuan sak zawh hun tur hi PWD lam ka lo zawt hnai lova. PWD lam sak hi a ni thin a. Thawk khat lai phei kha chuan a verandah te sak tir tum aiin a te a ni lawm ni te kan ti chho zel vel a. Mahse, ngaihdam theih chu a ni e an ti a. Tichuan a progress hi a chhe lem lova, kan sa kal mek a ni mai a, a beisei hun chiah ka hre thei lo a ni. Chuvangin, PWD te lam nen inrawn leh zet lo chuan keimahni kut piahlam anih avang khan kan sawi mai thei lo a ni. Min ngaihdam ka duh khawp mai.

.....348/-

PU ZAKHU HLYCHHO : Pu Speaker, zawhna pakhat ka zawh hmain, kan Minister in a Laiking Tuiphum tia a sawi kha Parliamentary Word ani lo deuh hlekin ka hria a. A chhan chu Department hian Sorkar kal-phung reng rengah hetiang PHC a ni emaw, Damdawi in a ni emaw, plan neia kal a ni a. Mahse Plan anga han kal khan Doctor leh Nurse te han post turin Post creation te alo ngai a. Chu chu India ram pumpuiah kum engemaw tichhung khan post ban hi a awm a ni. Chutiang anih avanga post creation awm thei lo anih avanga dan ang thlapa plan siam a, plan anga Dispensary sak te tih puitlin theih loh a ni mai a. Laiking tuiphum chu anih ka ring hauh lova. Chuvangin, kha wording kha khawngaih takin kan Minister hian vawi 2/3 sawina a ni tawhin ka hria tih danglam thain ka hria. Saitual chungchang-ah engtikah nge luah theih anih ang tih a sak zawh hunah tih kha sak zawh hmain in luah thei ang em tih zawhna a ni miah lova, sak zawh tawh pawhin a luah loh theih ve tho va. Kha-tianga chhanna kha chu a ironisal deuhin ka hria a. Anih leh sak zawh tawh sa Chhuarlung Primary Health Centre hi engtikah nge a luah tan theih ang tih ka rawn zawhbelh a ni.

PU K.THANGZUALLA : Pu Speaker khitilai tlangdungah khianin damdawi in a intlakphei nasa viau a. Khawzawlah a awm a, Biate-ah khum 30 a awm a, a piah lawk Sialhawk-ah hawn leh tur a lo ni a, E.Lungdar-ah a awm bawk a, N.Vanlaiphai-ah a awm leh bawk a, Khawlailung-ah a awm bawk a. Khitilai area-ah ringawt pawh a intlar viau mai a. A semzai dan a awm thei lawm ni ?

PU K.SANGTHUAMA : Pu Speaker, ka bial Kawrthah-a Damdawi in khu 1987 khan khum 30 awmtheihna tura ruahman tawh a ni a, vawiin thlengin khum 10 chauh ala awm a. Khu khu tihbelh tumna, khum 30 awm theihnaa ruahman tumna a awm em ? tih ka zawt e.

S P E A K E R : Zawt tur kan awm tawh lo maw ? Chhang. turin Minister in-charge ko ang.

PU K.L.LIANCHIA  
MINISTER : Pu Speaker, laiking tuiphum tih kha kan Mizotawng a ni mai a. Kha kha unperliamentarian anih leh nih loh ka hre lova. A chhan chu tawngkam fel ang reng tak a ni a. Kha kha hmana ka sawite nen khan ngaihfin ula. Entirnan Lungchhuan-ah chuan Sub-Centre lo sa rawh u an ti a, voluntary te in an sa a, vawiin hian a tawih leh vek tawh a. Lungsum velah tepawh 'lo sa ve rawh u,' an ti a, an sak tir a, a tawl leh mai mai a. Chuti chuan tun-ah tepawh PHC tam tak te hi post create theih loh tih hre rengin an sa a. Keini tana phurrit tling khawpin min hnutchhiah a,

chu chu kan Mizo tawngah hian Laiking tuiphum ang mai a ni e kan tih hian a tichiang em em a ni. Ngaihsak leh mai loh tur khatia an phum zul kha chu Laiking tuiphum chu a ni. Chuvangchuan Mizotawng an thiam nep emaw chu aw ka zu ti hial a. Mizotawng ah hian B.A. pawh Distinction ka hmu a. Chuvangin, thiam tawk a inggai ka ni a. Chuvang chuan kan Mizotawng dik takin ka sawi mai a ni e, Pu Speaker. Tin, sak zawh hunah luah a ni ang tih kha. Ironical lutuk in tih kha a ni palh mai thei a. Sak zawh hma chuan luah theih ni hek lo, sak zawh hunah tih kha a ironical deuh lawm ni ? tih a kha an mahni leh an mahni an in chhang tawhin ka hria a. Chuvang chuan kan sak zawh hnuah tih kha alo mawilo deuh anih chuan sak zawh veleh, khi khi PHC luah lai mek a ni mai a, upgrade a ni a, a case a dang daih a nia. Doctor kan dah a, engkim an awm sa tawh a ni. A awm tur ang chu belhchhah tur a ni mai a. Entirnan, tuna awm ang ang pawh khian PHC ang hian an function mai thei tho va. PHC ah tepawh Doctor indaih loh avangin Doctor pakhat te pawh in a enkawl ve tho a. Chuvang chuan a building khi kan luah pheih ang, khum kan dahbelh khi chuan a function nghal a ni mai a. Chuvang chuan sak zawh anih hunah kan tih a kha a fuh lo anih pawhin, kan sak zawh veleh luah nghal a ni ang, ka'n ti ang a. Tin, a dang ho saw in tih kha, ka sawi tak kha in haw bawk si a. Luah mai dan tur hun ruatfel si lova, lo sak a kha Laiking tuiphum kan tih leh haw bawk si, engtia chhan tur nge, kan indaihloh avang khan Chuarlung emaw Chakhang emaw khawi pawh nisela, Bungzung emaw Sesih tepawh kan nei a, a Staff leh engkim kan indaih hma kha chuan kan luah mai thei lova, Chuvang chuan Borapansuri pawh kha Doctor leh engkim kan neih hunah chuan kan luah thuai ang kan ti mai a ni. Kan la neih rih loh tlat avangin kan la ti thei lo mai a ni e.

Tin, Serchhip bialtu zahawm tak zawhna kha, khilalah khian PHC a tam hle mai a, a tih kha a dik chiah a ni. Chung avang chuan a ni reng a, hawn thar liau liau tur nise Sialhawk a hawn khi a awm ber chuang lo mai thei a ni. Amaherawh chu rambuai hma daih atang tawh khan Dispensary kan lo neih tawhna, tunhmaah pheih chuan khum 4/5 awm ve thin a ni a. Chu chu Biate PHC a khum te kha tun hnu Sorkar indin that leh hnu a khum an pekte kha Biate ah te khian khum te chu an lo suamphei sak a. Chuvangin, khawtlang tan pawh dik takin a lawmawm loh em em a ni. La nei miahlo chu nise Sialhawk a hawn khi a awm zawk a ni. Amaherawh chu thil lo awm laklawh tawh tukchhiat zawnga inkalpuhi chi siloh, miin hmasawn an tum mek laia an neihsa pawh laksak tih hi chu kan hman loh tura kan ngaih avangin hei hi a laklawh tawh e, i upgrade law law mai ang, i hum leh lum la, i vawh leh vawt rawh tih angin lum law law mai teh se kan tih avang mai a ni e.

PU ZAKHU HLYCHHO

: Pu Speaker, kan Minister zahawm tak hian a sawifo mai a. Mizoramah hian PHC hi Plan anga siam engzatnge awm Plan loh anga siam hi engzat nge awm, min hrilh thei em ? Tin, voluntary a an sak engzat nge awm ? Anih leh Sorkar-in Plan ang taka an kalpuhi engzat nge awm min hrilh thei ang em ?

.....350/-

PU K.L.LIANCHIA  
MINISTER

: Pu Speaker, Kawrthah bialtu zah-  
awm tak Pu K.Sangthuama zawhna  
kha Kawrthah, tuna ka plan-ah  
hian tel lo tlatin kahria a, ka  
hriatsual loh chuan. Amaherawh chu kan hriat angin Kawrthah  
khu hmun pawimawh a ni a. Tun kum hi chu a ral mai dawn a,  
kum thar lam scheme-ah kan dah ni maiin ka hria a, chu chu  
ka chhanna a ni.

Tin, Plan leh Plan loh tihah  
khan ka lo inring lova, Pu Speaker, Chutianga plan leh plan  
loh zawngin ka hre lova, a vaiin, keini tih a hi chu kan plan  
a ni mai a, kan ti dawn a ni mai a. Tin, a sakna kan nei  
ang a, Pathian zahah kan dam a kan Sorkar zel chuan, kan sa  
zo ang a, Pathian zarah a luah pawh kan luah dawn ani. Chu  
chu a kalphung a ni a. Heng Chhuanlung, Sesih tihte pawh  
hi Sorkar in sak tur a tih sak a ni a, chu chu an plan a ni  
mai ang a. Amaherawh chu kan sawitak ang khan hemi PHC mai  
nilo hian, Sub-Centre te, voluntary motion te an ti a,  
khawtlangin hah taka an sak, pahnih/pathum ka hmuh tak avang  
hian khang te nen khan kan sawi zawm deuh hlek bawk a. A  
PHC tih taka chu Sorka-rin tilo tura a tih ang an sak chu  
ka hre chuanglo.

S P E A K E R : Starred Question No. 56-na, hei  
hi a zawttu a lo kal lova, au-  
thorise a neilo bawk a, kan kal-  
kan ang a. Starred Question  
No. 57-na zawtturin Pu C.Sangzuala ilo sawm ang.

PU C.SANGZUALA : Pu Speaker, ka lawm e, Ka  
Starred Question No. 57-na  
L...D. Minister zahawm tak  
chhan atan (a)-na, Session hma-  
sa leh tun tum Session inkar khawpui bawlhhlawh paihna chung-  
chang a hmalak thar a awm em ? (b)-na, Polythene bag that  
loh zia hi sawi a ni fova. Hman hnu thehthang dan tur emaw  
ruahmanna a awm em ?

PU H.VANLALAUVA : Pu Speaker, ka lawm e. Aizawl  
MINISTER South II bialtu zahawm tak Pu  
C.Sangzuala zawhna (a)-na Se-  
ssion hmasa leh tun tum Session  
inkarah khawpui bawlhhlawh paihna chungchanga hmalak thar a  
awm em ? tih chhanna chu, Awm e, Tuirial kama LAD-in bawlh-  
hlawh paihna hmun a siamah hian bawlhhlawh halralna Burning  
chamber siam mek a ni a. Bawlhhlawh halralna vap nawi tih  
ral dan, hman tangkai dan pawh ngaihtuah mek a ni a. Tin,  
Aizawl khawpui veng then khat bawlhhlawh paih Motor kan tih  
theih lohna thin, heng Thuampui, Zemabawk leh Luangmual-ah  
te hian bawlhhlawh paih Motor tih thar a ni bawk a ni.  
(b)-na, Polythene bag that lohzia sawi a ni fova, hman khap-  
na dan emaw, hman hnu thehthangna dan emaw ruahmanna a awm  
em ? tih chhanna chu, Hman khapna dan emaw hman hnu theh-  
thangna dan emaw ruahmanna keini (LAD) lam atang chuan ala  
awm rih lo tih a ni.

Tin, leivung kan la paih lo bawk. Chuvangin, keini lam atang chuan Ngaizel pheii a bawlhhlawh leh leivung paih chungchangah hmalak tumna hranpa a awm lo.

Tin, a pathumna veng helam a mi-ten tuiluan kawrah bawlhhlawh leh thildang an paih thin that loh zia thu hi kan hre theuh va a taka tuartu kan ni deuh vek-in a rinawm. Heng hi tireh turin inzirtinna V/C lam atangte tlawmngai pawl lam atang tepawhin theih tawpchuah a ni tawh thin a. Tlangau an tirh emaw, in hriattirna han tih thar hlim chuan engemaw chen an sawt deuh thin niin hriat a ni a. Amaherawh chu, heng hi tih rik reng anih loh chuan hun alo kal a, ngaiha kan neih leh mai thin. Chuvangin heng hi he House-a Member zahawm takte leh kan Officer's ho zawng zawng tepawhin mahni area theuh va tan lak a, kan V/C te leh tlawmngai pawl tepawh hman tangkai kan tum a pawimawh a ni.

Tib, Aizawl North I Bialtu Dr Lalzama zawhna Fuirial kawnga L.A.D. bawlhhlawh paihna hmun bula awmte suanchhuah chungchang thu kha, khulai khu khua a ni lova, huan enkawltu chhungnih khat an awm ve a ni mai a. Report leh anmahni lam atanga beiseina neia an rawn thlen avangin kan MLA zahawm takin a sawi ang khan kei pawhin a hmunah ka en a, a tuihnai lo hle a, tho leh thil dangte mi-hring hriselna atana thalo tak tak te awmin a lang a. Heng hi khua emaw, Sub-Village emaw, pawh a ni lova, anmahni huanah In an sa a an awm mai ani a. Sorkarin mawhpurhna a neih kan hre ngai hran lova. Amaherawh chu, anmahni in in suanchhuah leh hmundanga awm an duh a an insuam a. Chutah tanpuina an dil anih erawh chuan Sorkar-in a theih ang a tanpui turahkan ngai a ni.

PU C.SANGZUALA : Pu Speaker, Chaltlang ram chhung-a bawlhhlawh paihna tih kha LAD Minister atangin an hriat loh kan hria a. Tun maia ka hriat danin D.C. lam tih niin a lang a, he thil hi a tak chu a awm ngei a ni. He thilah hian kan hotu ten a khawihute lamah hian Aw min lo neih sak thei a ngem ? tih hi kan zawt leh duh a ni.

PU K.SANGTHUAMA : Pu Speaker, Chawmuh Bazar New Market-ah bawlhhlawh vawin ni thlenga heti khawpa bawlhhlawh tam, tho nena vir hut hut mai Saw, tun aia enkawl ngun deuh leh tih thianglim deuh tumna Sorkar hian a nei em ? tih ka zawt e.

S P E A K E R : Chhang turin Pu H.Vanlalauva ilo sawm ang u.



PU C.SANGZUALA

: Pu Speaker, kha, a lawmawm khawp ma a. A hmasaa ka zawhna kha han umzui deuh hlek ka duh vang a ni pakhat a. Hemi bawlhhlawh paihna thuah hian changkang takin thil lo ngaihtuah tawh a ni a. Tun hnaiah Chaltlang ram, Bawngkawn piah, Hrangbana Petrol Pump piah lawkah khian, Chaltlang ram siah bawlhhlawh paihna Sorkar-in a siam thar niin sawk a ni a. Helai hi kawng pawimawh tak leh Airport kawng te alo ni a, hmun lang-sar leh ualau tak pawh a ni a. Tin, chu a chhapha a ram nei-tu hi Chaltlang Village Council te an ni a. Chaltlang Village Council te he thil tihah hian an rawn em? Tin, Chaltlang V/C te hian hei hi an ran anih avanga humhalh thuhla hrim hrim bakah a hmunin a zir lova, a thlang lamah huan neite an awm thluah a, hei vang hian an phallo a ni. Chu chu hria a tih ani nge, hrelowa tih? Tin, an phallo ngei a ni tih hria hnuah Sorkarin engtingge a kalpui ang tih kha ka hre duh a. Tin, Ngaizel pheiah te sawn bawlhhlawh te leivung te lamlianah an lo chhung leh rui mai thin tih hi sawlama cheng-ten an hmu fo thin a. Hemi leivung leh Bawlhhlawh paihna chungchangah te hian a enzui hnaah tun aia chak zawka kal theih dan department hian kawng a hre thei ang em? Tin, khawpui a kan buaipui em em chu, venglua chengten khawlai luikawr link-drain te leh side-drain ah te bawlhhlawh an paih thin a, chu chuan vengthlang lam a ti buai em em tih sawi fo a ni a. Tin, inchung tui te pawh vantlang kawngah te thenawm ramah te paih mai mai a la tam a ni an ti bawka a. Hetiang chungchangah hian kaihhruaina leh thupek te siam a ni thei ang em? Chu chu kan zawhbelh duh a ni e.

Dr LALZAMA

: Pu speaker, bawlhhlawh paih chungchang sawi takah chuan Airfield bulah khuanin in thum vel an lo awm tawh a, chumi an awm tawh hnuah chuan. Bawlhhlawh paihna alo awm ta a. Ti - chuan an in leh lo awm nghehna a ni si a. Zemabawk V/C hnuaiyah an awm a, chuan tho te a tam em mai a, khu khu sawn-chhuah turin kan Minister pawhin alo ruahman tawh niin ka hria a, amah pawhin chiang takin a zuk en tawh a. Tichuan turah. khuan anni sawnchhuah tur khu engtikah nge tih theih anih ang? tih kan zawt duh a ni e.

PU H.VANLALAUVA  
MINISTER

: Pu Speaker, ka lawm e. Aizawl South II bialtu Pu C.Sangzuala, Chaltlang ramah bawlhhlawh paihna hmun Sorkarin ruahman a, chu chu Chaltlang V/C te pawhin remti lo leh khawtlang mipui pawhin a duhlo hle niin hriat a ni a. Hei hi Sorkar-in a hrelo nge? Hre rengin a ti lui? Hria nisela engtia kalpui nge a tum? tih zawhna a kha chu, Chaltlang ram Pu Hrangbana Petrol pump thlang lamah keini L.A.D. atang chuan bawlhhlawh paihna siam kan nei lova. Keini LAD lam atang chuan han hrih-fiah mai theih a ni lova. Tin, ngaizel kawngah bawlhhlawh leh leivung te paih thin a ni a. Heng hi tihreh, tihbo dan ngaihtuah theih a ni ang em? tih zawhna kha Pu Speaker Ngaizel ah LAD in bawlhhlawh paihna kan nei lova a paih ngailo bawka.

PU H. VANLALAUVA  
MINISTER

: Pu Speaker, ka lawm e, Aizawl South II bialtu MLA zahawm takin khilaila Chaltlang rama bawlhhlawh paihna buatsaihtute chu D.C. lamte niawma hriat a ni a. Chungah chuan kan Sorkar hian Chaltlang mipuite leh khawtlang hruaitute duhdan leh beiseinate Sorkarin min lo thlensak thei ang em ? a tih kha-

Hei hi, a theih ang angin khawtlang mamawh leh thil tul anih avangin kan lo thlenin kan lo enzui ange, tiin kan inchnang nisela.

Tin Kawrthah bialtu zahawm tak, Pu K. Sangthuaman New Market-a bawlhhlawh paihna tihfai loh tawp lutuk mihring hriselna atan pawh a thalo leh a hnam ang pawha thil zahthlak anihna thua hei hi tun aia tha zawka Sorkarin tih a tun em? tih a zawh kha, Nimin lamah pawh kan ngaihthlak leh kanhriat tawh thin angin LAD leh Revenue lamte, Trade and Commerce lamte a inkaihnawih nuai mai a.

New Market-ah sawn LAD in mawh a phurhna chu a main building stall-a luahthir chin chiah saw LAD in mawh a phurhna chu a ni a. Chumi nilo, New Market area, a sobji Bazar ground floor leh a chung chhawngte pawh sobji Bazara hman reng reng saw chu Revenue in a a enkawl, a tihfai leh tihthianghlimna hna pawh Revenue mawh vek a ni a.

Maheerawhchu, in hriat angin ka bial chhung (Aizawl 'E' II area chhung) leh keimahni veng nena insi reng anih avangin, ka vei a, Foreign atangin a ni emaw, state dang atangin a ni emaw mikhual lo kal apiang ten kan market saw an tlawh loh theih loh, chuvangin a tawp lutuk hi chu a hnam ang pawhin zahthlak in ka hria a, a building leh thil dangte duh angin kan la siam thei rihlo anih pawhin, anih ang ang hian a faiin a thianghlim tur a ni tih hi ka ngaihdan anih avangin, theihtawp chhuahin tuk engemaw zat ka han kan a. Revenue lam Minister leh Director lamte pawh theih ang angin ka sawipui a, ka tanpui ve thin a ni. Tunah chuan ruahmanna thar pa wh a awmin ka hria a, mawhphurtu Department leh a concern Minister hovin ruahmanna an siamin tanlak pawh an tumhle niin ka hria a. Reiloteah kan new market saw thianghlim zawk leh kan ei leh barte zawrhna tlakah an siam ngei ang tih ka beisei a ni.

S P E A K E R

: Starred Question No 58-na zawt turin Pu Zakhu Hlychho ilo sawm ang.

PU ZAKHU HLYCHHO

: Pu Speaker, ka Statted Question No.58-na - Thisen pek man (burman) Sorkarin a tir khan engzat nge alo lak hman tawh a, engvanga kha order kha Sorkarin a sut leh nge anih? tih ka zawt e.

S P E A K E R : Chhang turin Pu K.L.Lianchia Minister i/c Health & Family Welfare ilo sawm ang.

PU K.L.LIANCHIA MINISTER : Pu Speaker, zawhna 58-na chhanna chu hetiang a ni. Thisen pek man (bur man) Sorkarin a tir khan engzat nge alo lak hman

tawh ? Engvanga kha order kha Sorkarin a sut leh nge ni? tih hi a chhanna dik takah chuan - Ka hlau mai pawh a, Sorkar hian thisen emaw a bur man emaw hi kan la lo hrim hrim a, chhan tlak loh a ni a. Amaherawhchu, a duha hi hriain ka in hria a, chuvangin a duh nia kan hriatin kan chhang a, kan chhan sual chuan min ngaidam sela. Govt. of India-in thisen pek tur te reng reng a thianga hlim theih nan pek chi hrang hrang a nei a, chungte chu AIDS hrik (HIV), Sexually Transmitted Diseases, (STD) te, Hepatitis 'B' (Mitliam) te, Malaria hrik te an ni a. Heng test nan hian chawhrualin vawikhat test nan Rs.500 a ngai a. Hei hi a man chanve tal damloin a tum ve loh chuan tihzawm zel harsatna awm thei anih avangin, Govt. of India-in State tinte a man chanve Rs.250/- la turin a rawn a. Mizoram-ah pawh 1st June, 1999 atangin kan hant an ve chiah a. Amaherawhchu, mipui leh tlawngai pawlte ngen-na avangin tih tawp hrih phawt a ni. Hemi hunchhung hian damlo 61 hnen atangin 114 unit Rs.28500/- lak a ni. Hei hi Medical Superintendent, Civil Hospital, Aizawlah kawl a ni. Treasury-ah Sorkar Revenue atan dah luh tura ruahman a ni. Chu chu kan chhanna a ni e.

PU ZAKHUA HLYCHHO : Pu Speaker, Supplementary question a zawh dan tur pawh kha a har viau reng a. Chanchinbua Sorkar rawn in sawifiahnaah khan hei hi thisen man a nilove, a bur man a ni e an rawn tih avangin within bracket ah khan a bur man ka rawn ti reng a ni. Tin, chu lovah hei Sorkar thu chhuah pakhatah khan hemi chungchangah hian mirethei te hemi man pe theilo te tan a tih theih dan tur Sorkar-in a duang diam tawh e tih kha in rawn ziak leh bawksi a. Hemi a scheme Sorkarin a duan tawh kha a fuhlo ta nge an in withdraw leh tak si. Tin, Pu Speaker heng an lo lak tawh te hi dan lova la an ni a ngem an sut leh si chuan an lo lak tawh kha danlo a ni mai lomaw ? chuti ni ta sela khang mi rethei hnen atanga Rs.28500 an lo lak tawh kha engahnge mirethei te kha an pek let leh mai loh. Sorkar-in kha kha in ui ta viau va tunlai in pawisa indaih loh avangin Sorkar revenue-ah in dah ta mai em ni? Hei Delhi ah in kal a in sawichhuak teuh teuh mai si a. Heng mirethei atanga hetiang zat zat inlo lak hi, engah ngeni inpek kir mai loh. A theih loh em ni ? tih kha ka rawn zawhbelh a ni e.

PU K.L.LIANCHIA MINISTER : Pu Speaker, Sorkarin a tih loh theih dan chu, Sorkarin kan withdraw leh mai a ni. Kan tilo thei abiang khawp alawm mawle ! Kha kha chu kan ruahman diam a, kalchho ta zel sela a tih dan tur chu State invest Assistance fund-ah hian, mirethei zualte chu an damdawi chawi man a kha chu kan pe let leh tho mai dawn a. Chuvang chuan a tihdan a kha chu a ngaihna kan hria e, kan ti a ni.

Tin, B.P.L. mirethei ho a kha chu tunah pawh damdawi in a an lo luh khan, an damdawi man te hi Sorkarin kan tum sak ta zel a. Hemi thisen Chemical process tak a kha, a chawi a kha mirethei tan chuan kan reimburse mai dawn a ni, kal ta zel pawh nise. Kha kha kan tihtawp tak phei chuan, kan hre lehzuat taah ka ngai mai a. Tin, hemi hi danlo va la an ni em ? tih a hi Dan anga kan lak a ni zawk a. Central Sorkar hian engemaw chhiah tal la ve tura min phut letna kha a ni a. Kan Sorkar hruaitu te vek in ni a, inhre vek tho va, engemaw chhiah la ve turin min nawr min nawr a. Heng Medical chungchangah tepawh tanpuina eng eng emaw chu beisei anih mek lai hian, khang kan lo tih ve khan Central-ah tepawh thil sawi a nuam ang a, han tihna rilru tepawh a zukawm tel ve a ni a. Mahse zep thu a awm lo, kan han ti chhina miin an sawisel a, a bik tak-in Y.M.A. te meuh pawhin heng hi ala hunlo deuh lawmni ? an rawn ti a. Chungte chu kan zah a. Ani taka, obligation tak tak a ni love, Central Sorkar pawh hian thu min rawn a ni a. Thurawn chu kan han zawm chhin a. Mahse kan ramin a la zolo a ni. Mipui ngaihnan ala ni lo a ni tih kan hriat veleh khan kan withdraw ve leh ta mai a ni.

PU ZAKHU HLYCHHO : Pu Speaker, zawhbelhna pakhat chauh. BPL mirethei zualte tanpui theihna tur ruahmanna Sorkar hmasaah pawh khan a awm tawh a. Amaherawh chu khami han hmang tur khan Dan siam a ngai a. Dan neih phawt loh chuan kha kha a hman mai theih loh va. Tunah hian khami dan kha an siamta em ni ? An siam ta anih chuan Member ten kan bial theuhah hei hi Dan a ni a. Hetiang hian Sorkar-in ruahman e tia kan lo lek chhuah ve turin kan Minister zahawm tak hian Member te min pe thei angem ?

PU K.L.LIANCHIA MINISTER : Pu Speaker, a ni khawp mai. Sorkar hmasa lamah pawh khan phalsela chuan tih theih hi a ni a. Hemi dana hi alo thlawna kan zu tih liau liau a ni chuang lova. Kan Budget atang hian khami State illness Assistance-ah khan ve pek a ngai a ni. Chumi kan ve pek a chu Central Sorkar atang khuan a matching share a kha min phalsak haw a. Chuvang-in keini chuan kan Budget chep lutuk atang pawh khan hei hi miretheite tan a ni kan ti a. Kan la hranga kan dah ta a ni. Chu chu Central atang pawhin 50% a matching share a kha min rawn pe ta mai a. Chumi tling khawm te chuan tunah hian kan rum ta mai a ni. Kan sawi ang khan a hmasa pawh tih theih reng e. Mahse, an lo ti lova, keini chuan mirethei enggemaw tikhawng tala kan harsa chung pawha, chhan hi kan ngaihtuah ber a ni. Helaiiah hian harsa chung chung kan han tih a ni a, tun hnuah pawh tihthat kan beisei viau a ni. Tunah pawh hian chu lam hawi chuan ke kan pen leh chuan nakumah chuan tun aia tam deuh anih phei chuan a la chhenfakawm deuh deuh ang, tih kan ring tlat a. Tin, a danah chuan pek theih loh thu awmin ka ring lova. Amaherawh chu a tih hun chhung hi a rei lutuk tawh lova, hemi dan pe hman tur che u hian tun maiah chuan

ka sawi ngam lova, he dana hi Assembly tawp dawn lamah emaw tal chuan Member tin te pek che u kan han tum ang a. Kan pek theih loh che u pawhin Session zawh tawh hnuah tal pawh Member tinte hnenah pek kan rawn tum dawn nia.

S P E A K E R : Starred Question No. 59-naah kan kal ang a. Pu R.Lalzirliana leh Pu Nirupam Chakma zawhna a ni a. Zawt turin Pu Nirupam Chakma i lo sawm ang.

PU NIRUPAM CHAKMA : Pu Speaker, Starred Question 59-na (a) Village Council engzat nge thlaruk (6) kal ta chhungah thiah anih tawh ? (b) Engzatnge thiah lova tih danglam ni tawh? (c) Thlaruk kalta chhung khan Village Council Member engzat nge thlak danglam ni tawh ? (d) How many Village Council were abolish by the Govt. of Mizoram since Dec., '98, tih hi Minister zahawm tak LAD Department chhan atan ka zawt e.

S P E A K E R : Pu H.Vanlalauva chhang turin ilo sawm ang.

PU H.VANLALAUVA MINISTER : Pu Speaker, ka lawm e. Chawngte bialtu zahawm tak Pu Nirupam Chakma leh Saitual bialtu zahawm tak Pu R.Lalzirliana zawhna (a)-na - Village Council engzat nge thla ruk kalta chhung a thiah ni tawh tih chhanna chu, Thla ruk kalta chhung khan V/C 45 thiat a ni tawh tih a ni. (V/C thiat zawng zawng min zawt tawh a, 46 tiin ka chhang a. Hei hi chu January-June anih avangin 45 tih hi a chhanna a ni) (b) Engzatnge thiah lova tih danglam ni tawh tih chhanna chu - Thiat lova tih danglam zat chu V/C 74 an ni. (c) Thla ruk kalta chhung khan V/C nominated Member engzat nge thlak danglam ni tawh tih chhanna chu - Thla ruk kalta chhung hian V/C nominated Member 71 thlak anni tawh tih a ni. (d) December 1998 leh tun inkarah V/C engzat nge abolished ni tawh tih chhanna chu- V/C 14 abolished ani tawh tih a ni.

PU NIRUPAM CHAKMA : Pu Speaker, hei Village Council thiah Minister zahawm tak in 45 June atangin a awm a ti a. Amaherawh chu, tun thleng- in 46 a sawi tawh a. Heng V/C 46 thiahna ah hian eng party Sorkar haiin nge-Congress V/C engzahnge, P.C. engzahnge, MNF leh party dangte pawh. Hemi break-up kha min pe turin ka duh a. Tin, engzah nge thiah loha tih danglam ni tawh tih hi 74 a ti a. Hei pawh hi party wise break up leh nominated member tepawh min hrilh thei ang em tih hi ka zawt e.

- PU K. THANGZUALA : Pu Speaker, hemi thiah hi dissolve tihnaah lo ngai ta ila, abolish tih nen hian engnge a danglamna ?
- PU LALCHAMLIANA : Pu Speaker, heng V/C thiah tawh zat tihte hi Inquiry la a, show cause notice te kha pek an ni vek em ? tih kha ka han zawt duh a. Tin, V/C ah hian party V/C a awm em ni ? Ka lo hriat dan hian in thlalai hianin party ticket lo, independent vek an ni lawm ni ? tih kha ka zawttel bawk a ni.
- PU ZAKHU HLYCHHO : Pu Speaker, zawhna pakhat chauh, hemi Village Council abolished a hi thil serious deuh niin ka hria a, Sorkar dan ang a create tawh abolished leh tak akha. Eng khua te ngeni engnge a chhan ni ber ? Abolished tlak an nihna chhan kha min hrih-fiah theih chuan ka lawm hle ang.
- S P E A K E R : Chhang turin Minister in-charge i sawm teh ang.
- PU H. VANLALAUVA  
MINISTER : Pu Speaker, ka lawm e, Tuipang bialtu zahawm tak Pu K.T. Rokhaw an Edenthar V/C chungchang a sawi kha, V/C te an hekna hmasa ah kha chuan sum chungchang thil, a ni a. Chutah chuan an account te thil engkim an han check a, engmah thil paw lu-tuk a awm loh avangin warning pek nisela tih ang khan tih a ni a. Tin, ahnuah khan hekna dang khawtlang paw an tawh-na chungchang thil, case dang anih avangin C.A. te mai pawh nilo, a hmunah spot verification nei turin kan Officer te ngei tirh an ni a. Chumi ten a khawtlang administration an kalpui dan te leh thil awmdan hrang hrang ah aan chhutin, dissolve ngei turin an han recommend a. Chumi ang chuan Edenthar V/C kha tih a ni. Tin, nominated seat chungchang thu a sawi kha S. Hlimen ami niawmin ka hria a. Khatah khan rawtna lokalah kan Party hruaitute leh midang pawhin an rawn recommend anga kha dah a ni a. Amaherawh chu, rei lo teah V/C Roll-ah a awm lova, MLa/MP electoral Roll-ah chuan a awm a ni tih kan hriat leh tak avangin thlak leh nghal turin tih a ni a. An mahni S. Hlimen a kan hruaitute lam pawha thlakna atana an mi duhte zawk an ni a, thlak fel leh tawh a ni e. Tin, zawhna neitu Member zahawm tak N.P. Chakma in V/C 46 thiah tawhte hi eng Party te nge an nih tihte tihdanglam tawh 74 a ta hi eng party te nge an nih tihte, nominated seat 71 thlak te chu eng party tenge an nih tih erawh chu heti mai chuan ka chhangin ka hrih mai thei lova, a hreduh anih chuan kan Session tawp hma a hriattir ka tum ang tih kan hrih duh a ni. ....358/-

Tin, Serchhip bialtu zahawm tak Pu K.Thangzuala'n thiat (dissolved) tih leh Abolished tih kha aiaang em ? a tih kha chu, V/C dissolved (thiat) tih leh abolished tih a kha chu a inang lo, abolished tih chu V/C puitling kan pek tawh sa, Sorkarin a chhuh leh a nuaibo a tih-tawp tihna a ni. Chutiang chuan V/C 14 Sorkarin a lo pek tawh akha a chhuh leh, chu chu Saiha bialtu zahawm tak, Pu Zakhu-a zawhna nen khan a in la zawn ta a. Engvanga abolished nge a nih ? Engvanga nuaibo? Engvanga V/C kha chhuh leh nge an nih ? tih a zawhna kha heng khuate hi pem rauhsan khuate an ni ber a. Aizawl District ah 13 an ni a, chungte chu Bethani, Thenthum, Saipuulin, Hnahthialzawl, Falkawn West, Kawlalian, Kananthar, Dinthar Bethel, Sarali, Mualthuam, Tuipang lui, chumi leh Tlangkhang te hi Aizawl District ami an ni a. Lunglei District-ah pakhat abolished a ni a, chu chu Dinthar a ni. Heng khuate hi spot verification neiin a hmunah enfiah vek an ni a. A tam zawk pem rauhsan an nih lain Village thenkhat erawh chu in riat, in sawm te awmna a awm a. maherawh chu Sorkar kalphung leh V/C Danah in sawmthum tal an nih loh chuan V/C nei thei an nih loh avangin heng mite hi an V/C Sorkar-in a chhuh leh a abolished a ni.

Tin, Bilkhawthlir bialtu zahawm tak Pu Chama zawhna V/C kan thiah te hi engtianga kalpui nge anih thin, show cause notice te pek an ni em ? tih kha chu hekna alo luhin, spot verification nei turin kan in tir a. Spot verification atanga ngun taka Sorkar-in en a, action lak tul leh chhuichian ngai nia a hriat te chu show cause notice hun engemawti chhung an khaw hlat dan a zirin an chhan hman ngei natur hun pein thiamthu/ an dikna thu an sawina hun tur, hun thawl tak pek a ni a. Chuta show cause notice, thiamthu an sawina leh spot verification inquiry report te Sorkar-in ngun takin a en a, a buk hnuah thutawp siam a dissolve a ni thin a ni. Chutiang lo chuan V/C pakhat mah dissolve an la ni lo a ni tih kha ka chhan-na a ni e.

PU NIRUPAM CHAKMA

: Pu Speaker, thla ruk V/C thiah tawh kha engtik nge election in neih dawn ? Sorkarin inbuatsaihna a nei em ? tih ka zawt duh a ni.

PU H.VANLALAUVA  
MINISTER

: Pu Speaker, zawhna neituin a zawhna, V/C dissolve 46-ah bye-election engtikah nge neih a nih dawn ? tih chu zawhna

kha kumin (1999) ah hian V/C enthlanna neih beisei a ni a. A chhan chu nakum hi kum 2000 a ni dawn a. Inthlanna pum-pel hram Sorka-rin a duhin kan ring a. Chuvangin kuminah inthlanna hi nei turin inbuatsaih tan a nih tawh avangin V/C bye-election beih tumna a awm lo.

S P E A K E R : Tunah chuan kan List of Business  
angin 'Presentation of Report'  
kan ko ang a. Pu H.Rammawi,  
20th Report of Public Accounts  
Committee (PAC) relating to  
Transport Department, House-a present turin i sawm ang.

PU H.RAMMAWI : Pu Speaker, i phalnain leh Co-  
mmittee-in min authorise angin  
Public Accounts Committee, 20th  
Report he House zahawm takah  
hian ka present e.

S P E A K E R : A copy kha sem ni sela.  
Demand-ah kan kal leh ang a, Pu  
F.Malsawma Minister, a enkawl  
Department hrang hrang te  
Demand House ngaihtuah sak tura pulut turin ilo sawm ang.

PU F.MALSAWMA : On the Recommendation of the  
Governor of Mizoram and with  
your permissions Sir,

I move the Demand No. 1,4,12  
and 22 and 30 for Rs.108,53,43,000/- only for meeting ex-  
penses during 1999-2000 in respect of the following Depart-  
ments. Legislative Assembly Rs.3,19,00,000/- Administration  
of Justice - Rs.2,68,27,000/-, Parliamentary Affairs- Rs.17,  
55,000/-, School Education Rs. 100,19,86,000/-, Information  
& Publicity - Rs.2,28,75,000/-, Thank you.

S P E A K E R : Pu Aichhinga, Minister a enkawl  
te Department hrang hrang House  
a ngaihtuah tura pulut turin  
ilo sawm ve leh ang.

PU AICHHINGA  
MINISTER : Pu Speaker, on the recommenda-  
tion of the Governor of Mizoram  
and with you permission Sir, I  
move the demands No. 16,34,35  
and 53 for Rs.150,95,47,000/- only for meeting expenses  
during 1999-2000 in respect of the following departments.  
No. 16, Civil Supply - Rs.144,45,10,000/-, Demand No.34,  
Social Security and Welfare Rs. 70,00,000/-, Demand No.35,  
Relief on account of natural calamities Rs.1,47,00,000/-.  
Demand No.53- other General Economic services (Trade &  
Commerce and Regulation of weight & measures) Rs.4,33,37,000/-.  
Total Rs.150,95,47,000/-. Thank you Sir. ....360/-



S P E A K E R : Kan Minister pahnih ten an Department chan demand te House a ngaihtuah sak turin an rawn dil a. An Demand te hi sawizui turin Member te ilo sawm ang. Pu Lalthan Kunga.

PU LALTHAN KUNGA : Pu Speaker, ka lawm e. Hei vawin a department pahnih demands kan sawi turah hian-in sawi tur a tam viau mai a. Han tarlan deuh zung zung te pawh a ngaiin ka ring a. Hei phek 113-na, Demand No.16-na Civil Supply tihah khan Rural Godown Programme-ah khan kum danga nuai sawmli leh paruk te, nuai sawmli leh pariat te lo lang thin kha a lang ta hauh lo mai a. Kha kha a awmzia ka hrethiam manglo va.

Tin, phek 509-naah khan Marketing head-ah grant-in-aid-ah nuai sawmriat leh singriat alo lang bawk a, kha pawh kha a awmzia ka hrethiam meuh lova. Engpawh nise kan Minister zahawm takin min hrilh chian theih chuan a lawmawm viauin ka ring.

Pu Speaker, Food & Civil Supplies-ah hian Mizoram-ah Principal distributing centre kan tih hi sawm leh pahnih. Tin, sub-distributing centre hi sawm leh paruk, supply centre kan tih hi sawmkua leh pariat, awm niin a lang a. A hna hi ritaveng vawng hle a. Engpawhnise, weight bridge hi principal distributing centre sawm leh pahnih-ah te hian dah ni thei sela a tha viauin ka ring a. Zuangtui Kudam atang sawn Retailer ten a buhfai an han lakchhuah hian, a tlinglo nasa em em mai a. nasa takin an chawibelh thin niin an sawi a. Hengte hi tih reh anih theihna tur hian hemi weight bridge hi a pawimawh em em mai a. Chumi atan chuan Budget lamah khan duhthusamin a la in reflect lovin ka hria a. Chuvang chuanin principal distributing centre-ah hi chuan dahkim vek theih nise kan ngen duh a. Tin, supply department in hma alakna hi a lawmawm viau mai a, petrol leh Kerosin Oil lama adulteration nasa em em mai thin tepawh an reh thawkhat viau mai a, amaherawh chu, khawimawlai laiah tlem a mi duham thenkhat te an la awm fo nia hriat a ni a. Heng hi rang taka chhuichhuah a, hetiang tih chingte chungah hi chuan action na tawk alak a thain ka hria a. Tun hma lamah chllan fly te a awm thin niin hriat a ni a. Buhfai tam tak lothleng anga a paper lama lang si, a buhfai tak thlenglo a awm thin niin hriat a ni a. Chutah chuan hemi challan fly te hi tihtawp alo nih theihna turin engnge ni kan Minister hian kalphung thar ruahmanna a nei em tih tepawh kha hriat a chakawm hle a. Hmanni lam a kan ngaihthlak tawh ang khan tunah chuan Buhfai a nihna dan tur ang deuh va a han kal tan atang hian a dahna tur pawh awmlo khawpin, Rural lamah pawh Kudam indaih lovin inhnuaiah te chhek nghek nguk a ni a. Hengah hian a lawmawm rual rualin lehlamah chuan Kudam kan mamawh nasa hle mai niin a lang a. Chuvang chuan rural lamah Kudam programme lo lang ve talo kha tlem kan enghelh

ngaihndan nimir lamah ka lo la tlat tawh mai a. Ka kak hma kha chu nise, ka thuneihna a ni a. Chuvangin ka pawtthiat thei tawh lo a ni. Duhtawk tawh mai rawh u. Min hrethiam rawh u khawngaihin kan lo ti laklawh tawh si a. Le, Pu Vanlalhlana.

PU VANLALHLANA  
DEPUTY SPEAKER

: Pu Speaker, mihring nunphung hmasawmna leh changkanna kawnga rahbi pawimawh ber chu zirna a ni a. Chuvangin demand tam tak

sawi tur awm mahseng Education bik hi han sawi ka duh a. Hei, Mizoram-a kan Education pattern hi National Policy on Education, 1992 tlema modify-a kan ram mila kalpui a ni a. A tha viau mai a. Han sawiselin duhthawh thil thuah han sawi thin mah ila, a aia tha zawk a thlaknatur hi duanchhuah a har viau a ni. Amaherawh chu kan nihphung ang hrim hrimah hian improvement hi a ngai tih chu a lang a. Chungah chuan point tlemte kan sawilang ve a nga.

Pakhatnaah chuan tunhma deuh khan Pre-Primary section hi Primary School-ah kan nei thin a. Tun hnuah hian Pre-Primary School emaw khami a section emaw kha tihbo a ni ta a. Kan Education Primary School Pattern-ah hianin naupang kum 6 an nih atangin Sikul lut tan tur an ni a. Kum 6 hnuailam te kha chuanin kalna an nei ta lo a ni. Social Welfare Department hian Angawadi Centre-te buatsaihin khatiang Pre-School ang deuh kha enkawl an nei thin a. A mumal vak lova. Niminah pawh khan kan Social Welfare Minister zahawm tak khan a sawi lang a. Education Department tenen hianin insiam remin an Department tepawhin enkawl theih an in-huam thu tepawh kha a sawiin ka hria a. Engpawh niselang early Childhood Education Center hi chu kan mamawh hrim hrim mai a. Hei hi neih ve leh a thain ka hria a.

Tin, pahnihnaah chuan English hi kan uar ta em em mai a, kan la uar zel dawn pawh niin a lang a. Kan Sorkar School-ah te hian Saptawng hi uluk deuh zawk leh uar deuh zawka introduce nise a thain ka ring a. Tunah hi chuan zirtirtu tam tak te hian an fate pawh an kaltir na tlak loh school-ah hian an thawk tlat a ni. Chuvangin Saptawng thiam te kan duh a. Saptawng hi Govt. School-ah pawh hian uar mai hi a thain ka hria a. Tin, Work Education hi a pawimawh em em a, amaherawh chu a pawimawhna ang tur leh a spirit hi kan hrelo ngeni kan hmang fuh vak loin ka hria a. Primary School level-ah te hi chuan bawlhhlawh ruhna te an han siam tir ta a, Work Education atan. Amaherawh chu Primary School zir lai te kha in bawlhhlawh ruhna kha an siamthiamlo, an siam dawnlo tih a lang reng mai a. Chuvangin a spirit hi kan theh deuhin ka hria a. An zawh tawh leh an phak tawk Work Education pe turin kaihhruai a thain ka hria.

Tin, Middle School hi hei Private in 11 kan nei a, Government 332, Deficit 283 kan nei a. Private Middle School chin ang zawng zawng te hi chu Sorkarin a lak vek hi a thain ka hria a. Hei hi India constitution

deuh hle a ni a. Sawi tur atam hle mai a Pu Speaker, hun eng-  
zat nge kan neih dawn ka hre lova, Minute 15 tal nei thei  
ila a va lawmawm dawn em.

Hei Marketing research lampangah pawh hian tan ka lak a ngai viau-in ka hria a. Chutah chuan-  
in tunah kan Sawhthing te, kan aieng te hralhna tur hi spi-  
cies proceesing company lian tak tak te dawr tur hmun tam  
takah an awm a, kan hriat danin Calcutta-ah tepawh Sawhthing  
hi Kg-ah Rs.27/- ten an la mek zel niin tunnaiah tepawh niin  
ka hria a, Kg 1 kalman hi Rs.10/- pawh lo nisela Mizoram-ah  
hian Kg-ah Rs.15-17 te pawhin kan la thei dawn niawm tak a  
ni a. Hengte hi tihfel ran theih nise a lawmawm viauin ka  
ring a.

Tin, principal distributing cen-  
tre ka sawi pawh mai lo thei lova, ka bial chungga E.Phai-  
lengah khian dah theih nise a pawimawh viauin ka hria a, a  
chhan chu Ratu bial pumpui bakah Suangpuilawn bial te han  
pekna tura tana remchangte pawh niin a lang a. Hei Sub-dis-  
tributing Centre-ah hian Sakawrdar saw a lo lang a. Pu Spea-  
ker, security reason atanga ka han ngaihtuahin ka bialchung  
Darlawm-ah khian hemi Sub-distributing centre hi dah ni thei  
sela a lawmawm viauin ka ring a. Kha Bell i hmet nghal  
mai a, a buaithlak hlein ka hria a.

Pu Speaker, khawngaih takin  
reilote tal a rei lova ng. Hei Education chungchangah hian  
L.P.Teacher in daih lohna hi a nasa em em mai a, ka bial  
chhungah ringawt pawh khian a Department lam atang pawhin  
37 vel an mamawh niin a lan lain tun tumah hian 10 vel  
chauh kan la dah khat thei dawn niin a lang a, chu chu a  
demand-ah hian kan pekbelh theih a pawimawh viau dawnin ka  
hria a. Sikul lamah tunah hian 100-ah 11% ang vel emaw  
lek hi a kal niin a lang a, 15% budget pumpui atanga a aia  
tlem lo hi chu kan mamawh ngawih ngawih a ni tih kha kan  
tarlang duh a. Hei kan Sikul hian record tha tak a nei a,  
a chhan chu Mizo te hian zirna lam kan uar avangin chutah  
chuan mipui hi kan umphak lo hle niin a lang a. Pu Speaker,  
sawi tur ka ngah hle mai a, a type of School pawh hi chi  
thumin kalpui ni tawh se, Government leh aided leh private-  
in. Tin, post siam danah pawh hian a bik takin Primary-ah  
te pheih hi chuanin Minimum hi Maximum inkara hi chu an  
Department ten an thliar thiam turah ka ngai a. Tin, re-  
cruitment Rule hi mumal taka siamthat ni tawh sela Pu Spea-  
ker, tlem te min pekbelh hram teh. Sub-Division wise tala  
advertisement tepawh hi pek ni tawh sela. Minute sawm  
chhung chuan Pu Speaker, a pawimawhna hi kan sawi hman thlawt  
lo a ni mai a, dik tak chuanin.

S P E A K E R : Speaker, thuneihnain minute 15  
kan fix a. House ngaihdan ni-  
min lamah ka lo la tawh si a.

Chuvang chuanin kan tlai thin  
avangin Session kal zel tur kan lo tifel tawh si a. Chu-  
vang chuan zawm hram hram ang Member ten. Mahse, House

ah Directive Principle of State Policy kan en chuan chiang takin a lang a, constitution article 45-naah khan "The State shall endeavour to provide within a period of ten years from the commencement of this constitution for free and compulsory Education for all Children until they complete the age of fourteen" tih a ni. Kum sawm leh pali an tlin thleng khan manchawi lova lehkha thiamna pek kha Sorkar-in a bat a ni. Private School-ah chuan chawi a lo ngai a, a tlangpui thuin. Chuvangin 111 zet Private School kan nei a, heng hi Sorkar hianin enkawl selangin, chu chuanin zirna tha zawk pawh a thlenin ka ring a. Thingtlang-ah M.E. School te High School te an han enkawl a, zo leh zo lovin, an khawngaihthlak em em mai a ni.

Tin, ka hmaa sawitu khan a rawn sawi lang tawh a. Zirtirtu indaih lohna kha, a bikin Primary School-ah. Kan kalkawng Education Norms-a a inziahdan chuan Primary School-ah zirtirtu pali an awm tur a ni tih a ni a. Amaherawh chu, pali awmtlin lohna hi atam em em a. Ka hriatchian khuate han sawi ve ila.....107 an awm lain zirtirtu pahnih an awm a. Hmunzawl-ah naupang 122 an awm lain zirtirtu pahnih, Rullam School-ah naupang 103 an awm a, zirtirtu pahnih, Sentlang-ah zirilai 114 an awm a, zirtirtu pahnih, Thinglian-ah te Vanchengte te Lungpho School-ah te zirtirtu pahnih vek an awm ta a. Zirilai kha an tam em em tho si a. Heng hi hmun hrang hrang Zoram-ah pawh kan mutan pawh a ni a, hemi chungchangah hian an harsatna hi Sorkar pawhin kan hriatpui a thain ka hria a. Education hi kan hnam hnuk leh, kan hmalam inngahna bulpui a ni. Tun hma deuh khan M.P. Election-ah pali vel candidate an tel ve a. An ngaih pawimawh ber chu Human Development a ni a. Chuvang chuan kan ram kalzelna tur leh a dinchhuahna tur pawh hi Education-ah hian a inngat thui hle a. Chu chu a bulphum-ah Primary School atang hian uluk taka kan in enkawl a ngai a. Khawtinah Primary School te kan nei a, kan han hawng ve a. Amaherawh chu a furnishing te hi a chhe em em mai a. Tin, zirtirtu te pawh naupang nei leh neilovin class I,II,III, IV a awm a naupang 100 chuang an awm a. Pawl hrang hrang pali a-awm tihna a ni a. Zirtirtu 2 ten an han enkawl angte hi chu a tha lova, chu chuan kan ramah thiltha duhin han sawi vak vak pawh ni ila, a tirah a bulthut atanga kan in zirtir loh chuan awmzia tak tak hi a nei thei dawnin ka hrelo a. Hemi Primary level a Zirtirtu indaihlohna hi chu ka ngai-mawh em em mai a. Sorkar pawhin Revised Estimate an siamah an hriat reng hi ka duh tak zet a ni.

Tin, High School lamah hian tunah Secondary School kan nei a. Nikum lamæ han en chuan Zirilaite nasa takin an mangang a, admission te an hmulo tihte ka-n hria a. Amaherawh chu kan Education Minister in hma a lakna zarah Private College emaw zatin Class XI and XII an han la chho leh dawn a. Hengahte hian sum tam tak an mamawh chho dawn tih a hriat a. Tuna kan Budget kalhmang-ah hian nikum anga kal a ngai a, Central lam atanga fund a- ilocation a mumalloh avangin. Amaherawh chu, Revised Estimates-ah chuan Education Department hi kan ram hnuk leh kan ram Changkanna tur leh engkim inngahna anih avangin an rawn ngaih pawimawh ka duh a. Tunah hian Budget pumpui

atangin 11% vel emaw chauh kha a ni a. Kerela literacy percentage an sang berte kan ti a, tunah chuan kan lehpel leh tawh a. He kan education Qualify maintain tha tur hian kan ngaih pawimawh a tul tak zetin ka hria. Ka lawm e.

Dr LALZAMA

: Pu Speaker, tawite kan sawive ang a. Vawiina kan Demand sawi ah hian Food & Civil Supplies ateng hian han sawi hmasa ila.

Hei kan Minister in thahnemngai taka hma a lakna avang hian Buhfai lama-h te kan intodelh viauin a hriat a, a lawmawm khawp mai. Thakhat quota phei chu lakloh tur tih hial khawpin ka lo hria a. Amaherawh chu phurh man Bill bat tam em em mai hi a mangan thlakin ka hria. Zawhna ah pawh khan a awm tawh a. 6.10 crore tih kha bat a ni a. Hei hi Finance Commission-ah pawh dil a ni tawh e tih a ni a. Nia hei hi engngeni a chhan ni ang, tih ngaihtuahna min neih tir a. Tun hma Sorkar hmasa hun daih-tawh atanga khatia lo inchhekkhawl tawh kha anih avangin bata tam a. Chutiang chuan a chhaa tak hmuhchhuaha kan budget ah pawh hian a tul chuan vur deuh kha a tha lawm ni tih kha kan sawi duh a ni. Tin, hei Aizawl District-ah ringawt pawh hian nuai 250 emaw te chu bat kha awm a ni a. Chuvang chuan hei hi a tam em em mai a. Nichinah khan Member zahawm tak Pu Lalthan-Kungan a rawn sawichhuah ang khan Challan fly han tih vel te pawh a awm thin nia sawi a ni, heng kawngah hian fimkhur lehzuala kan Sorkar hian hna a thawh chhuah a pawimawh hlein ka ring. Silchar Godown-ah pawh dah an tum a, a tak chu Maruari hnena kal si, a thu chauh khatianga lo received kha a awm niawma sawi a ni a. Chuvang chuan fimkhur a ngai khawp mai a, kan ram hi siamtha tak tak turin a te ber atanga a lian ber thlenga hnathawh tak tak a hun tawh a. Tunah pawh hian Manipur lamah te Mizoram Buhfai hi a chhe em tih zawh tlak pawh niin a lang a ni. Chuvang chuan heng hi chhinchhiah atan thain kan hria a, fimkhurna atan, Buhfai hi tam tak tak leh lamah ni mahse khatiang engemaw mai mai kha a awm chuan hmasawna a awm tak tak thei dawn lo a ni. Tin, hei hun chu a tlem viau na a, relief te pawh hi natural calamities atana dah hi nuai 147 tih hi a ni a. Hei hi a tlem khawpin kan hria a, a chhan chu kan ramah chhiatna hi a tam a, ka bialchhungah ringawt pawh engnge maw, lei tlahniam han tih leh sawng Zemabawkah te pawh sawn a awm ve tho mai a, hela-i Hunthar veng han tih ang chi deuh kha. Tin, inkang avanga tanpuina pek tur hi a tam khawp a kan ram punpui han thlir phei chuanin, Chuvangin hengte hi tihbelh theih deuh a ni dawn lawm ni, tih ngaihtuahna a awm a ni. Nakinah, Revised Estimate tamah chuan la hriat atan a tha awm munge kan ti a ni.

Tin, Education lamah hian sawi tur a tam ang reng viau a. Kan sawilan hmasak ber duh chu Deficit High School a thawk te hi C.C.S. Rules ang thlapa enkawl a ni ve tho a. Hengte pawh hi Sorkar atanga hamthatna, entirnan MR te TA, DA, HBA, LIC tuna Sorkar hnathawkte pawn an han dil nak nak ang chi pawh hi an dil ve hleithei silo. A leh lamah chuan chitiang a thawk chu an ni a, Sorkar a thawk angin C.C.S.Rules ang chiah a enkawl in ni tih

an hlawh lehlawi bawk si a. A hmuah tur lamah an hmu leh phak bawk silova. Khatiang atan pawh khan kan School Education-ah hian pawisa pawh han ruahman atha lawm ni ?

Chulo lelah chuan 1990 January ni 18-ah tawh khanin Mizoram Gazettee-ah chuanin Death Cum-Retirement Gratuity hi chhuah a ni tawh a. Mahse vawiin ni thleng hian la implement lovin a awm reng a ni. Chuvangin, heng pawh hichhuah anih tawh chuan an hmang ve thei dawn lawm ni ? Engtizia bik nge ni tih kha ngaihtuahnaah a awm bawk a ni. Tichuan an service condition siamfel sak a tul a ni, deficit school te, Non-Government School te a tam si a. Entirnan, Contributory Provident fund tepawh hi 8% an Basic pay atangin dah sak a ni a, kha kha Sorkarin lo khing ve tur kha a ni a. Khin sak ve a awm leh mang silova. Deficit College kha chu an tihsak tawh niin a lang a. Mahse School lampang hi erawh chu tih ala awm ta chuang lova. Hei hi Sorkar hmasa hun a mi daih tawh kha a ni a. Nimin lama kan ngaihthlak tawh ang khan heng thawk tute hamthat-na chu kalphung tharah hi chuan tihpuitlin sak awm tak niin ka hria a ni. Kan Budget-ah pawh hianin, nakinah Revised Estimate-ah kan hriat atan atha a ni. Chung te te pawh chu kan tarlang duh a ni a.

Tin, chu loah chuan hei Zirtirtu appointment han pek mai tur niawm Higher Secondary School-a thawk tur nikum lam tawh nge ni, DP & AR lamah nge ni a awm ni, hengte hi ala awm ta reng mai niawm tak a ni a, School te pawh an indaihlo nasa a, Plus two hawnbelh tur school a tamin a pawimawh em em mai a. A pawimawh zia hmu zolova, College lamah lah Private College khawimaw lai laiah admission lo la mai rawh se tih te a ni a. J.Thankima College-ah te an in admit niawm tak a ni a. Chuvangin, Education lam atan hian mihring enkawltu tak tak Department anih avang hian a pawimawh em em mai a. Lehlamah chuan kan tu kan fate ngei ngei Mizoram leilung fate, keimahni fate ngawih ngawih enkawlna leh zirna, hamthatna tak tak hi anih avangin Higher Secondary School te pawh hi han hawnbelh theihna tur awm se a duhawm em em mai. Thil kal fello sawi turte pawh hi a a-wm nualzel mai a. High School Headmaster pawh hi engtizia nge chhawng thum lai mai Govt.High School-ah si hian awm a ni. DDO power, full power neih te, Salary sign te leh engemaw a sign ve thei lote kha an niin a lang a, hentiang chi neuh neuh pawh hi a awm. Tun hnaiah tepawh hian K.M.High School-ah te leh Central High School te leh Republic High School-ah te hian Headmaster pahnih an awm nge ? A awmsa kha upgrade ve mai theihna tura "Principal " han tih mai tepawh kha a tih theih lawmni ? Heng atan pawh hian pawisa hi han dah ta ila a tha lawm ni. Han voh deuh te hi an va tha em ?

Tin, private School theihtawpa mahni khuaa lo din ve tang tang Aided School-a han siam mamawh ngawih ngawih tepawh hi an tam em em mai a. Hengte pawh hi nichina kan sawi ang bawk khan kan fate tak tak kan siamna a ni theuh a, mamawh ngawih ngawih hi an tam em em mai a, khawtlangin an hah si a. Mahni theih ang a thawh-khawm tak tak a, harsa tak a bei, upgrade phu ngawih ngawih hi

an awm a. Tanpui chakawm ngawih ngawih hi an tam em em mai a. Entirnan ka bial chungah pakhat han sawi ta ila, Zuangtui ah te pawh sawn Tuikhur an nei lova. High School an nei lova, Khelmual pawh an nei lova. Damdawi Health Sub-Centre pawh an nei lova. Engmah awmlo hlir kha a a wm a ni mai a. Mihring erawh chu Vai te nan chungkua chu 600 chuang awmna a ni tawh si a. Chutiang deuh chuan tul ngawih ngawih mai khawtlangin a hah deuha a enkawl Middle School tepawh hi a awm a, hei Kolasibah pawh Chawngliani Middle School, Durtlang-ah tepawh Willow Mount Middle School te pawh han hlankai tul tak tak a awm a ni a. Chuvang chuanin heng te hi ngaihtuah ngun a ngai khawp mai a.

Tin, chuloah chuan hei Primary School building han sak that ngai pawh a tam khawp mai. Chuvangin helaiah kan budget han en hian a daih thei ang em? A daih hleih theih hmel loh khawp mai a, a huphurhawm khawp mai. Hei kan Minister zahawm takin theihtawp chhuah in hma an la a an bei tang tang zel a. Tin, Education lam Officer hote pawh kokhawmin a tih theih dan tur engemaw ti ti in an han ngaihtuah thin viauna a, pawisa lama tlem chuan tih theih tak tak hi a ni lo a. Chuvang chuan hei harsatna tam tak Education Department bik atan hianin a awm a, heng solve nan hian chutianga hmalak chu a tha awm mang e tih kha kan sawi a ni. Ka lawm e.

PU H. LALTANPUIA : Pu Speaker, ka lawm e. Kan Demand No hmasa lam Food & Civil Supply lamah hian kal hmasa thuk thuk ila, hun kan neih tlem avangin, kan ngen duh a. Kan Minister te inhah dawnah ka ngai a. Tawngnan loh theih loh a ngai dawn a, chuvangin ngun taka min lo ngaihthlak sak ka duh a ni.

A hmasa berah hei Supply chung-chang-ah hian kum dangah engnge ni ka hre lova, kuminah chuan hei sawi thuk thuk tawh angin Zokhaw Kilkhawr berah pawh Godown-a lenglo khawp Buhfai kan nei ta vek mai a, a bikin ka bial furah chuan kal hleih theih lohna hmun, tunlaih ah pheih chuan Land-lock a ni tawh a, chungah tepawh chuan ngaihthat thlak khawpin kan Godown-ah te Buhfai a khat vek tawh a. Chuvang chuan Zoram pumah kan Buhfai dinhmun han thlirin a lungawithlak ka tiin kan Minister tanlakna zar liau liau a niin ka hria a, lawmawm ka ti takzet a ni.

Nimin lamah tepawh kan sawi tawh a, kan bill tang, Carrying Contractor te Bill a hi hmun tam takah te chuan a hlawk lo lutuk a, tlawmngai Retailer te thawhtir a tam mai a ni. Ka bial chungah pawh khian, An lak apiang khan an hek zawk zel mai a. Chuvang chuan kan Minister zahawm takin Question Hour-a a sawi angin a rang thei ang berin hemi Carrying Bill rate tihpun a hi chu kan Retailer-te carrying rate tihpun bika hi chu rang taka min tihpuitlin sak kha kan phut a, rang tak kha a ni ringawt mai. Chutih rual chuan nichina kan Ratu bialtu zahawm takin a sawi ang khan ka bial khi Zoram pumpuiah kal kawng harsatna bial a ni a. Principal Distribution Centre a kha tih-

belh tur a awm anih pheii chuan ka lo hriat danin tihbelh leh anih chuan Khawruhlianah dahbelh tuna awm niawm takin ka hria a. Amaherawhchu Khawruhlian ah dahbelh law law anih chuan khilai East Phaileng, keini Suangpuilawn te tan pawha vawin a kawng tha kan neihna lai hmun khi Principal Distribution Center-ah hmun a remchangin ka hria a. Khawruhlian atang chuan khawper tur awm vakin ka hre lova. Chuvangin, Bial leh Zoram pum tan chuan a remchang berin ka hria a, kan dahbelh leh dawn anih chuan. Chutih rual chuan tuna kan distribution Centre pangngai hi ka bial chhung Phullen-ah a awm a, amaherawh chu kalkawng harsatna avangin Vanbawng khawlam tan chuan tun ang Fur lai pheii chuan Buhfai kan la thei lo reng reng mai a ni, retailer te hian.

#### Chuvang chuan Suangpuilawn-ah

hian a kawng, kan PWD Minister zahawmtak hmalakna avangin tun kumah pawh black top tura hmalak chhoh mek a ni a. Suangpuilawn ah hian Distribution Centre min siamsak thei lo em ni? tih kan sawi duh bawka. Chutih rual chuan Demand No.53-naah Sawhthing chungchang hi tawitein ka sawi duh a, kan Minister pawhin min han hrilhfiah se thain ka hria a. Tun kumah Kg-ah 15/- tein kan lo hralh chho thei ta a, a chi pawh neilo khawpin kan retheihna avangin kan inhralhfai a. Sorkar thahnemngaihna a zarah theih patawpin a chi te kawng a ngaihtuah a, mi tam takin an ching leh ta a. Chuvangin, vawin a Rs.15/- Rs.10/- te a tun kuma kan hralh ang hian nakumah kan kut hnathawk tute hian alo berah Rs.10/- aia tlem lovin an hralh dawn a ni tih hi anmahni rilru chhungah ngaihtathana kan tuh a ngaiin ka hria a, phurna, incentive. Chuvang chuan Suangpuilawn ah hian a kawng, kan P.W.D. Minister zahawmtak hmalakna avangin tun kumah pawh black top tura hmalak chhoh mek ani a. Suangpuilawn ah hian Distribution Centre min siamsak thei lawm ni? tih kan sawi duh bawka. Chutih rual chuan Demand No. 53-na ah sawhthing chungchang hi tawitein ka sawi duh a, kan Minister pawhin min han hrilhfiah se thain ka hria a. Tun kumah Kg. ah Rs. 15/- te in kan lo hralh chho thei ta a, a chi pawh nei lo khawpin kan retheihna avangin kan inhralhfai a. Sorkar thahnem ngaihna azarah theihpatawpin a chi te kawng a ngaihtuah a, mi tam takin an ching leh ta a. Chuvangin, vawin Rs. 15/-, Rs.10/- te a tun kuma kan hralh ang hian nakumah kan kut hnathawktute hian a lo berah Rs. 10/- aia tlem lovin an hralh dawn ani tih hi anmahni rilru chhungah ngaihtathana kan tuh a ngaiin ka hria a, phurna, incentive.

Chuvang chuan kan Minister te hian hemi kawngah hian nakum a kan sawhthing tharchhuah awm tur kawngah hian eng angin nge hma a lak tawh? Engangin nge kalpui anih dan kha khawngaih takin min hrilhfiah theih chuan min hrilhfiah thei se ka duh hle a.

School Education lamah lo kai leh ta ila. Hei School Education lamah hian ka hriat dan a sual loh chuan tunhma a Primary Level leh Middle School Level a curriculum leh text book te MBSE in a khawih kha SCERT in khawih tir tum niawm takin a lang a. Hei hi SCERT in a khawih vek vek anih chuan a examination pawh



hi SCERT hian a la tlang law law nghal mai thei lawm ni ? A curriculum leh a text book te SCERT in a la tho tho anih si chuan kan MBSE te hi, hei ten plus two te kan lo nei ta a. Plus two examination te a lo belh leh ta bawk a. Chuvang chuan HSLC leh Plus Two examination hi kan MBSE hian khawih chauh mai se, curriculum leh text book te SCERT in a lak law law tawh chuan a Primary leh Middle School Examination pawh hi khawih nghal se a remchangin a tha zawk dawn lawm ni ? tih ngaihtuahna ka rawm nei a.

Tin, ka'n sawi zawr zawr mai anga. Hei zirtirtu transfer chungchang hi, a bik takin keini Zokhaw lam tan chuan kan harsatna lian ber a ni a. Post kalpui a ni deuh vek mai a. Khing ka bial Suangpui-lawm angah phei chuan hman deuhhle-ah HPC te avangin rambuai kan nihna laiah chhuanlam remchang tha tak takte a awm avangin kan zirtirtu tam tak te, ka bial atangin an post nen an in transfer a. Amaherawhchu, hei hi Pu Speaker, Mizoram pumpuih hian kan Education Department hian Transfer Rules fel tak hi a siam thei lawm ni ? Transfer rule fel taka kan neih loh chuan kan buaina tura hi chu ala kal chho dawn chauh a ni. A dik tak chuan ka ti thin a, Kohhran Upa tamna ber ni si thil mumal lo hi a tam em em tih ka sawi duh a. Tin, chulo lehah chuan Pu Speaker, kan Minister khan min lo chhinchhiah sak zung zung mai sela, High School-ah Science leh Mathematics lama chak lo mi te awm kan ni a, chuvang chuan heng Mathematics leh Science aia-h hian Typing te, Short hand te, Computer zirna te hi a introduce ve theih tawh lawm ni ? Science leh Mathematics a chak loh avanga matric a tang te hi kan tam lutuk a. Chuvang chuan heng subject aiah hian Typing, Computer te hi a introduce ve theih lawm ni tih kha kan sawi duh a.

Tin, Public Examination hi wawiinnia Class VII atanga board exam kan neih tir hi Class VIII atang hian neih ni ve tawh se a tha lawm hi ? Hei hi a thatna tam tak a awmin leh ramdang te tihdan phung pawh a niin ka hria a. Tin, chulo lehah chuan kan School session hi National Pattern in kalpui ve ni tawh sela, chuti anih loh chuan HSLC pass te 10+2 pass te phailamah zirna sang zawk an pan dawnin School session inan loh avangin nu leh pa ten harsatna nasa tak an tawh a ni. Chuvang chuan National Pattern in he kan School session hi tan ve theih tawh nise a duhawm hlein ka hria a.

Tin, chulo lehah chuan Pu Speaker, kan Directorate-ah hian Academic Cell leh Planning and Statistic Cell hi a hranin dah theih nise, chu chuan kan harsatna hi nasa takin a sutkian a rinawm a ni. Tin, a tawp berah chuan kan sawi leh duh chu Pu Speaker, hei kan Member pui zahawm tak tak ten School Private School engeng maw zat kan la nei a, tin, kan School neih sa-ah pawh zirtirtu nasa takin kan indaih lo lova. Chuvang chuan hei hi siamthat anih loh chuan engtikawng zawng mahin he kan School Education policy a hi a hlawhtling dawn lo a ni tih a chiang reng mai a. Vawiin-

niah hian kan Hindi Teacher chungchang pawh sawi loh theih loh niin ka hria a. Hindi Teacher neih miah lohna School tam tak a awm a. Kan bial thingtlang bialah chuan. Amaherawhchu compulsory a ni si a exam na ah a tel leh lo thei si lova. Chuvangin, Zokhaw lama rethei zawkte result chhiatna a percentage hniam em em nachhan a hi Hindi zirtirtu nei lova kum an tluan thin vang a ni. Chu chu question hour ah kan Minister zahawm tak khan min chhang tawh a. Khami 206 lak tur kha rang taka min lak sak a min hnawhkhah sak zung zung turin ka han sawi belh leh duh bawk a.

Tin, Education tana kan sum mamawh hi a dik tak chuan a tam em em lo thei lo a ni. Vawiin niah bial tinin harsatna kan nei vek, MLA tinin harsatna kan nei vek. Amaherawhchu vawiinnia kan Plan Budget han en chuan, kan budget bu han en chuan khang ang ka n duhthusam a kha a thleng thei dawn lo tih hi a chiang em em a ni. Chuvang chuan kan budget atanga 15% tal a hi chu tuna 11% mai ni lo deuh hian i telh ve ang u.

Tin, R.E. kan neih hunah pawh hemi School Education tan hian uar zawkin kan sorkar hian sum leh pai hi min dah sak thei se MLA te kan lawm tlangin kan lungawi tlang thei viauin ka ring a ni. Ka lawm e Pu Speaker.

S P E A K E R : Pu Nirupam Chakma.

PU NIRUPAM CHAKMA : Pu Speaker, hun min pek avangin ka lawm e. Minister zahawm tak pahnih te demands, Department 9 lai sawi tur a ni a. Amaherawhchu, sawina hun minutes 10 chauh i ti si a. Ahmasa berin Pu Speaker, Education chungchangah sawi ka duh a. Hei ka bialah Longluighat High School Sorkarin phalna a pe tawh a. Private-ah sawlam Vaseitlang Bru-te Chakmaté, leh Bawmtlang te tan a bik takin minority area a ni. Hemi atan mipui hian private-a hawn a ni a. Tun thleng hian tluang takin an kal zel a. Nikum a Student Matric result pawh a chhe vakko a ni. He School hi kuminah school deficit lak tur a awm chuan kan Minister zahawm takin telh ngei sela tih hi ka sawi duh a.

Tin, chubakah Lungrang High School te kan kalna apianga khawtlang hruaitute hian min ngen ve thin a, chu chu kan Minister zahawm tak hi lotelh ve turin ka duh a ni.

.....370/-

Tin, Residential School hi eng-nge adinhmun tih hi kan Minister-in a wind up hunah Member te min hriattir sela a tha ang. Residential School hi Sorkar hmasa atanga awm tawh a ni a. Engti kawng zawnga kalpui tur nge ni ? Tin, Thingtlang High School awmnaah chuan Hostel kan mamawh tih hi kan Minister zahawm takin min lo hriatsak sela.

Tin, Hindi chungchang, hmannah pawh kan thian ten zawhna leh chhanna-ah an sawi a, kan Minister-in 206 lak tur a ti a. District Council tan. Chakma te hi an dil lova. Amaherawh chu, Sorkarin post sawm chu kan ear mark a ti a, hei hi hriatsual a ni mai thei, an dil reng a, Central Sorkar-ah pawh an dil a. Tin, Prime Minister Deve Gowda-te, I.K.Gujral lo kal lai pawhin Mizoram Sorkar dil ang bawkin District Council tepawh an dil ve a. Hei hi a chhan chu Chakma District Council chhungah Bengali medium ni thin kha School zawng zawng chu tunah chuan English Medium-ah thlak vek a ni tawh a. Chuvangin, Bengali anih tawh loh chuan Major Indian Language pakhat tal dil a ngai a. Chuvangin Hindi kha compulsory-ah an dah a ni. Mahse Hindi Teacher kan neih loh chuan tihngaihna a awm lova. Central Sorkarin tunah 206 Mizoram tan a pekah hian 10 tal chu min pek ngei kan duh a ni. Tin, a theih anih pheih chuan chu aia tam pawh min pek theih dan ngaihtuah nise ka duh a. Tin, Adult Education chungchangah Pu Speaker, Mizoram in Literacy percentage-ah no 1. kan ni tawh kan ti a, mahse keini a bik takin minority zingah Chakma, Bru te te zingah Education-ah kan tlahniam em em a. Chuvang chuan he Adult Education policy hi kan la mama-wh rih a, kum khat min pe leh sela. Dik tak chuan tuna kan awmdan hi a dik tawh lo a ni. Adult Education programme hi awmlo tluk a ni a. Chuvang chuan Minister hian khawngaihni hemi bik atan khawthlang lamah minority zingah hemi programme hi chak takin kalpui se tih hi rawtna ka siam duh a. Tin, Mizo hi state language a ni a. Saptawng te pawh a ni a, Bengali thlakna tur hi Major Indian language Hindi chu kan zir ang a, a bik takin Chakma khaah te Mizo hi dil se ka duh a ni. Chuvang chuan District Council Supplort ka nei lova. Mizoram Sorkarin hemi policy hi ngaihtuah sela ka duh a ni. Keini tepawh min ko sela, Chakma hruaitute leh District Council hruaitute nen, keini MLA pahnih te nen Minister zahawm takin min sawipui sela ka duh a ni. A chhan chu Mizotawng thiamlo kan ni a, keipawn ka thiam lova, Aizawl-ah kan awm a, tlem tlem chu kan zir ve a, tunah ngei pa-wh eng percent nge ka sawi dik ka hre lova, mahse ka sawi a ni mai, ka zir a ni mai.

Nakinah hun lo kal zelah thang-thar generation tharte chuan tuar lo sela ka duh a, Chuvangin State Govt.in Distric Council te rawnin engtizawngin nge ke state language hi keini lamah kan hman theih ang a, kan improve theih ang ? tih hi ka sawi duh a.

Tin, Information chungchangah hian hun engemaw chen ka enkawl tawh avangin tam tak ka hria a, Motor te an mamawh em em a, Information hi mobile tura ngaih a ni a, a theih chuan Motor Cycle te hiah pawh nei se ka duh a ni. Tin, Information age-ah kan luh avangin Web-site te, Internet te neih ka duh a.

Pu Speaker, Administration Justice-ah awareness seminar hi a tam thei ang ber neih hi rawt-na ka siam duh a ni. Aizawl-ah te kan nei thin a. Chhimtuipui-ah te, Lungleiah te neih ni ve thin se. Tin, programme a tam thei ang ber siam nise hemi administration leh Law Department hian siam ve ka duh a.

Tin, Supply chungchangah hian kan thianten Buhfai a tam an ti viau a, a tam mai thei, mahse Buhfai thalo tam tak a awm a ni. Buhfai chhia Godown-ah a awm tih hi lo hre rawh u.

Buhfai tam lampang ni lovin, a quality hi a pawimawh zawk a ni. Ngaihtuah ngun a ngai hle a ni. Eng quality nge a nih a, a eitlak em ? eitlak loh em ? A tam lam ringawt sawi hi chu mipui ngaih dan pawh a nilo mai thei a ni. Ka bialah hei, tun thlengin hei Parva khuate, Parva grouping centre a ni a.

Damdep, Vaseitlang, kum inah Buhfai Kg khat pawh a thleng lo. Godown chu a awm a, mahse, Kg khat pawh a thleng lo. Engatinge ni ? Niminah kan sawi tawh ang khan Borapansuri-ah kuminah Store Keeper pakhat a awm mumal loh avangin thlakhat vel chu carrying contractor pakhatin Retailer hnenah a thlen ringawt mai a. Buhfai chhia Godown-ah a awm tih hi lo hre rawh u. Engnge ni kha kha Sorkarah Dan a awm em ni?

Pu Speaker, hei Trade & Commerce Department chungchangah hian demand No.53 ginger marketing chungchang ah kuminah Kg 1 ah Rs.15/- in an zuar thei an ti a. Amaherawh chu kan hriat chinah chuan Baga-ah a ni. He-tah man tlawm deuhin an lei a. An phur a, sawtah Kg-ah Rs.15/- in an zuar thei mai thei. Mahse, Farmer producer hian Kg-ah Rs.15/- in an hralhin an hmu em ? Collection Centre Sorkar hian engzah nge a siam ? A nih Sundar Ali an khawi hmunah nge a lei? Baghaah nge Vairengte-ah em ni ? Nakinah Minister-in khawngaihin min han hrihfhiah thei hram sela, a lawmawm khawp ang. Chhimtuipuihah Collection Centre engzah nge a hria em ? Aizawl District-ah engzat nge a hria em ? Kg-ah Rs.15/- ringawt sawi hi chu a chhung-rilah engemaw a awm a ni. Pu Speaker, Relief on account of natural calamity, social security R/R kan tih kha, tin, Legislative chungchang te Parliamentary Affairs chungchang tepawh tam tak sawi tur kan nei a. Amaherawh chu hei hun a tawp tawh si avangin ka sawilo mai ang e. Ka lawm e.

PU C. THANGHLUNA

: Pu Speaker, Demand No. 16-na ei lei bar thil a ni a, mi zawng zawng khawih ani a. Hei hi tlem han sawi ve ka duh a. Supply

Department tan lakna anih avangin buhfai mipui mamawh tawh hei kawngpui kal theihna chinah chuan interior lutuk nichin a Member zahawm takin a sawi te tih loh kha chu kan kumkhat tla tawh an dah thei niin a lang a. Department te thahnemngaihna avanga harsa lo taka mipuite kawngpui dunga mite min siam thei hi a lawmawm hlein ka hria a. Lawmthu an chungah pawh ka sawi bawk a. Amaherawhchu, Supply Department hi a department a mite pawhin lo haw lo hram ula, Supply Department ah hian thil siamthat ngai thil tam tak a awm a. Hei kalphung thar te kan han ti a, kalphung thar kan sawi zing viau a, amaherawhchu, kalphung thar han tih ringawt khan a chhe zawnga kalphung thar nge, a tha zawnga kalphung thar. Kalphung thar ringawt a kha a tha vek ani chuang lova. Sorkar a lo din hian tihthat tam tak an nei anga, a hnuah Sorkar a lo din lehin sorkar hmasa tih that loh lai deuh te kha rawn ti tha ve lehin a tha zawka rawn kalpui theihna te pawh a awm anga. Chumi hnuah sorkar dang lo ding leh sela an aia tha zawka kalpui theih dan te pawh an rawn hre thar veleh dawn a ni a. Chuvangin sorkar inthlak inthlak te pawh hi a tulna lai a awm ve reng thin a ni a. Tunah hian Supply Department a thil siamthat ngai, kalphung thar a kal kan ti dawn nge ni. Tuna kan tihdan hi kalphung thar ti dawn ila vawiin niah ala pangngai ani si a. He kalphung thar a hi a tha zawnga inthlak danglam leh en that leh a tul ani zawk mahin ka hria a.

A pakhatna ah chuan buhfai hi kan vaia kan ei ani a, tunah hian buhfai tam tawh min pek lain, kan buhfai quality erawh hi chu a chhe hle mai a. Keini pawn helaiah kan awm a kan lei ve thin a, a thleitu kan awm bar bawk silova a buaithlak khawp mai a. Chawei lai hian a hum kan inthlansiak ani ringawt mai a. A fang sawm deuh dup mai ani a. A quality hi hei aia tha deuh lei chhuah theih dan a awm lawm ni ? tih kan Minister kha ka han zawt duh a.

Tin, a pahnihna ah chuan Supply Department ah hian thil eng eng emaw thil dik tawh lo a awm thin a. Retailer tena, mipui tena buhfai an leichhuah reng reng hian Godown a thawktute hian, neng khawpui chhung hi chu hotu lian deuh te awmna ani a, an ti lo deuh ani maithei a. Thingtlang kilkhawr apiangah tuna ka sawi tuma hi a nasa zual a. Retailer ten buhfai an lei chhuah dawnin Godown in-charge S.K. emaw Inspector anni emaw retailer tena bukin an pe phal tawh lo reng reng a. Bag khat quintal khat hisapin an pe mai thin a ni. Chutianga an lak duh loh chuan an pe chhuak duh tlat lova, tihngaihna a awm lova, a tawpah chuan i he lovin an la chhuak leh nge thin. Chumi avang chuan buk tling lova an lak chhuah na na chu mipui hnenah buk tling taka pek chhuah leh ngaihna a awm lova, tlinglo bawkin an hralh a, mipui a tuartu kan ni a. Buk tlinglo lutuk leh thingtlang deuh a retailer ten buhfai an khul a bag khat quintal khat anga an kawltir mai hi tih tawp dan awm se. Mipui ten Kg. tling deuh zawka kan lak theih nan kan Minister hian chak takin hma min laksak sela.

A pathumna ah chuan buhfai phurh man dik tak चाह hi sorkarin a chawi theihna tur hian buhfai phurtu te dinhmun hi a enfel a tulin ka hria. Thingtlang khaw kilkhawr deuh takah chuan a thawktu department te hi Carrying Contractor anni deuh vek ta mai a. Carrying Contractor an nih deuh vek avang hian phur tak tak silova phur anga inpeizawn kha a tam ta lutuk a. A phurh man dik tak ni silo challan a receive tu in a lo received ve thlap si a, phur silo kha phur angin a lang ta si a, Sorkarin a man a chawi a chawi mai a ni. A thawktu department ami lo kha chuan khatiang kha an tithei lem lova. A thawktu department S.K. leh Carrying Contractor in chhngkhat an lo nih miao si chuan khatiang kha an lo in peizawn thei ta a ni.

Hei hi corruption loop hole nasa tak niin a lang tlat a. Hei hi tihtawp vek ani thei lo anih pawhin a tihtlem deuh dan hi Minister hian a dap thei lawm ni chu aw ? Challan lo received tute kha a phurtute eiral hauh loh short an hlauh em em lain a lo received tute kha a changin bag khat te an lo chhiar hmah lui a, bag khat te a aia tam te in a short a. A lehdam lehlam fel tak ve ve kara a phur tu- ten an han phurh kha, an eiruk hauh lova kha a sang tel an chawi mai thin a. Hemi tireh tur chuan weight bridge kan neih hi a pawimawh em em mai a. Weight Bridge kha awm sela chuan khang zawnz zawnz an trick theihna kha a tawp dawn a. Chuvangin kan sorkar hian heng weight bridge nei tur hian budget ah pawh hian hmalakna nei ta se, tih hlawhtlin ngei tum sela a tha lawm ni ? tiin kan Minister kha ka rawn ngen duh a ni.

**Tin, head load chungchangah hian thingtlang khua hla tak takah head load in an pe thin a.** Head load a an han pek chuan an khua an han thlen meuh chuan carrying charge an han bill a, buhfai kha a thlawn deuhthaw a ei theih ve na a ni. Chulai tak maiah chuan corruption in hmun a lo nei leh ta a, Godown a thuneitute kha advantage nasa takin an han la a, mi phurh hauh si loh, head-load a phur tak tak silo, head-load anga lantirin buhfai tam tak tih rural nan hman a lo ni thin a. Head-load ah an ziak lut vek si a, khatiang kha sorkar buhfai tam tak a awm a. Tunah hi chuan Supply Department han tih a kha a department zawnz zawnz anni lova, a department a thawktu a hlem hle zuak bika te kha kan sawi a ni. Chutiang te chu Supply Department a thawktu tam tak te chu kum thum chhng lekah pawh sum leh paih hausa tak dinhmun ah an ding thei a ni. Chuvangin kan sorkar thar hian Supply Department ah hian tan a lak a ngai hlein ka hria a.

Tin, chulo ah chuan sorkarin a tawrhna awm leh chu Supply Sale Proceed tena an kawh rei lutuk thin hi ani a, an submit lawk lova, an credit lawk lova sum-dawn nan rei tak tak an hmang thin hi, sorkarin buhfai va lei lehna tur atan harsatna an tawh phah thin a. Hengte pawh hi enchian deuh a tulin ka hria. Department dang erawh chu kan sawi hman ta ngang lova, ka lawm e.

PU L.N.TLUANGA

: Pu Speaker, discussion chungchang thu tlem kan sawi ve tawh anga. An tih tur lampang ai mahin kei a department pumpui kha ka fak chak deuh tlat mai a. Tun thla 6 chhung lek pawh hianin Mizoram zirna hmasawna tura an hmalak te leh, he draft plan an siam te kan zuk thlir a, Member zahawm tak ten in hmu vek in ka ring a, chhuanawm ka ti khawp mai a.

Tin, tunhma lamah he department in achievement alo neih tawh hi ropui ka tiin, chhuanawm ka ti a. Hei India ramah Educational Development Index an siam ah khan Mizoram te hi pakhatna kan ni vah mai a. Chu chu tunhnai a chanchinbu kha mi thenkhat in la hrechiang tawh lovin literacy percentage ah emaw an ti leh thin a. Literacy percentage mai mai kha ani tawh lo. Hemi index an siamchhuah nan hian tehfung pawimawh tak tak an siam teuh a. A sum kan hman thua te, a administration leh achievement thua te, a rah kan seng a te khatiang zawng zawng a tehfung tam tak hmangin education kha an tehchhuak a. mithiam in uluk takin. Chumi tehchhuah naah chuan Mizoram hi pakhatna a ni vah tawh a ni. Tun anga pakhatna anih hi chuan State dang hian min lehpel leh tawh ngai ka ring lo. Chuti khawp chuan kan department leh zirtirtute hian an lo ti tha a, kan chhuang em em a ni.

Tin, public participation hi Mizoram ah a tha em em a ni. Sorkar School kan tawng khawp lova, mipuiin din turin private school atana contribution kan neih that zia te hi a ropui a. Kan hriat theuh angin Shillong ah khuan tlang mi tam takte pawh mikhual angrengin kan awm tam hle a. Kan aiin Ralleng te, Garo te mihring an awm tam zawk lai khan Mizo in High School te kan nei hmasa ber, pen an kalkhawm mai mai a ni, biakin chu sawi loh. Chuti khawp chuan education hi kan tui a ni. He hmun zahawm tak hi District Council Hall a nih lai khan kum 20 vel a kal ta a, Hindi chungchang thu ah hian school zirtirtu ten thu pawimawh hotute kan thawn ve a. Patashkar Commission a lo kal a; chutah chuan Hindi kan zir ve nil nial tawh a. Hindi hi Mizo ten zir kan duh e, kan duh ang hian min zirtir law law ula, a then a awm a, a then a zirtirtu awm lo hi a tha love tih kan thlen tawh a, kum 20 lai lianta ah khan. Tunah hei kan Minister zahawm tak te atangin kan han hre ta a, wawin niah sikul puitling tak tak si, Hindi zirtirtu neilo te, an la awm teuh mai a a pawi khawp mai a. Tin, dik takin sorkar phalna a khua inhuam taka sikul kan din hram hram ah te pawh wawinah grant-in-aid te pawh kan la pe thei thei lo hle mai a. Hei hi kan hotute emaw, mi pawimawh demna ni-lovin, kan mamawh hi sorkar ah hian an lo la puhruk zo lo em em a, hei tunhnai ah te pawh Private School Aid tur in proposal te pawh an awm a. Ka bial Khanpui te chu kum 10 High School an nei tawh a, Tlangnuam te pawh kum 6 an nei tawh a, chungte pawh chuan grant-in-aid dawng dawn lo niin an inhria a. An mangang em em mai a ni. Kumin chung hian zirtirtu pakhat hnenah hlawh Rs. 700/- chauh te an la pe thei a ni. Chuti khawp chuan an harsat phah tawh a, kum 10 an ding tawh a. Chung angte em pawh kan khaichhuak thei mai lo hi chu pawi ka ti em em a.

....375/-

Tin, Education hi chhungkaw tin mamawh ani. Kan mamawh em em k mai a ni, chuvangin kan budget a a tlem leh a tam thu hi chu ka zuk teh thiam em em mang lova, a hmandan tur te a lan biai loh avangin. Tichuan, tuna kan sum neih te a tam tawh lo anih chuan kan sorkarin ngaimawh sela. Kut tling taka Private School lo ding tawh te hi chu provincialised a theih em loh pawhin an minimum need tal hi chu kan sorkar hian ti hram se kan sorkar hian ka va ti tehlu em.

Hei demand 17 leh 41 chungchang thu ah hian pawh tur a tam tho mai a, amaherawhchu, an tih tur ngaih pawimawh lam aiin tun thla 7 hmel kan han hmuh vel a, kan department kan Minister te achievement hi zawhna hun chhanna atangte leh, engemaw atangin kan hmu a. Border trade thu ah te, hma an lak dan te leh heng petrol pawlh dal thin tih rem deuh ah te, leh hnianghnar tak maia supply buhfai an chhekkhawl te hi ropui ka ti a, mahse Pu Speaker, buhfai kan hnianghnar em em lai hian ei thei lo kan tam tawh khawp mai. Ka bial bikah Khawruhlian, Hmunghak, Khanpui, Lailak te chu 1997-98 ah khan NLUP dawng turin an lo ruahman a, lo vah an thulh tawh hnu siah NLUP kha an dawn tir leh si lova, thlawh-hma lovin an awm rup mai a. Chumi avang chuan an tam tih satliah mai nilovin ei tur a harsa tak meuh meuh tawh a, an khua ah buhfai chu a awm tawh mai, mahse an lei thei tawh tlat lo. Mangangin kan D.C. te pawh kan hmu a, chubakah ka bial piahlam Darlawn thlengin an mangan thu an sawi nasa a, hei hi kan sorkarin hria sela, a buhfai awm hnur ei thei tawh lo, thlawh-hma la laklawh si an tam tlat tawh. Hei hi chu chawplehchilhin kan sorkarin chhawk se ka duh a ni. Pu Speaker ka lawm e.

PU C.SANGZUALA : Pu Speaker, ka lawm e. Ka speed: in ka sawi duh hmun li a thena hmun khat min thlen hman ang em aw !! Education chungchang demand no. 22 ah khan han lut hmasa ila, a demand tak tak ang chuan zuk tih hleih theih lohna lai a awm a, engemaw thahnem-ngaihna chungchang ani leh deuh ber dawn a ni.

Hei department hrang hrang kan Minister te chan ho zingah hian a buai zual an awm a. Kei-pawh keimah rau rau ah chuan he department hi ka hriat zual pawl tak leh ka va hmuhchian ve pawl tak niin ka hria a, Khawngaih thlak te pawh ka ti a. Vantlangin kan mamawh kan nawrna te, chumi kan nawrna puhruk tura tan an lak na leh kan la dukhawp siloh zia te kan ngaihtuah hian hahthlak ka ti a. Chutianga department hnuai anni a, lehlamah erawh chuan an vai kal em wang ani tih ngaihtuah se anni pawh an lawm ve theih chu kan ring a, credit pek chu tam tak awmin ka hria a, a lawmawm hlein ka hria a, kan sawi tawh ang angah hian lawmthu sawi tur a tam viau a ni. Chuti chung chung



chuan, 'kalphung thar', tawngkam kan chelek a kan ti common mah mah ang em aw, engpawhnise hmang ve zelila. Kalphung thar atan hmanraw hlimawm sa te pawh kha hman chhoh a ngai dawn a. Kan kalphung thar mil tura hmanraw thar hlak chherchhuahna chance pawh a ngah ber pawl tur an ni dawn in ka ring a, chung te te te pawh chu ka'n chah duh a. Amah-erawhchu, a chherna pum, a chherna meihawl, erawhchu tunah hian kan pe chau angreng viau mai a. Nakinah R.E. ah kan hotute'n an hre turah ngai ila. Kan thil phal deuhhlel loh chuan kan ram hmel te, kan hnamzia te, kan hnam min siam tak tak tu tur deuh ber chu education hi a ni lo thei lova, pawimawh theuh mahsola education hi a nilo thei lova, he an dinhmun hi kan ngaihpawimawh chuan nakinah kan sum pek danin a zir chho zelin a rinawm a. Tunah chuan kan phutna anga chetna tur thahrui an nei tlat lo mai a, helaiah hian ka thahnemngaihna tlem ka'n sawi duh a. Cheng bi in sawi chi pawh niin ka hre chiah lo.

Tichuan, a mal te te a sawi duh ka'n neih chu anni ah hian tuna ka hma a Tlungvel bialtu MLA zahawm tak han sawi kha, ka'n thual duh a. Private School hah tak tak, keipawh ka hre thluah mai a, kang ho kha belhchian dawl taka kum tam tak lo kal ve tawh, matric te hial pawh lo chhuak ve deuh reng tawh, mahse tun thlenga la worry ngawih ngawih, hlawh tlem te pek tur pawh mangang taka la ngaihtuah sikul kan nei thluah a ni. Engzatnge kuminah provincialised an tum theih dawn te kan la hre chhawm zel dawnah ngai ila.

Tin, Grant-in-Aid, kang ho te tana an han dah te pawh hi a tam lo angreng viau mai a. Tel ve ngei se kan tihte kha a huap lo awm mange aw, an puan hian a tlin lo palh ang a tihte, pawh kei ka hlau deuhhlel a. Puan hlai deuh zawk ka duhsak ngawt mai. Entiran, ka bialah chuan sawng Venghnuai High School te saw kum 8 lai matric lo chhuah tawh, mahse tun thlenga private school la ni reng ani a. Provincialised kan duh ve em em a, veng pawhin pangchang takin an ngen ve a ni a. Khatiang kha a dang dang pawh awmin ka hria a. Khilai Saitual bialah te pawh khian a awm thliah thluah mai. Hengah hian pawimawh tih phu zual te pawh rawn lawr thiam ta sela, a hmasa zualah. Tin, tun tuma han tih mai theih rih loh angte pawh tangka lokal leh atanga khuh theih hram tura tangka lama thilphal deuh a ngai awm mange tih te ka'n ngaihtuah a. Chu chu ka'n sawi ve chak a.

Tin, Higher Secondary School te kan han introduce a. Hengah hian zirtirtu indaih hrih loh thu kan hria kan hria a chik takin zir lo man ila, han chhui deuhhlel takah chuan engtizia ni maw, tih tur pawh a awm. Nichina Aizawl North I bialtu zahawm tak sawi ang khan hna engemawzat hi pending in la chhuak lovin a la awm niin hriat ani a. Lo chhuah mai tura beisei kha, naupai nisela thla 9, thla 10 an pai tawh ang, thla hlei an pai tling tawh awm mang e. DP & AR pai ni ta se hring tawh se kan ti mang e! Chungte pawh chuan keini ho mamawh hi a phuhru ngei ngei dawn a.

Tin, hei Hindi Teacher post pawh 206 kan nei thei dawn khan hriet ani a. Kan duh chu a phuhru kim hauh lo anga, khangte pawh kha khawiah emaw chuan ala tang niawm tak a ni a. A mipui lam lahin hmeh hmuh an chak a, nau-piang tur lahin tal chhuah a chak hle tawh anga, khangte pawh kha thuneitute hmanhmawh thei se chuan a lawmawm hlein ka ring. Tin, thil kairual lo thenkhat Middle School ah hian IV Grade pahnih awmna te pakhat chauh awmna te, tin, a awm lohna te pawh a awm em? Chu chu ka Chiang Chiah Lova, hengte pawh hi enchian deuhhlek nisela, engtizia a a then a pahnih awm thei bik a, thenkhat a pakhat awm thei an nih dan kha, khangte pawh kha tihkairual dan awm sela, hei hi mi ngaih pawimawh zinga mi ani a.

Tin, plus 2 kan han neih takah leh Higher Secondary kan han neih takah hian hei Science stream te kan han hawng a, chungah chuan naupang vanduai deuhte repeater angte pawh ani awm e, kaina hmu reng reng lo te an lo awm thei ta a. Hengte pawh hi engemaw te a khaw school ah emaw lo accommodate hram rawh u in tih theihna te hi kan hotute atang hian a awm thei em? Mi nunkawng kan tichhe mai dawn a, thil pawl tak niin ka hria.

Tin, kan tih loh theih loh kan hotute pawhin an ngaimawh na a, chhanna hunah pawh khan tih loh theih loh tiin min chhang tawh a, zirtirtu transfer hi. Hei hi keini ho MLA te pawh hian kan hre ve hle chuan ka ring a, zirtirtu transfer tura ngen thua bialtu pawl kan sawi anga tih emaw, school pawl kan khawiah anga tihte pawh kan hlau tho thin a. Chuti chung chuan tih loh theih loh a chhan pawimawh bikte kha a awm thin a. Hengte pawh hi hotuten an lo ngaihtuah lo thei lova, han ngen ngut ngut takah chuan tawngtai hlawhtlin hun te alo awm a, amaherawhchu, khatah khan kan hotuten buaithlak an tih fo chu 'post pempui' tih hi ani a, ka zuk hrethiam ve chiah lova, department dangah hian post pempui tih hi a awm ve leh ve loh ka hre lova. Zirtirtu pem ah hian post a pempui daih a tih ani tlat mai a. ChutaK chu harsatna a ni e an ti a, school te deuh hlek pawh zirtu ngah vak lo, school lian zawk zirtu ngah zawk naah pem te han dii ta ila, han pem ta sela a post a pempui ta daih mai a. Kha kha a school tan khan a lo huatthlala a hetiang chi hi engeni a solution ni ang aw? Kan hotuten ngaihtuah sela tha viau in ka ring a. Pem hi chu a pumpeh tak tak theih loh a, Aizawl awm chak thil satliah kha a ni ngawt lova, chhan tling tak avangin min pem te an lo duh thei a, a thenkhat erawh chu tlaktlum pem te pawh a ni anga. Khawpui a awm duh hrim hrim pem te pawh a nia-nga. Heng hi kan hotuten an thliar thiam em em in ka ring a. Pem tulna ngawih ngawih amaherawhchu post pempui tul avanga indan tlat te, heng ang chi hi a damdawi a awm em aw? tih kha ngaihtuah atan pawimawh hlein ka hria.

Tin, education hi kan han ti thar chho dawn a ni a. Engemaw tih thar theih tam tak pawh kan nei a. Tunah hian kalkawng duan thar te pawh a awm mek tih kan hria a. Kan ram hi rei tak chung education ah kan beidawng hle a. Chuvangin kohhran lam te, khaw mal te pawhin sikul kan hawng tur anih hi. Khang ang kha a nih avangin tunah hian thil kan duan thar leh mek a hi chu uluk theihtawp a tih a tul a, kan hnamzia nen a inmil em? Ram pum nena kal rual  
.....378/-

tur anih rual khan kan hnamzia nen a inmil em ? tih te, kan hnam a siam tak tak a ngem tih te, hnam laimu hnam lungphum hei hian a dinthar leh angem tihte hi ngun taka ngaihtuah ngai hlein ka hria. Tin, hetih rual khan 'hnamraw hlui kan chhawm' tih kha tukhaw huatthu nilo hram hram sela, hmanrua hlui kan chhawm te pawh pumah kaipui ngei ila, chher thar ngei ila kei ka duh hle a. Ze hlui leh ngaihtuah dan hlui te hmanga kan education kan kalpui leh mai chuan a lungngaih-thlak deuh dawn a ni, majority kan la ni mah mah awm si a tihte kha rilruah chuan a awm a. Duhtuina vawrtawp ani emaw ka hre lova, mahse duhtusam mai nilo, a taka chang thei nia ka hriat ka'n sawi a ni.

Tin, demand 30-na Information lam kha, he department hi a pawimawh em em mai a, kumhlui lama an lokal tawh dan kha a lungawi thlak em ? a satisfactory em ? kan mamawh a puhruk em ? ka zuk hrethiam chiah lo. Mahse, tangka kan pekbelh hi kumtin a a pung pangngai nen kan ngaihtuah in, nikum aiin che nasa chuang lo se tih a ang mange aw! ka ti a. Tunah an hnathawh hi a tawk viau e, kan ti angin ka hria. Anni hi sorkar chetdan mipui hnena puangtu an nih avang hian tun aia chet theih deuhhlek na tur hi siam sak a tha awm mange aw! R.E. ah chhinchhiah nise tih kan rawt duh a.

Tin, demand 16-na Civil Supplies ah hian tunhma kan ramah sorkar kan mualpho ve deuhna chu Civil Supplies ah hian a ni a. Chaw min pek rualin chaw kan nghei bawk a, chaw kan nghei rualin, tute emaw an hausa bawk a, kan ngaihthlak nual tawh kha. Hetiang thil hi kan MLA zahawm tak hnen atangin, kan sorkar hi a awm loh tanna ni hram hram sela, hmanrua hlui kan chhawm te pawh khati zawng khan chher chho. hram hram ila tih kan sawi ve leh chak a.

Relief hi han kai ve leh hlak ila. Kan ram hi ram leilung nghet lo, eng emaw tawk thut thut thei kan ni a. Duh ai chuan a phan awm deuhin ka hria, a lo duh leh tak loh a leh kum tawp lamah chuan kawng dangah te pawh a divert theih anga, hmanraw tangkai ah a lo tang thei hlah dawn a ni. Chu chu R.E. lamah tihpun hret a tha lawm ni ? Tin, chu lovah chuan relief tur thil chawp chilh deuhvin a lo thleng a, Sorkar hnenah kan han thlen a, chawp-chilh a hman mai tur a awm lova, relief tul te an lo dam fel hle hnuah relief na tur sawhchhuah a han ni chauh mai thin hi chu kan mamawhna a hun takah a puhru hauh lo mai a, mamawh hun ngei a pek theih tur zawng hian relief thil kan neihte hi hman theih tur sawnga tih hram hram dan kan hotuten ngaihtuah se ka ti hle mai. Thiante aiin hun ka ngah hret a, Pu Speaker ka lawm e.

S P E A K E R

: Awle, kan chawl rih anga, dar 2:00 P.M. ah kan lut leh ang.

....379/-

S P E A K E R

: Kan business kan chhonzawm zel anja, mi pariat in an sawi tawh a. Sawi duh apiang i ko leh ang ule. Pu K.Thangzualla.

Er. K.THANGZUALLA

: Pu Speaker, a hmasain hei Legislative Assembly chung-chang thuah hianin pawlam atanga T.V. a lo en thin ten

tunhma aiin hmuh nuam an tih chhan pakhat chu hei kan duty te suit var tha tak mai a duty hi a hmuh a tinuam khawp an ti a. Nimin khan uniform ha lo khan an thu vek a, kha kha engnge ni a chhan niang aw ka ti mai mai a (SPEAKER : An thuamnaw kha an su a nia kan sawi mai ange, an la nei tlem khawp a thlakna kan neilo a). Motor hi M.L.A. te kan hotuten min leisak tumna ah hianin Budget Provision hi kan en a, 15 lakhs chauh hi dah a ni si a. Hei hi nakinah la dah belh tur a niang chu ka ti mai a.

Tin, Civil Supplies chung-chang thuah hianin han sawi duh ka neih chu Serchhip ah khianin Government Godown atang khianin a rate dik tak Rs. 940/- a nih lain special permit nei ho an ti mai a. Chung chu Rs. 1000/- in an lei tir thin a, tihte. Chini 1 Kg. ah Rs. 15/- in an hralh chhuak thin tihte, hmanna ka kalin report an lo sawi a. Chu chu khiti laia an hotute pawh ka hrih nual tawh a. Amaherawhchu, chutiang kan hre love an ti mai a anni khan. Engpawhnisela, hei hi kan hotuten min lo en sak theih chuan a lawmawm viau in ka ring a.

Tin, Keitum atanga khi mi Rice Dealer hovin a retailer hovin a Serchhip atanga an han lak chhuah khianin Serchhip atanga la chhuak tute pawisa an pek ang chiah khian Keitum ah khian min pe a an ti a. Serchhip atanga Keitum inkar khi a phurh man eng emaw zat sen a ngai ve si a. Hei hi min pe ve thei lawm ni tih an lo sawi bawk a. Chu pawh chu khiti laia an hotute hnenah pawh ka thlen tawh a. Amaherawhchu, engtingge ni an kalpui zel ka hre zui lova.

.....380/-

Pu Speaker, Bungtlang High School ah sawn Thangliana an ti mai a, kum hnih zet zu a ti nasa lutuk a. Class a ti hleithei lova, hlawhfa hi ala reng mai a tih an lo sawi bawk a. Tin, Bungtlang ah vek L.Sur Chandra Singh-a 1998 atangin attached in a awm a. Ani hi B.Sc. a ni a, mathematic ala a, attached a awm avang sawn a nghet vak lovin an sawi a, saw saw a nghet-in min dah sak thei lawm ni aw an lo ti bawk a, chu chu kan hotute hriatah kan sawi duh bawk a.

Tin, Information Public Relation chungchang thua hian, kan Chief Minister hi paper ah hian a lang tam lo hle mai a. Amah hian thil tam tak a ti chung si hian engnge a chhan ni ang aw ka ti a. Example ah hmanni deuh lawk khan Aizawl Club ah khuan Economic & Statistic Department ten training cum seminar te an organise a, keipawh min sawm ve avangin ka tel ve a. Tahchuan Chief Guest in thu tha tak takte a sawi a, a tuk paper vel kan thlir khan khawiah mah a head line a chuang lo reng reng mai a, khangte kha engnge a chhan lang aw ka ti a, mak ka ti angreng viau va. Thildang pawimawh lo zawk nia ka hriat public interest te khan hmun pawimawh kha chanchinbu ah khan an chang tlat mai a, ti laiah hian kan Chief Minister hian han in publicise vak hi a duh lo nge chu ka hre lova, duh ai hian chanchinbu ah hian hmun pawimawh hi a luah lo riau hian ka hria a. Hei hi ka lo ngaimawh ve deuhhleka a. Hei hi kan sawi duh bawk a.

Tin, Social Security chungchang thua hianin tunhnai ah hian naupang khawngaihthlak deuh mai kum 5 mi khawtlang in an buaipui a awm a, an pa chu Burma mi a ni an ti a, an nu chu nuhravn ani a. N. Vanlaiphai khua a nupui tak chu Farkawn khua a ni a, an inthen tawh a. Tichuanin a nupui hlui chuan a nuhravn hnenah chuan an dah a, an ti khawngaih thlak em em mai a. Chhuatlai ah an muttir a, an nuhravn chuan thisen inzawmna kan neilo, ka puan hmawr pawh i deh a thiang lo a ti a. Tin, T.V. an en pawhin en ve an phallo a, bang lam hawiin an din-tir tlat a. Chutia a dinna ah chuan a ke te pawh a vual hial tawh a. Tin, zanah te an sawisa in a taksa ah hliam an tuar nasa em em a. A tap nasa lutuk kha thenawm ten ngaihthlak hrehawm an ti a, a in an luahna te khan insawn rawh u an ti a. Chutichuan Khatla ah hian an insawn a, Khatla ah pawh a nuhravn nu leh pa pawh an ko a, V.D.P. leh khawtlang hruaitute pawhin an zilh nghe nghe a ni. Chutiang an zilh zingah chuan khawnaute kha a ke an lo vuak tliah sak leh a. Nizan pawh khan V.D.P. leh khawtlang hotute in kokhawmin kha naupang nute kha engtingge an tih ni

zel ka hre lova. Chuti khawp chuan naupang an ti khawngaih-thlak a. An pa phei chu khawtlangin an zil hnu khan a kal-bo daih an ti a.

Social Security chungchang thuah hian engnge ni khatiang khawpa naupang kum 5 mi lek mai hreh-awm lutuk a an han sawisa kha engtingge ni kan hotuten dap-chhua kin engemaw tin khatiang ang enkawl na kha a awm em aw tih kan sawi duh bawk a.

Tin, Natural Calamity chungchang thuah hian tunhma kum 2 kalta-ah khan Serchhip-ah leimin nasa deuh mai a awm a, khimi khi Geology & Mining lam pawhin an rawn en tawh a. Tin, Soil Conservation lam pawhin Estimate siamin a tihdan turte an ngaihtuah a. PWD lamin an en bawk a, estimate te an siam a. Amaherawhchu, khawi atang mahin in leh lo chhuahsan te leh in nei lote, tun thleng pawha dinhmun hlauhawm a awm te khian sorkar ngaihven a hlauh lo viauin ka hria a. Hmanni PWD demand sawiho ni khan ka sawichhuak tawh nghe nghe a, hei hi relief on account of natural calamity demand no. 35-na-ah hian pawisa pawh engemawzat dah awmin ka hria a. Heng hi engemaw tia tihdan a awm em aw ka tihte kan sawi duh a.

Tin, Other Economic General Economic Services, Demand No. 53-na Trade & Commerce-ah hianin kan sorkarin hma a lakna-ah a lawmawm hlein ka hria a. Hei, sawhthing te pawh a man a lo pung ta hluai a. Tunhma khanin tuna kan Chief Minister zahawm tak ni ta nen hian kan sawi dun thin a. Kan sorkar hun chuan sawhthing hi chu tender ila, tichuan a lei turah hian competition siam ila, a rate a chho uak uak mai ang tihte kan sawi tawh thin a. Tunhma kha chuanin a hralhtu tan hianin competition min siamsak a, a neitute hianin. Kan intihhniam siak a, kan hralh loh hlau lutukin. A rate a hniam em em thin a, a leitu lamah competition hi siam mai tur a ni a. Tunah hi chuan a leitu lamah kan hotuten competition an zuk siam a, a sang ta uak uak mai a. Tender te ko in Global level phei chuan tender phei chu ko ila, heng kan agriculture product ginger, sawhthing angte pawh nasa takin a la sang chho thei zelin ka ring a. Heti lama kan hotuten hma an han la hi lawmawm ka ti em em a, lawmthu kan hrialh duh a.

Tin, Agriculture Market atana 230 lakhs lai an han dah hi tunhma sorkarah kha chuanin 1997, 1998, 1999 Budget Estimate-ah te khan hetiang hi dah a ni ngai lova. Tun kan sorkar thar ina agriculture thlai thar tute hma la a, nuai 230 lai an han dah ta hi a ropui hlein ka hria a. Hei hi kan sawi belh duh a, ka lawm e.

PU F. LALTHANZUALA

:

Pu Speaker, Education lamah hian kan ti tha chho viau a, a department hotute pawh hianin an kengkawh tha viauvin ka hria

....382/-

a, a lawmawm pawh ka ti hle a. Taksa ah hian lo tehkhin ta ila, peng tinreng hi a pawimawh vek a, amaherawhchu thluak a pawimawh ber a. Mihring a min siamtu chu kan thluak, kan ngaihtuahna hi a ni a. Education pawh hi chutiang chu ani a. Kan ram siam tak tak tur chuan kan education quality tha taka siam a ngai a, pawisa pawh hi tam zo sa lo a pek chi niin a lang a, thildang tam tak hi chu thluak a fin na na na hi chuan a chhuak teuh mai a ni. Pawisa tam tak miin nei sela, a at miao chuanin reiloteah a chen zo mai a, pawisa pakhatmah hi miin neilo mahse a ngaihtuahna hi a in develop that chuan khami kha mi ropui tak ani thei tho bawk a. Chuvangin kan hruaitute, kan hotute pawh hianin hei aia nasa a education hi ngaihtuahna kan pek a tul viau in ka hria a ni.

Thil ngaihawh zawng han sawi duh pakhat kan neih a chu, hei hi a ni a. Zirtirtute pawh an la dawn a, exam na te pawh an han siam a, ti ti kamkalh a tam a, a thenin lak tawh sa vek alawm, an exam tir mai mai alawm, ho ti pawl te kan tam a, helai chho ah hian thil pawimawh ber nia ka hriat chu tunhma atangin education hi politics awm ang deuhin kan lo hmang thin a. Hmana District Council hunlai atang tawhij a zirtirtu lak thuah te khatiang khan tihkawi tihkawi in a awm a, kan fate ngaihtuahna te, finna te, an nakin hnu zelah engtingge an awm ang tih siamtu tur mihring kha kan la dawn a ni a. Chuvang chuan mi quality tha tak nei hi tun tumah te pawh hian lak tum ngei ila. Politics lam atangin duhsak zawngte chu kan lo nei ngei anga, mahse khami tichhe khawp a thil khek khal kalpui diklo tak niin ka hria a, zirtirtu kan lak a kha zirtirtu tlak anih loh chuan kan fate khan an tuar dawn ani. Example tha tak mai ka bialah sawn a awm a, zirtirtu pakhat a beng a ngawng deuh a, a tawng fiah lo bawk a, kha kha an lo la ve tlat mai a, zirtirtu senior tawh angreng tak kha ani lehngal a. A awmna School apiangah khan an duhlo a, naupangin an duh bawk silova. Amah kha a lo induh ve viau bawk si a, school a an dahna apiangah ani chu awm lo mai rawh se, a awm aian awm loh a tha zawk an ti thin a ni. Khatiang ang zirtirtu quality neilo kha kan awm a. Kan ramah pawh hei hi kan harsatna em em na a nia. English te hi uar tur ani kan han ti a, uar zawngin a kal pawh kan han kal a. Mahse tunge zirtir ang tih kha a pawimawh hle mai. Tunah kan High School te pawh hi English Medium ani a. Heng khawpui ah te chuan eng medium pangngai awm bakah, a High School pangngai te pawh hi tha tak tak a awm ang. Mahse zokhaw tinreng deuh mai hian examna ah english a chhan ni si, text bu pawh english ni si kha, Mizo tawng khan kan inzirtir mial mial mai a, hei hi a pawi hle a. Kan hotute hian sap tawng chelek turin force dan hi ngaihtuah sela a tul hlein ka hria.

English hi, keini chu hnam te kan ni a, kan tawng hian matric a subject khat kan thlen bak leh, kan tawng hial thil tih theih tak tak a ni lova, India rama hnam dang State dang a mite kan elna pawh hi English hi ani a. English hi kan hmanrua ber ani dawn a, chuvangin High School ah te English kan uar lo lutuk hi a pawi a. A chhan chu zirtirtu kan lak ah khan saptawng pawh a zirtir thei lo, tawng pawh tawng thei lo kan lak thin vang a ni. Chuvangin,

appointment kan siam leh turah hian kan hnam thatna tur tak tak ngaihtuah a thil kan tih hi a pawimawh hlein ka hria ani.

Tin, Chawngte bialtu zahawm tak, Pu Nirupam Chakma khan thil tha deuh mai a sawichhuak a, han thlawp ka duh a. An area velah te Mizo tawng zirtirtu tur a zirtirtu pek a sawi kha a pawimawh hle mai a, thil lawmawm tak pawh niin ka hria. Tawng hi mi zinga min tineltu a ni a. An tawng kan thiam mang lohte zinga awm hi hrehawm tak a ni. Saptawng a an tawngna hmunah thiam ve loh chuan a hrehawm a, anni lam tan pawh minority tan pawh Mizo tawng an thiam loh viau chuan Mizo zinga chen leh Mizo nena inunauna kha a harsa thin a. Chuvangin, nichina a ngenna kha national integration atan pawh thil pawimawh tak a ni a. Kan hotuten ngai pawimawh ngei se tiin ka ngenpui a ni.

Kawng khat serious deuh mai kan education a awm chu matric exam apiang hian 40% kan kai ngai lo a niin ka hria a. Nichin khan Office lam ka han zawt a, tiang chuan an sawi a, 30% above vel te a ni a. Kan pass percentage hniam lutuk hi thil serious lutuk a ni a, ngaihtuah ngun a ngai a ni. Pass percentage a hniam avangin a tam zawk 70% vel kha mi dungngai an lo ni ta a, an rilru kha a frustrate ta a ni. Thenkhat taima chuan an zir chhunzawm a, tam tak erawh chu drop out, School lut lo kalkawngah an kal ta a. Drug kan tih leh tleirawl sualna tam tak hi Matric kan fail nasat lutuk vang hi a ni thei a ni tih hi hriat tur a ni a. Hei hi kan hotute hian ngun deuh takin en selangin. Engatinge kan mark te hi a hniam em em mai bik? Mizo te vai ramah kan zuk kal a, vaiho in sang tak tak an hmuh theihna school leh State a kan kal chuan sang tak takah khan kan hmu thei zel si. Engatinge Mizoram a kan zirna-ah hian kan hmuh hniam bik em em? Kan marking system leh kan mark dan pawh hi a dik lo a ni. Kha kha a pawl em em mai a. Engemaw lai khan information pakhat ka dawn-ah chuan Madras-ah chuan Tamil Nadu a an Board chuan HSLC pawikhat an exam na-ah hian 60% vel hi an pass percentage a ni a, ava chhe em em ve, engatinge tiin inquiry an siam a ni. Keini chu 60% vel an passed a hahip in kan sawi tur kha a lo ni a, tun dinmun-ah chuan. Chuvang chuan hei hi ngaihtuah ngun a ngai ka ti a, kan hotute pawh hi ka ngen duh a, kan rama an drops tam nachhan pawh hi fail nasat lutuk hi ani thei a ni.

Tin, Mathematics te hi Matric thlengin kan ti a, hei hi a tul em? Elementary mathematics ang emaw pawl kua thleng vel an zir chuan pawl sawm-ah hi chuan drop thei sela. Subject dang la sela, khatah college a kalpui zel lo tur tan kha chuan a tawk a ni. Keipawh Matric-ah hian ka han passed a, College-ah kan kal a, engnge rual ka pawl lohna keima phak tawkah chuan ka ti a ni. Kha-tiang kha mi tam tak an awm a, helaiia College a pawh a an hman chuan loh tur leh nakin zel a an hna pawha an hman chuan loh turah khan failna subject kha kan dah ni hian a lang a ni. Chuvangin a aiawh thei tur hi siam nise tha hlein ka hria a.



T'n, pakhat kan sawi leh duh chu 1998 March 4 ah khan hemi Social Welfare lama an tih turin pawl ruk atanga pawl sawmpakhat thleng residential school atan Mizoramah hian crore khat pek ani a. Chu chu education lamah ti turin dah ani a, mahse thil a kal thei lo hle a, kumin February 20 pawh khan kan Chief Secretary khan lehkha a hmu a, chutah chuan article 275 hmangin direction ah kha fund a kha Finance Department in Social Welfare hnenah release tura direction kha lokal a ni. Mahse tun thlengin thil hi a la awm lova, hei hi education pangngai ah pawh tih tur hi a tam em em a. State dangah te pawh he thil hi Social Welfare tih thin a ni a. Chuvang chuan Social Welfare lamah hian pe mai selangin a tha zawkin hna te pawh a kal chak zawk lawm ni tih kha ka han sawilang duh a.

Supply dinhmun ah khan kei chu fak lo thei lo dinhmun ah kan bial chu kan ding a. Kan bialah sawn khaw 3/4, 23/26 Kms. vel atanga buhfai quota la thin, a fur a thai a chhuk chho a kal thin an awm a, engmah tihsak an ni ngai lova, tuna Ministry thar ah hian kan Minister zahawm takin chu chu pawimawh a min hriatsak avangin godown te min hawn sak a. Nichinah pawh thil tam tak an lo sawi tawh kha khatiang khan lawmawm em em in ka hria a. Amaherawhchu, ka ngaihthuahna a lo lut ve fo sawilan ka duh chu Store-Keeper, Supply Officer han tihte hausu tura ngaihna kan nei tlat tawh a, hei hi tihreh a tul hlein ka hria a.

Tin, ration card chungchang thuah pawh dawt a tam lutuk a, a siam tu'n dawt nei baw, retailer tam tak chuan ration card hi an siam teuh tih thute ka hria a, an lak tam theihna atan khan engtingge kha kha an siam theih? Hetianga dawt awm thin hi hnam tam a thalo a ni. Rinawm lohna te, Pathian nena inmil lo zawng thu leh hla leh thil tih hi chu hnam tan a tha ngai lo ani. Chuvangin hengte hi enchhuak sela, a tihrehna kawng zawng sela a lawmawm hle ang, Pu Speaker ka lawm e.

\*Speech not corrected.

PU H. RAMMAWI

:

Pu Speaker, a hmasa bera kan sawi duh chu Education Department ah hian a khawlh zawng deuhhleak a sawi ka duh a, Mizoram ah chuan private in High School, Middle School te kan din a, khawtlang hruiatu ten mi tlawngai an zawng a, zirtirtu turin an tahawh a, hmun kilkhawr tak takah. High School leh Middle School te Private in kan din a, tichuan deficit a hlan chhoh lo niin government ah te hlan-kai an lo ni a. Tahchuan a bik takin High School zirtirtu thenkhat te hi kum 20 te School an din a, deficit anih hnuah 20 vel Headmaster an nih tawh hnuah sorkarin kha School a a provincialised hnuah khan zirtirtu pangngai ah dahthlak

.....385/-

leh a niin Headmaster thar te pek anni a. Amaherawhchu, an hlawh-ah erawh chuan an pay an protect sak avangin zirtirtu pangngai a an tlakhniam khan, pay-ah Ceiling maximum an lo tawng tawh a, chulai tak chu kan sawi duh a ni. Pu Speaker, miin tlawngaih chhuahin damchhung hna atan tiin an thawk ve tak meuh a, anmahni school din sorkar han nih taka hamthatna an neih veleh a Headmaster midang han dah a, anni School neitu zawk dahhniam leh a kha kum 5,6,7,8 thawk te hi awm ka ti a, amaherawhchu kum 15 chuang deficit hnu a lo thawk te teacher pangngai a han dah leh hi chu humanity background atang pawhin enchian chu a ngai awm mange aw!! ka ti a. A chhan chu thingtlang hmun kilkhawr-ah an awm rei a, knowledge-ah pawh an up to date thei lo. Helaiia kan LDC, UDC te pawh an tluk lo. Amaherawhchu, zirtirna-ah erawh chuan kum 15 chuang thawk tawhte kha chu zirtirha-ah an ngaihtuah awm vakin ka hre lova, chuvang chuan hengho dinhmun hi kan sorkar thar hian areview that leh deuh chu a ngai awm mang e tih kan sawi duh hmasa a.

Tin, chulo lehah chuan ka sawi duh leh chu Pu Speaker, Education kan ti a, human resources development han tih hian a hming te hi a mawi zawk awm mange, school education han tih ngawt te ai hi chuan, tih kha ngaihtuahna a lo lang a. Mihring fate hi Pathianin min siamtirh hian wawiinni thleng pawhin naupang kan fate, kan naute ngawih ngawih te hian an tih theih hi an hre lova, kan ti thei ani tih hrethiam tura zirtirtu department an ni a. Chuvang chuan tunlai khawvel hmasawna kan tih Science and Technology kan tih ang zawng zawng te pawh hi Zofate thluak hian a phak ve em em a. Amaherawhchu, khatiang khan a phak ve a ni, a tlin ve a ni tih kha kan inzirtir thleng lo mai mai a ni. Chutiang khawpa pawimawh department chu a nih lain Pu Speaker, Mizoram-ah hian Private School hi a tam em em mai a. Primary level, Middle School level, High School level anih pawhin a tam em em a ni. A chhan chu, sorkar hianin mipui mamawh kha a phuhruk zawh loh avangin Private School kha miten an lo din theih chuan miten an bawh lo thei lova, khatiang khan kan kal cho beuh beuh a, amaherawhchu, heta kan sawi duh chu India ramah hian ziak leh chhiar thiam lamah chuan a pakhatna kan ni te pawhin ka lo hre ve a. Chutihlai chuan Govt. of India hi an strict leh deuh deuh anga, Education Department-ah hian 'Nangni chu in thiam tawh alawm' ti hian min ngaihtah tan dawn tawh ni te pawh hian a lang a. Chutihlai chuan Planning Commission a expert, mithiam rual kan neih te ngei ngei pawhin ka beng a lo lut ve-ah chuan Plan Fund atang hian Education Department-ah hian 15% tal hi chu dah ve a tul ani ti te pawhin an ti niawm tak a ni a. A chhan chu wawin nia kan dinhmun aia sang leh zual turin min duhsak a.

Tin, expert te hian a kalphung State Plan Fund leh Central Plan Fund kalphung an enin heng hi in tih tur, hetiang hian kal ve teh u, ti te pawhin thurawn an pe tihte pawh keini beng a thleng a. Amaherawhchu, wawi lekhata han tih san thut kha a har anih pawhin tuna kumina kan Annual Plan Fund-allocation hi ka hre ve lova.

.....386/-

Information ka nei lova, Education Department Plan Fund ah hian eng percent hi nge lut ka la hre ve lova. Tin, Planning Commission khan a plan kha an approve rih lo ni te pawhin kan hria. Chuvang chuan hei hi uluk deuhhlek a kan sorkarin kan enchian a thain ka hria. Chu chu tuna vawilehkhata kan ti thei lo anih pawhin a lehpek ah chuan Government of India in min endan kan ngaihtuah a ngai a, chubakah Planning Commission in min endan kan ngaihtuah a ngai a, vawiina kan dinhmun kan ngaihtuah thlen a ngai bawk a. Chung zawng zawng kan ngaihtuah chuan vawiinni aia dinhmun tha zawka kan indah chhoh theihna turin ke kan pen hi a tul takmeuh meuh in ka hria a. Chu chu Education Department chungchangah kan sawi duh a ni a. Pu Speaker, minute engzatnge ka sawi tawh le ? (SPEAKER : Minute riat).

Thusawi tawi thiam hi a har khawp a, Supply ah kan kai daih mai ange. Pu Speaker, ka bialah sawn godown ah buhfai ei tur chu a awm a. Buhfai chu a tam em em a, mahse mipuiin a leina tur an nei lova, kan mangang em em a, chu chu he House ah hian ka sawi duh a ni. Sangau bial chauh an nih pawh ka ring lo, bial dang pawh an nih ka ring. Ka hma a sawitu Tlungbel bialtu pawh khan a sawiin ka hria. Hei hi kan hotuten kan sorkar hnarkaitu ten enchian a ngaiin ka hria. Chutilo chuan thingtlang mirethei awmkhawm kan nih bakah, eitur kan neih loh chuan hrisel lohna hrang hrang hian min tlakbuak leh a, a kum leh kan dinhmun tur kha ngaihtuah ngun a ngaih avangin kan sorkar in provision tha tak an siam hi a ngai a ni. Chu chu kan sawi duh a.

Tin, chu lo lehah chuan Pu Speaker, kan Supply Department kalphung ah hian thil dangdai deuh mai pakhat sawichhuah ka duh chu; Store Keeper kan nei a, Store Keeper awmzia chu, store enkawltu tur store a thu tur tihna ani a. A chung lehah Sub Inspector kan nei leh a, chumi chung lehah Inspector kan nei leh a, Inspector awmzia chu Store Keeper te khan an tih tur an ti em tih inspect tu tur anni a, endiktu tur an ni. Amaherawhchu, Store/Godown tha hi Inspector leh Sub-Inspector hian an thut ta tlat mai a, a letling tlat a ni. Hei hi Supply Department thanmawh bawk pakhat niin ka hria. Store Keeper kha a seat dik takah thu sela, Inspector leh Sub-Inspector ten vil rawh se, en ngun rawh se. Khatiang chuan kan Minister zahawm tak khan kha chu min chhinchhiah sak sela. Hei hi department tanah pawh a tha. Hei hi Supply Department hmingchhiatna bul pakhat pawh hi hei hi a niin ka hria. Chubakah chuan Store Keeper kuta pawisa awm rei thin hi a dik lova. Instruction hrang hrang circular te pawh an siam thin a. Amaherawhchu Pu Speaker, ka bialah ngei ngei pawh khaw pakhatah bank in a awmchilh a, supply centre a awm a. Kha supply hnathawk te khanin mahni awmna bank ah pawisa an dah duh ngai lo an kawltlat a, khawi bank bank ah emaw hmundangah an dah daih thin a hlawmin, chu chu engnge a chhan tih ka ngaihtuah a thil duhawm lo tak takte pawh hi sawichhuah a awl awm mange ka ti a.

Khatiang ang avang khan Supply Department ah hian pawisa sorkar a lut tur lut lo tam tak a awm a ni. Chuvang chuan Aizawl Town angah te hi chuan deposit nghal a lo ni a, challan buhfai lak a lo ni a, thing-tlang hmun tam takah te a lo theih silova. Khatiang anih avang khan storekeeper ten pawisa an kuta an kawl theih chin period a hi sorkar hianin an tuk a tha awm mange, khaw hmun hla deuh hmun kilkhawr deuh te chu khami area hisap khan hun tiam te pawh an neih thain ka hria a.

Pu Speaker, hetah hian kan sawi duh chu khaw pakhatat chuan Khawhai bialah in ti teh ang hming hmerh in han sawi mai teh ang. Khawhai bialah hian hmanah ka zin lai chuan buhfai lampang enkawltu pakhat chuan hei ka deposit zel alawm hei a ti a. Register min entir a, nuai tam tak kha deposit angij a lang a. Anih leh khawng e i bank receipt chu ka ti a, ka zawt ta chat a, khawng e i deposit na bank receipt chu han show rawh le ka ti a, 'Ka la lo' a ti a. I lak loh chuan i deposit lo tihna a ni. Naktukah chumi hmunah i rawn show tur a ni kan ti a. A deposit lohzia ti langchiang tu chu kha-ng zawng zawng ni hrang hrang, thla tam tak deposit tawh kha receipt pakhatin khami ni a deposit ang khan a rawn show mai a ni. Khatiang ang veng tur khan Pu Speaker, sorkar hian Instruction mumal deuhhlekk a practicable tur an ngaihtuah thain ka hria a. A tlangpui thuin kumin a sorkar hmalakna buhfai chungchang Supply Department hi a thain a chhuanawm pawh ka ti a. Hmun tinah buhfai kan neilo tih ai chuan a leina tur kan nei lo tih kha sawi ber nia ka hriat avangin kan Supplies Department in hma an lak dan hi chu chhuanawm ka ti takmeuh a ni.

A tawpna berah chuan weight and measure hi tang deuhhlekk sela. Retailer zawng zawngte buhfai retailer emaw, khawnvartui retailer an ni emaw bukna dik tak hi hmang vek turin Vigilance ah tang sela. Hmang tura sorkarin an tih hian tehkhawng hmang tura sorkarin an tih hian a tehkhawng kan hmang thin a, a tehkhawng nilo hian a tak hi kan hmang thei tawh bawka, hmang thei dinhmun ah kan hmang tawh bawka, hetiang hmang thei tur hian Weight and Measure Department hi tang deuhhlekk sela tih kan ngen duh a ni e, Pu Speaker a dang ahu ka sawi hman lo ni mai teh se ka lawm e.

PU LALCHAMLIANA : Pu Speaker, ka lawm e. Hun a tlem bawka, kan lut nghal pawp mai ange. A hmasa bera kan sawi duh chu Supply Demand chungchang ah hian zawhna angreng deuh ka zawt hmasa duh a. 1996 vel kum thum kalta vel atang khan BPL family te tan hian buhfai a tlawm deuh bika lei tir theihna tur scheme central atang hian a awm niin ka hria a. Chu chu wawiinni thleng hian la tih hlawhtlin loh a ni a, hei hi engtingge

.....388/-

kan tih ang ? Sorkar thar chak tak mai hian tih hlawhtlin tumna a nei em ? Ti hlawhtling thei thuai thuai se a va tha em tih kha kan sawi hmasa duh a.

Tin, Lawngtlai bialtu zahawm takina a rawn sawi pahnih kha tawm zawng tak mai ka nei a, buhfai tih dik loh chungchang hi keipawn ka hria. Hetah a bul atanga a tawp thlenga diklo te a awm thei a, hemi hi a bul atanga kan tihdik thain ka hria a, chumi atan chuan PDC 12 vel kan neih a hi weigh bridge tha tawm kan neih ngaiin ka hria a, weigh bridge hi ka hriat dan a sual loh chuan nuai kua atanga nuai sawm panga inkar vel man te hi a ni a. Chungah chuan a buk a dik theihna tur chuan kha kha a ngai tlat a ni. Chutilo chu balance kan khai a, kan ti anih hi chuan a diklo fo thin dawn reng a ni. Chuvangin, Pu Speaker, he House hian dik taka buhfai buk anih theih nan weigh bridge leina tur hi Supply Department hi a pek-belh ang u tih hi kan rawt duh a. Tin, sale proceed submit loh chungchang leh submit muan chungchang thute kan ngaithla fova. Hei kan hriat danin Inspector an ni emaw, Storekeeper an ni emaw mi engemaw zat te pheih hi chuan an service chung zawnga an hlawh in a an ruh sen loh turte an niawmin kan lo hria a ni. Hengah hian sorkar hian recover theih turin hma a la thei lawm ni ? A theih loh anih pawhin khang mite chung-ah khan sorkar hian action khawng tak te hi la sela, khatiang thil kha a awm zel tawh loh nan tiin vawin niah hian kan sawichhuak duh bawka a ni. Pu Speaker, thil tha lo deuh mai chu bengka ka hriat, hmun thenkhatah Ruling Party nih chhuang-in retailer thenkhat te hian an buhfai sem hi an titha duh mang lo tihte hi ka hria a, hei hi kan sorkar leh kan hruai-tute rilru hi an hrelo niin ka hria a, chuvangin he sorkar hian heng mite hi dik taka thil ti turin hrilh thei se ka duh hle a ni.

Tichuan, kan kal zung zung mai anga, Relief & Rehabilitation chungchang thuah hian hei harsatna kan han tawh hian a tangkai em em a, vawin niah buhfai kudam ah awm mahse a leina tur pawisa harsa tak takte kan awm thei a. Amaherawhchu, kan sorkar duhawm tak hian chung mite chhawmdawlina a ba a an lo ei puk theihna dan tur a siam-chhuak a, hei hi lawmawm hlein ka hria a, Relief & Rehabilitation atang pawn te emaw khatiang a la pek leh tura ruahman kha a ni a. Ka bial chung khaw pahnihah chuan kan chhawr tawh a, a lawmawm hlein ka hria a ni.

Tin, harsatna kan han tawh hian Relief & Rehabilitation hi kan au nghal thuai a, hmanni a Hunthar Veng lei tlahniam chungchangah pawh khan Tuipang bial member zahawm tak khan an veng kha a ngaih pawimawh thu a sawi lang nghe nghe a. Khatiang khan sorkar pawhin hmanhmawh takin khang mite tanpuina an pe te kha lawmawm hlein ka hria. Amaherawhchu hei C & AG Report ah kan hmu a, hun kal tawhah khan kan neih tlem tehlul nen nuai 12 chu State dang 3 ah dan lo angin an pe ani tih kha a rawn ziak a, tunhnu ah khatiang kha awm tawn lo se ka duh khawp a. Tin, Silpouline pawh a man tur aia sanga lei anih avangin nuai 106 tul lovah sen a ni tihte kha a rawn ziak lang a, tunhnu ah chuan kha kha awm tawh lo se tih kan ngen duh a ni.

Education Department chungchang hi han sawi leh ila, kan problem ber fo hi chu a fund kha ani mai a, a pawimawh ziate chu sawi lo ila. A bik takin plus two chungchang zirtirtute indaih lo em em zirtirtu 50 vel dah belh mai theih tur hi khawilalah emaw hian a la tang reng mai hi a paw hle in ka hria a, chutihrualin private College 10 velin plus two hi kan lo zirtir thei ange tia tlawm an ngaihna te hi lawmawm ka ti. Chuvangin plus two hi mumal zawka an kalpui theihna turin helalah pawh hian a remchang hmasa ang zelin fund hi dah belh ngain ka hria.

Tin, ka sawi leh thin chu zirtirtu kan indaih lo tih hi tlang hriat ani. Kan neihchhun ang ang hi i semrual teh ang u, semrual turin khawngaih takin Sorkar hian tan han la leh teh se. Bilkhawthlir bialah khuan Primary School 21 kan nei ve a, single teacher an tih zirtirtu pakhat awmna hi 2 a awm a. Tin, zirtirtu 2 awmna hi sikul 9 a awm a, zirtirtu 3 chauh awmna hi 3 a awm bawk ani. A dang erawh chu pali te pawh an awm ve a, panga awmna chu pahnih a awm ve bawk a. Chuvangin, a awm ang ang hi chu khawngaih takin i semrual ang u tih hi kan ngen nawn leh duh a.

Tin, hei zirtirtu lak chungchang thu ah hian Aizawl mite hi thingtlang miten kan compete pha lo em em a. Appointment han tih dawn hi chuan zirtirtu kha an duh viau, amaherawhchu thingtlanga an han post hian an awm tha leh peih lo ani. Chuvangin, kan lak thar leh tur lo awmah te pawh hian a bial chung mi emaw a khaw chung mite emaw hi lak hram dan minimum qualification an pha anih chuan khatiang zawng khan kan Sorkar hian ngaihtuahna siam se tiin ka han ngen duh bawk a.

Tin, thil ho angreng taka lang chu hei khaw lumna bial Mizoramah hian a awm nual a, khua, nipui lain a lum em em. Chungahte chuan chhunah School kal naupang te te tan chuan a hrehawm khawp mai. Chuvang chuan hei furniture atan room tinah ceiling fan pakhat tal hi dah theih ni ta sela, nuam zawkin naupangin lehkha an zir thei ang tih ka beisei a. Chu chu ka ngen duh bawk a.

Tin, Private High School chungchang hi a har khawp mai a. Laiking fa neih han ti ila a huat-thlala em lawng chu ka ti a. A dik takin tunah hian ka hriat-sual loh chuan 127 vel Private High School a awm ve tawh a. Chungte chu grant pawh hmulo hi engemaw zat an awm ani. Khaw thenkhatah chuan an khaw reserved te kha an hralh phah a, reserved an neih loh phah a. Khaw thenkhatah chuan an development sum kha R.D atanga an hmuh emaw, khawi dang atanga an hmuh emaw kha an hman a ngai ta a. Chuvang chuan a harsa em em a, permission an pek tawh si chuan Sorkar mawhphurhna engemaw chen awm vein ka hria. Chuvangin adhoc grant-in-aid in emaw engemaw ti zawng tala tanpuina kan Sorkar hian ngaihtuah se ka duh a, tunah hian an ngaihtuah dawn mek em ka hre lova. May thla ah Education Department write up an ziahah khan an rawn ziak lang nual a. Kha kha lawmawm hlein ka hria a, hemi atana an pawisa mamawh hi chu an tih ngei ngei a ngai ani tih kha kan sawilang tel duh bawk a. Tichuan khaw thenkhatahte pheih chuan ration card ah Rs. 3/- zel te an la a, a hautak em em ani. Chuvang chuan kum 7,8..

.....390/-

lai tawh te kha chu i ngai pawimawh ang u tih kha kan ngen duh a. Tunah hian Education Department hian kan budget atangin 11.34 an chang a, amahni beiseina ang 13.4 ang te hi chu han pe thei ila chuan hma pawh kan sawn ngei ka beisei.

A tawp ber atan chuan information chungchang hi tawite sawi ka duh a. Hei chanchinbu te hian advertisement te hi an eizawna ti ila a sual lovang. Kan ramah chanchinbu a tam a, a circulation a tam thei chuang silo. Chuvangin ka sawi awm a ni nge ni lo chu ka hre lo. Opposition kan nih laia an semrual lo lutuk kha hrehawm ka lo ti ve a, zat leh zat chiah hi chu a harin ka ring. Amah-erawhchu, rual deuh zawkin sem i tum teh ang u, kan thei dawn lawm ni, engnge ni a criteria tak phei chu ka hrelo na a, tih kha kan sawi duh ve a ni.

Tin, chulo leha chuan chanchinbu hi a tam ta hle a, ka tawng lo haw lo sela, te tak te a phek khat te te ai hian inthurual ta sela, pathum pali te pawh inthurual hian chanchinbu lian zawk hi siam thei ta sela chumi an siamna tur chuan sorkar hian tanpuina siam thei ta sela tih hi kan ngen sak duh bawka. Chutiang ang chuan he department ina kan ram leh hnam tana sorkar hnathawh te leh mipui zirtirna kawnga a thil thehdarh hi a tha em em. Amah-erawhchu, hmannah pawh kan hriat tawh kha, Printing ah colour calendar takngial te pawh kan la nei tha lo an tih lai khan, khangah te pawh khan hma la zau zelin thiltithei ta ila, a lawmawm awm mange tih kha kan sawi ve ani e, ka lawm e.

PU K. SANG THUAMA :

Pu Speaker ka lawm e. Demand No.22 School Education chungchang a han sawi ka duh chu pakhatna atan building grant

leh furniture grant hi pawisa duh angin kan nei tawka lo thin na a, kan neih ang ang hian sikul kama neitute hian rual deuh hlein sem se a that ka ring a. A tlangpui thuin khawthlang lampang khu zirna lamah chang nilovin hmasawna lamah hian kan la hnufual hle a. Building te pawh sikul kal theihna mang loh a tam hle a. Tuipuibari lamah phei chuan bang pawh neilo kal hleih theihna pawh nilo anni nual hlawn. Chuvangin sikul lama thuneitute hian min lo hriat sak ula a bik tak pawhin ka duh a. Building grant leh furniture grant hi a sem thua rualkhai deuh a ngaihtuahna hman turin ka ngen duh a.

Tin, pahnihna atan chuan Transfer and Posting chungchang, zirtirtu lak te, ka hma a sawi ang khan tling an nih ve phawt chuan a bial mite khaw mite kha duhsak tum hram turin ka ngen duh a. A chhan chu hmanni khan ka bial Kawrthah ah zirtirtu kan hotuten an lo zu dah a. A zu zawm chiah a, sikul pawh kal lovin a tuk lawkah a lo haw chho leh a, transfer a rawn dil lehngnal a. Ka lo chhanna chu a lak pawn ka hriatpui lo che a. A transfer pawh chu keia hriat pawh a ngai lo anih chu. Engpawhnisela, i aiawh an dah

.....391/-

leh theih loh dawn chuan transfer chu a rem chiahin ka ring lova, ka lo ti a. A chhana chu zirtirtu duh si a thawk leh duh mang lo hi kan tam mai a. Chuvang chuan a khua a mite kan dah theih hian in transfer emaw hmundanga awm hi an dil ngaiin ka ring lem lova, chuvangin hei pawh hi lo hre hram hram sela, a khua a mi tling an awm ve phawt chuan dah mai selangin a tha a rinna ka nei a. Tuna kan sawi atang ngawt pawh chuan in chiang hlein ka ring a. Aizawl atanga post zawng zawng kan luahkhat vek mai phei chuanin thingtlang lam tan chuan hei, exam kan han ti a exam te hi a tha e. Amaherawhchu, a thiam thei thei ringawt pawh hi zirtirtu ah an tha vek lem lo tih te pawh hi hria ida a tha ngawtin ka ring. Awm tha duh zirtirna a tui, tih tak taka ti mi, knatiang ang mihring kha an pawimawh ber zawk a ni. Thiamna chu engang pawm lo sang se, kan hna a kan tui tlat si loh chuan hei hian zirna tha min pe hleithei thin lo a ni tih hi a chiang em em a. Chuvangin, zirtirtu tuna kan lak turah pawh hian fimkhur hle a ngai dawnin ka hria.

Tin, transfer chungchangah hian kan hre theuh a, khawpui lama awm hi kan duh em em a. Hetah pawh hian loh theih loh a transfer tur chu an awm a ni. Hengte hi chu kan sawisel vek bik lem lo, han transfer a khawpui a han lakluh ngei ngei awm te chu an awm. Harsatna chi hrang hrang a awm, heng pawh hi kan complaint vek lo. Amaherawhchu vawiinni anga thingtlang lam zirtirtu pakhat awmna chauh te ka bialah khuan an tam mai a, zirtirtu pahnih, pathum awmna te, a nih ang tur hi ani lo fai vek mai a, chuvang chuan zirna lamah pawh thingtlang lam hian khawpui tluk ngaihna a awmlo hrim hrim a. Chuvang chuan transfer chungchangah kan hotute, thuneitute hi tlemin fimkhur deuh turin ka ngen a che u. Tuna kan sawi ang khan transfer awm ngawih ngawih chu an awm, chuti ni lem lova a duh apiang emaw a thei thei emaw in transfer a khawpui a inbengluh hi chu tum lo deuhhleak ila. Tichuan thingtlang lam ten zirtirtu tha leh zirtirna mumal kan hmu ve thei dawn ani tih hi vawiinniah he House pawh hian hria se ka duh a. Helaiiah hian fimkhur taka posting leh transfer hi thingtlang lamah a bik lehzualin ngaihtuahna hmang turin vawiinniah ka ngen duh a.

Tin, pakhat lehah chuanin hei, ngaihdan a inang lo viau thei ang, matric test exam chungchang hi thil pahnih a awm thei a. Pakhatah chuan test ngei a exam te hi a tha ang tih a ni a. Pakhatah chuan test lova an xavaia exam mai hi a tha ang tih a awm thei a, inhnialna thui tak a awm thei ang. Amaherawhchu, vawiinniah ka sawi duha chu High School tunhma ah kum 20, kum 30 atanga test exam hi kan lo tih tawh thin a ni. Exam reng reng hi kan hma a a lokal dawn chuan mi min ti tang a, fail kan hlau thin a. Chuvang chuan vawiinniah pawh hianin matric exam turte hi test na nei leh a amaherawhchu, a fail a te pawh kha exam theuh theih dan a kha ngaihtuah leh anih chuan result tha zawk kan neih rinna ka nei a. Amaherawhchu, chutiang zawng lova nu leh pa leh midang tam tak chuan ngaihdan an nei tho a. Vawiinniah he House an hian ka ngaihdan hi sawichhuah ve ka duh a. Heti hian test lovin exam ta bur ila, kumin exam lo kal turah hian nikum result a kha kan pha lo hlein



rinna ka nei ve a, chuangin hei hi hotuten ngun taka ngaihtuah a zir chungin leh a thawktute duh dan te pawh ngaihang deuhin, Headmaster leh zirtirtute duhdan te pawh ngaihang deuh a kan sorkar thuneitute hian fimkhur taka ngaihtuah chu a ngaiin ka hria.

Pakhat lehah chuan hei Chakma leh Riang awmna area ah hian thil pawimawh tak nia ka hriat fo chu Mizo tawng hi introduce ve nise thain ka ring a. A chhan chu tawng hi kan inhriat pawh loh chuan, hnam anga inpumkhatna hi a awm lo fo a ni. Ka bialah te Khuan Mizo tawng hre lo an tam em em a, hei hi Primary leh Middle School ah te zirtirtu pe ve ila, tichuan Mizo tawng hi hria se, hnam anga kan inpumkhatna Mizoram leh India ram thlenga kan inpumkhatna hi a thuk zawk a rinna ka nei a. Chuwangin kan hotute pawhin kan Minister zahawm takte leh zirna lama kan hotute pawhin hei hi lo hre turin kan chah duh che u a ni.

Pakhat lehah chuan, Hindi chungchang hi, Hindi hi India ram kan awm chung chuan a pawimawh dawn a. Zirtirtu kan tlachham in kan indaih lo tih kan hria a. Hei hi tunah ngaihtuah mek ani an ti a, a lawmawm ka ti hle a, chumi rual chuan Hindi zirna kawngah hian hmasawn hret tum leh zual ta ila tha a rinna ka nei. Kan zirtir a te thiam tura kan zirtir te, hmantlak a kan chhuah te a pawimawh a, India rama kan awm chung chuan Hindi hi a pawimawh tulh tulh dawn a. Hindi tawng hi thiam ila, India ram pumpui ah hian engkim kan ti thei a ni. Chuwangin Hindi tawng a pawimawh zia te, a tul zia te, tin training tha zawk kan pek te hi a pawimawh em em in ka hria. Chuwangin hun lo kal leh zel tur atan Hindi a pawimawh zia leh a tul zia, tin, Hindi zirtirtu atan pawh hian training tha zawk kan pek a, thiam zawk tura kan zirtir kan infuih sauh sauh hi a ngaiin ka hria. Hei pawh hi Hindi lam thuneitute leh education lama thuneitute hian rilruah lo neih ta ula tih ka ngen duh bawka ni.

Chulo lehah chuan nichina an sawi tawh Private School chungchang ah hian harsatna tam tak kan tawka. Ka bial lamah te pawh private in school kan din a, tun thlengin grant in pek te a la awm lo a, pawisa harsatna vang ani tih kan hre chungin sorkar hnenah hengte hi lo hriatsak turin kan duh a. Kawrthah ah khuan High School te kan han din ve a, kan sa a, khawtlangin a chung tur te helam atang tein ka han ngaihtuah sak a. Khawtlang thawhlawm liau liau in school building te kan han sa a. Tunah chuan sorkarin min hriatsak ve a, a theih ang anga hma min lak sak turin ka ngen nghal duh bawka ni.

Demand No. 30-na Information and Publicity hi tun aia hma la chak deuh hlek tur hian ngen ka duh a. Sorkarin thil tih that tam tak a nei a, a thil tih that te leh mipui kan inhriat pawh theih nan tun aia chak zawk deuh hlek a hma la tur hian ka ngen leh duh a ni.

Demand No. 16-na Supply chung-chang hi tun sorkar tharah hian hma kan sawn hle a, a lawm-awm a. Supply Department chungah hian lawmthu sawi tur tam tak kan neiin ka hria. Kan Minister te, Supply lama hna-thawktute hnenah hian lawmthu sawi ka duh a. Pakhat lehah chuan Store keeper hi duh angin an awmna ah hian an awm tha lo deuhhlek in ka hria a. Khawthlang khu a hla bawk a, kawng te a lo tha lova, an awmna ah hian hmuh tur an tam lo angreng viau a. Chuvangin, Supply lama kan hotute pawhin hei hi min lo hriat sak deuhhlek ula. An pawimawh em em a, buhfai a awm loh in riltam a ni mai si a, an awmna hmun ngaina deuh hlek tura min lo hriattir turin ka'n ngen duh bawk che u a ni.

Tin, pakhat lehah chuan buhfai buk dik lo hi an sawi tawh a. Hei hi a pawimawh em em a, khutilaia kan retailer pakhat phei chu Store Keeper in buhfai a buk dik lo lutuk a a ti a, a bang tawp mai a. Nangmah i thiam lo aniang chu, nangni pawn chungte chu enchiang deuh ula an buk dawn te ka lo ti a, an buk dik loh lutuk avang khan yawikhat ah 2000/3000 ka chawi ziah mai a ka ti peih tawh lo ka bang mai dawn a ti a. Chu chu midang a ti thei tura kha kan han hnawn leh ta ringawt a, khatiang deuh bawk khan buhfai buk dik chungchangah hian theihtawp atan kan lak a pawimawh a, a tuartu chu a retailer mai nilovin, a mipui te a eitu kha kan ni chho ve zel a. Chuvangin helai thilah hian retailer theuh te, tin Store Keeper te, kudam lama a thawktute kan zavaiin dik na hmang a Pathian hrereng a hei hi kan tih loh chuan a tuartu chu kan zavaiin ani tih hi kan hriat atan han sawi ka duh a. Chuvangin thuneitu department te leh kan Minister zahawm tak te pawh heilalai ah hian tan lo la lehzual turin kan ngen duh bawk ani e. Pu Speaker, ka lawm e.

PU K.T.ROKHAW

: Pu Speaker, hei Demand sawi tur a hun min pek avangin ka lawm e. Pu Speaker a hmasa in Supply Demand No. 16-na kha ka'n sawi

ve anga, ka sawi duh chu Gas hi ani a. Gas hi home delivery tih tur an ni a, mahse Mizoram ah chuan home delivery chu a harsa deuh ani maithai a. Chuvangin tunah hian a hmuna mipuiin kan la zel ta a. Chuvangin a hmuna kan la anih chuan carrying bill, carrying basis tih ani ta e, chuvangin mipuiin a hmuna kan la anih chuan, home delivery ni ta se chuan transport a ngai dawn a, petrol te a ngai dawn a, khami commission a kha mipui hian kan pe tel ve tlat si a. Chuvangin cylinder 1 hi Rs. 160/- ani a, home delivery anih si loh chuan Rs. 150/- velin min tih sak sela, tih hi Pu Speaker ka rawn ngen duh a.

Tin, a pahnihna ah Below Poverty Line hi Central in chhungkaw 53,000 vel min phalsak niin ka hria a. Chutah chuan kan sorkar hian tun thleng hian a la thlang fel lo nge ? la pek an la nilovin ka hria a. Chuvangin hei hi a rang lama pek ni se. Below Poverty Line ah chuan

1Kg. Rs. 7/- a kan lei thin a kha mirethei te tan chuan Rs. 3.50 in an lei tir tur a lo ni dawn a. Tunah hian thla tin in BPL tan bik 5300 quintal kan hmu char char a ni. Mahse chung chu a chanve in mirethei te kan leitir bawk si lova. Chu chu kan sorkar hian a hralh, a man pangngaiin nge a hralh dawn tih kan Speaker ka zawt duh bawk a ni. A man pangngai a a hralh anih chuan a chanve mah ah khan Sorkarin kan hlep zel dawn tihna a ni a. Chuvangin hei hi BPL te hi a rang lama lei tir thei tawh turin Sorkar hian hma lo la tawh sela.

Tin, Mid-day meal school nau-pang ho tan hian thla tin 2460 qtls. kan hmu thin a, hei pawh hi nikum lam chuan kan lo sem ve a, mahse tunah hian chhonzawm a la ni lova, thla tin kan la hmu tho si a. Sorkar hian chhonzawm tawh hram rawh se tih ka ngen duh bawk a ni. Tin, tunah hian buhfai godown ah a tam em em tih kan Minister in min lo hrialh a, a tam reng bawk a, khaw tinah a leh-lamah a lawmawm em em lain mipui hian a leina tur pawisa kan nei tlat lo a ni. Mipui hian lei thei ta sela chu Godown ah hian hetiang hian bunfai a tam dawn lo reng reng. Chu chu enge a chhan ? tih chuan keini kan Sorkar lai chuan mipuiin inhlawhna tur pawisa Contract te kan ngaihtuah sak a, mipuiin pawisa an lo nei ta a buhfai kha Godown atangin an lei thin a ni. Mahse tuna kan Sorkar te hi a vanduaithlak ka ti lutuk Party induhsakna a lian lutuk a, mipui contract pek tur an la nei lo a ni. Party induhsakna ah contract zawng zawng a kal vek avangin, hei hi kan Sorkar pawhin tun aiin mipui hi ngai-pawimawh zawk sela tih ka duh a.

Tin, Chhimituipui ah hmanni khan kan Minister zahawm tak khan Carrying Bill crore 2 chuang a la awm a. Chuvangin engpawhnise kan Minister hma min lo lak sa sak sela, carrying bill te hi min tih fel sak zung zung sela tih ka lo ngen duh a.

Tin, kan ration hi kan Minister khan ration tha lo te kan thawn kir leh tawh tih te kha min hrialhin ka hria a. Mahse kan ration dawn hi kan hriat dan in Pu Speaker, House property atan ka pe duh a, chhe tak a ni, chuvangin kan Minister hian engpawhnise lo enchiangin, hma min lak sela, a tha zawk. Godown ration ani a, chuvangin hei hi House Property atan ka thehlut a ni.

Pu Speaker, hei hun a awm si lova, minute 7,8 vel chu ka la neiin ka hria a. Demand No. 22-na. Hei School kan nei tam em em a, mahse Hindi Teacher hi a neilo hi an tam em a. Chuvangin Student ho tan Hindi thiam ngaihna a awm lova. Engpawh nise, School tinah hian Hindi Teacher hi pek ni hram sela, tih ka lo ngen duh a. Tin, School hotu Teacher tam tak an Station a awm lo, Aizawl leh Lungleia awm an aiawha midang an dah a, sanghnih khat an hlawh tir a, chuanin Aizawl leh Lungleiah contract te, business dang te kha an nei a. Hetiang ho hi chu kan Sorkar hian chak takin action la rawh se.

Tin, hei 10+2 kan introduce tawh a. Aizawlah hian 8 kan nei a. Tin, Aizawl District huam chung thingtlangah hian 6 kan nei a. Tin, Lunglei Districtah 3 kan nei a. Chhimituipui District ah hian 2 kan nei a. Chuvangin 10+2 hi introduce a nih takah chuan MLA Constituency tinah hiar

pakhat tal hi chu mih dah sak hram rawh se, chutiang a nih loh chuan a buaithlak em mai, naupang ho School kalna tur hi. Tin, tuntuma School hotute lakna turah hian kan Ministerin min lo hriat sak se ka duh chu, amah pawh opposition a nih lai khan a sawi tam ber a ni a. Aizawl leh Lunglei mi te hi duhsak an lo ni ta a, khawpui mi te hi thingtlangah an va dah ta a ni. An awm tha duh lova, chuanin Lunglei leh Aizawlah khan an awm tlat a. Thla knatah hian kar khat te an School ang a, kar thun chu helaah an hmang a, Chuvangin engpawh nisela, tuna School Teacher Post ruahna hmuna an khua chumi khuate ina an lo apply ve a Candidate anlo nihve anih chuan, engpawh nise duh sak nive hram rawhse. Chumi anih loh pawhin chumi khaw bula miten anlo apply ve anih chuan chu chu duhsak nihram rawh se. Chutiang anih loh chuan kan School naupang hote hi-an suffer lutuk anga an knawngaihthlak em mai.

Tin, School Building hi Grant leh Library leh furniture te hi engpawh nise Government Higher School te hi chu duhsak zawk nihram rawhse. Government High School te ahian Deficit High School te hi kan duh sak zawk emaw tihmai tur a ni a. Chuvangin Government High School te hi chu kan ta liau liau a ni a. Engatinge ni tunah 10+2 kan lo nei ta a, admission hi a har em em a, a building ah khan an leng tawhlo ani. Chuvangin Grant ah reng reng pawh hian duhsak bik ni hram sela chu chu ka duh a ni. Tin, 10+2 a, a nghet lova rawh lecturer te M.A. anni a, Post-Graduate anni a, kalo hriatve danah chuan, an hlawh hi thkhatah Rs.1500 hlawtura propse ani awm a, Pu Speaker, hei hi chu a dik lo lutuk a ni. Post-Graduate anni a, a in hmuhsit thlak lutuk, chuvangin Labour ang maia chhawr kan tum hi a nih tur ang ani lo a ni. Chuvangin an hlawh hi hei aia tihsan dan kan Sorkar hian ngaihtuah sela ka duh a ni. Tin, chumi bakah chuan a Post hi a nghet in dah hram rawhse tih hi ka lo ngen duh a ni.

Tin, Pu Speaker, a tawpna atan Information Department hi tlem kan sawi ve duh a, Demand No.30 Pu Speaker point pakhat chauh He Department hi a pawimawh em em a. Tunah hian kan Minister te zin nikhua ah Information Officer ho hruai zel in tum si a, tin anni pawhin, in hruai nih kha an duhve em em lain Vehicle hi an nei lo a ni. Chuvangin Information Department tan hian an duhna anga an hman theih tur Vehicle pahnih, pathum tal hi ngaihtuah sak hram ula a tha in ka hria a ni. Pu Speaker, Ka lawm e.

PU NIHAR KANTI CHAKMA : Pu Speaker ka lawm e. About the Demand No 22, there is School Education. As we know remove Education is consider an important factors for all progress and development of human and family. It is Primary responsibility of the Government, establish maintain and ensure the growth of Primary Education. Here I would like to draw attention of the Government about miserable condition of Primary School within Tlabung Constituency. Most of the School it is run by single Teacher, and Building conditions is also very bad.

There is no place where student can sit. They used to sit on the floor. Pu Speaker, I would like to know how can a single teacher a Primary School where student is more than 50. For the information of the department I would like to mention some of the Primary School within my Constituency where there is a single teacher like Devasora Primary School, Badesora Primary School, Khajoysuri Primary School, Puan-khai Primary School etc. Again in most of the school in my constituency there is no Hindi Teacher. The Hindi teacher at Sardar Vallabhai Patel Memorial (SVP) Middle School Tlabung and Tuichang Middle School has been transferred to Lunglei and Aizawl respectively but the replacement is not yet been made till now. What is the reason I don't know. I hope Minister will see to it. So how student will appear their examination in Hindi? Again was education teacher at Nunsuri and Tipperaghat has been attached at Lunglei SDEO the reason is not yet known? I hope the Hon'ble Minister will see to solve it and the problem as early as possible.

In regard to Mid-day meal the Government should take better initiatives for the development of Primary School education. Since, Tlabung is considered most backward educationally I request Pu Speaker, the Hon'ble Minister should take the followings initiative. No. 1 introduction of plus two system at Government High School Tlabung, taking up of Lungrang High School and modern High School Tlabung, Khojoysuri Middle School and at the same time the existing Primary School teacher post should be created. What we need most is the quality of education not the quantity. Pu Speaker, it is very much regrettable to say that the salary for the month of February, 1998 for the Tipperaghat Government aided High School has not received as yet, the reason I don't know. I hope the Minister will take personal initiative in regard of for immediate payment.

In regard to demand no. 4 that is administration of justice, the Tlabung Sub-Division is considered the oldest Sub-Division, but the S.D.O. at Tlabung is not given first class Magistrate power. He has no power to issue even S.T. or birth certificate. As there is the saying justice delayed is justice denied. It is requested to issue necessary instruction for empowering SDO Tlabung with a I Class Magisterial power.

In regard to demand no. 16 that is Civil Supply, here I would like to point out problem created by the department authority in my constituency. Recently one notice has been issued. Pu Speaker, I just read out the notice that is Hriattirna DCSO Lunglei lehkha no. nil of 17.4. '99 thu angin heng a hnuai hming ziak tu hnenah buhfai la thin zawng zawng te wawinni 20.4.99 atanga thu leh awm hma chuan anmahni ration card hmangin Tlabung Godown atangin la tura hriattir in ni. Retailer te kawng luipui kawrpui kha Chilui Lamtlai, Tuidam, Chawilung Tlabung I and II. How can they issued such type of notification. This is quite anti-people. I hope Minister will have to reply to this House why this type of order is

issued which is against the interest of the people. How can people can draw ration walking near about 20 Kms. away. This Lawngtlai Village is near about 20 Kms. from Tlabung Godown. In case, if people dies who will take the responsibility? Is it the department? The Minister has to reply to this.

Lastly, in regard to demand no. 35 - that is Relief on Account of Natural Calamities - I'll speak only three words since most of the village is situated on the banks of the river within my constituency. There is every possibility of natural calamities, therefore, the government should take all the initiative in order to prevent such calamities and should come forward to help when necessary. Thank you.

PU K.VANLALAUVA

: Pu Speaker, ka lawm e. Hun tlemte hman tum ila a tha awm e. Kan sawi loh department te hi kan ngaih pawimawh loh vang nilovin kan hunin a daih ngang loh vanga lam lohah min ngaih-sak hlawn sela a thain ka ring a, ka sawi hmasak duh ber chu Education Department Demand No. 22 na - pawisa tlemte nuai 60 chauh nei hi ka hmuh phat atangin disable children te hi a ni a, mitin ten kan tawh theih khawpui leh thingtlang ten kan tawh theih a ni a. Engvang pawhin a tira piansualna avang emaw, pian hnu a harsatna avang te pawhin, piansual theih ani a. Heng hi lehkha kan zirtir chuan emaw entirnan hei mitdel te pawh vawin niah kan hria a tam takah chuanin hman tlak an awm nual tawh a ni tih te kan hria a. Tah-chuanin tun aia tam zawk te hi pawisa 100 lakhs emaw tal te hi chu lo dah sengin kan tangkaipui leh-zual anga tih min ngaihtuah tir a. Amaherawhchu, tunah hianin tih belh mai remchang a ni ta lova. Tunah hianin tangkai thei ang bera fimkhur taka disable fund ni na na na midang a hman loh erawh chu kan ngaihtuah erawh chu a ngaiin ka hre thung a. Chu chu a hmasa berah han tarlan ka duh a.

Tin, hei a tenau leh bawk SCERT kan tih hi tunhma deuh khan an tang viau a. Zokhaw lamah an training pek te thahnemngaiin an zinchhuak ve zar zar thin a. Amaherawhchu, engvang tih kher nge ni an mawng a rit ta riau deuh a. Sum an ngah loh vang pheng lo niin. Hemi te hna-thawh te hi a pawimawh tehluul nen, kan sorkar hianin anni ti taka tuaihriam a Zokhaw lam te pawh kan tangkaipui theih ngei na tura an tirhchhuah leh zung zung dan hi ngaihtuah selangin a tha hlein ka hria a. Chu te chu kan telh leh duh a.

Information and Public Relations chungchang thuah hian erawh chu sawi tur tam tak a awm na a, nichin a Tuipang bialtu zahawm tak sawi kha pawimawh hlein ka hria a. Thuam erawh chu an ngai a, entirnan mai mai kan State head Chief Minister han zin dawn sela an P.S.O. kawl te chuan Camera pawh an nei chuang lova. Motor te chu an pute motor pawh lo ring dawn ta sela a buaithlak tho thova. Kan camera te hi a kawltu tur dik tak ten kawl

thliah thliah ta ang ilangin tun aain a ziaawn dawn mange aw tih min ngaihtuah tir bawk a ni. Tichuan kan chanchinbu mite vawrh lar nan leh than len dan tur atan chuan kan chanchinbu mite hmun hrang hranga zin tir dan, a tam thei ang ber kan ngaihtuah hian a changkang dawn a ni. Tunah hian zirtir dawn mah ila, zirtir tur kan awm chuang lo ani mai-thei a. Aizawl ah hian chuan mahse an zin tam chuan an hre nghal mai dawn a ni. Tin, an press an style hrim hrim ah pawh zir tur tam tak an neih karah hian he department hian ti thanglian deuh sela, zin tam tir sela, a tha awm mange aw!! tih min ngaihtuah tir nasa em em a ni. Hei hi tunah pawh tumna a awm mek ang tih ka ring a. Tin, kan chanchinbu man chungchang thuah hian, lungawi tawk awm lo mahsela, a theih ang tawk tawka semrual te chu a tha hle ang tih ka ring a. Kum rei fe helam atang hian kan au thin a, a hrehawm kan ti khawp mai a. Amaherawhchu, thil harsa tam tak a la awm ve tih kan hmuchhuak zel a! Engpawh niselangin he Sorkar hi mipui sorkar a nihna ang takin tumah kutbeng lova kan siam a tha khawp a ni.

Tin, demand 22-na School Education chungchang thuah khan hmanni a kan inleng te thil sawi kha ka ngaihtuahna ah a lian riau a, zirtirtu M/E Primary School teacher te hlawh lak chungchang thuah hianin Zokhaw lam ten kan awlsam na em em chu anmahni bank hnai berah hlawh an han la ve kha an lawm hle mai a, an hlim a. Tin, zirtirna hun lamah pawh hun tam zawk an hman theih phah a. Mahse engemaw hun atang khanin tha zawk tihna avangin department lamah lak alo ni leh ta a. Hei hi ennawn theih chu nisela chu a tha mange aw ka ti a. Amaherawhchu, a tha zawk chu department in an hriat ka ring, thingtlang lam ho tan erawh chuan anmahni hnaih ber bank atanga lak erawh chuan zirna chu a sukuk tlem deuh chuan ka ring. Zirtirtu, Hindi Teacher indaih lo tihte phei chu sawi thu a cheng lo a. Tumah hian thingtlang lam hi kan ngaihthah chu kan ti hauh lova, amaherawhchu a harsa tih kan hria. He department a chak taka hma la tur hian keini ho pawh hian ka bial, ka chungte ti lovin an ruahman ang hian kalpui tir thei ila chu a tha sawt ang tih ka ring a. Keimahni ho bawk hian department kaihza kan tithlep ang tih ka hlau. Tuna an policy ah pawh a theih chen chen a khua a mite zirtirtu ah lak nisela tihte hi keimahni ho bawkin tithuanthu lo in tichak zawk ta ila. Tichuan House ah pawh hian lawmthu sawi a tam deuh zawk awm mange ka ti. Kan nih chen chen ah hian lawmthu ka sawi duh a. Kum ruk zirtirtu nei lote pawh kan awm tawh a, department in an hre em em a. An chhinchhiah a, kan hmuh pui a, hmalam zel atan pawh kan lawm lawk ni ta selang a tha ang.

A tawp berah chuanin kan supply dinhmun chungchang thu hi sawi tur tam a awm vak lo. Ka sawi fo tawh angin sawisel tur zawn hi chuan khawiah pawh a awm zel. Mahse tun kan dinhmunah ngat chuan Zoram pumah Head load te anih ngawt loh chuan godown ah buhfai a awm a ni. Ei sen loh a awm a ni. Engtingge hetiang hi kan Supply Department hian an tih theih tih hi zawna lian tak a ni. Thil awm thei turah pawh ka lo ngaih loh hial zawk a ni a. Kha leh chen kha opposition angin kan lo au ve thin tak lauh lauh a, a theih chuang

reng reng Jawa. Mahse tunah chuan a lo theih ani tih a lang  
chiang viau a, pawl deuh zawk erawh chu a thiartute chak loh-  
na avanga head load area ten tlema harsatna te annei anih  
chuan chu erawh chu tun aia chak leh zual a head load a tan  
a ngai thung ang tih ka ring tlat ani. Chuvangin Pu Speaker,  
heti em em a vawin nia kan Department sawi zawnz zawnz ten  
kan ram leh mipui an hmangaih a, an han kal a, an han pen  
zung zung mai hi chuan he Sorkar hi a tizahawm a, a timawi  
hle ani tih an tarlang ani. Ka lawm e.

....400/-



PU C. LALRINSANGA : Pu Speaker, ka lawm e. Thu-sawi tur a tam hle mai a, kan sawi char char ang a. Kalphung hlui chu a lo ral a, kalphung a lo thar ta, kan tih mek lain hei vawiin niah Statement-ah fund engemaw a lo lut tlat mai a. Session nan leh hman loh hlauvin Kudam chhuata Buhfai chhe bua kan va rut mai nge? tih laia kha chu inzawt thui ta lo mai ila. Hei, Buhfai chungchang hian sawi a hlawh hle mai a, Mizoram dung leh vangah keini in a kan sawimawi ai mahin Godown-te hian an sawimawi in ka hria a. Chu chu a chianna ni ta sela. Amaherawhchu, hun a kal a eng engemaw Sorkar hming hliau zawng a thil lo awm a kha chu kalphung hlui zia-ah ngai leh mai ta ila, a tha in ka hria.

Hei, kan sawi duh bera chu Food & Civil Supplies Deptt. hian hma an la tha em em ani tih te kan hria a, sawi tam a ngai lova, amaherawh-chu, hemi pialhama kalphung thar kan kalna tur lai erawh hi chu han tarlan ve ka duh a. Hei, tun tumah hian Buh-fai leina tur atana cheng nuai sangkhat leh zakua sawmruk pasarih kan nei hem mai a, chumi phurh nan chuan cheng nuai 1400 kan nei bawka. Heng zawng zawng a hi Vairam-a liam thla mai lovin helai kan Mizoram tharchhuah ngei hmanga heng pawisa tam tham te hi circulate theih ni ta se a va tha dawn em; tih ka ngaihtuahna-ah a lian em em ani. Tichuan, hei kalphung tharah kan Chief Minister duhawn tak kaihhruaina avangin peace bonus kan tih te leh kalphung thar hma lakna tur pawisa budget provision te kan nei chho mek a, chumi hmang chuan kan ram a kan tharchhuah theih food grains leh sum chang thlai dangte hmang hian hma kan la tan mek a ni.

Hei, May thla khan Delhi-ah MLA, Orientation course kan zuk nei a, chuta Prime Minister kan hmuhna-ah chuan "In Chief Minister-in peace bonus a tih hi kan ti hlawh tling dawn", a tih angin vawiin niah peace bonus rim hi kan lo hre ta a ni. Chuvangin, vawiin niah chu peace bonus leh kan budget provision pawisa hmang hian hma kan la dawn ani tih kha i veilam a mite pawhin lo hria se ka duh a. Tichuan, chutiang hawi zawnga profit oriented leh keimahni ngei in tun nunna tur zawnga ke kan pon theihna a tak lo la lang mai lo mahsela, zing kan han tho a, unau hmel hai, khua la var tak tak hma in thimhmul lai ang vei, tunah hian kan thleng mek a ni. Chuvangin, khalai Buhfai chhe fun a te pawh kha kalphung hlui zia a la nih kha. Chuvangin, Food & Civil Supplies Deptt. hmalakma kawng hrang hrangah hian hma sawna thar kan la zel dawn e, tih kha kan sawi uar duh a.

Tin, hei Gas (LPG) chungchang pawh hi Environment & Forest Deptt. hmalakna atana pawimawh tura ka lo ngaih thin a ni a, LPG Gas chungchanghian kan Chief Minister Gas Connection 100000 Central atangin a rawn hmu a, Wild Life Preservation leh kan Forest Reserve humhalh nan a Cooking Gas hman hian thui tak pawimawhna a la nei dawn bawk a ni. A chhan chu mi in thingtuah kan hman tlem a, Gooking Gas kan hman tam na na na chuan forest humhalhna-ah (preservation) kawngro thui tak a su dawn ani tih kha kan sawi ve leh duh bawk a.

Tin, chulo leha chuan hei, Supply Deptt.-ah Store keeper te, Inspector-te kan awm nual a, Store-keeper leh Inspector, Sub-Inspector te liability kan nei hi a buaithlak khawp mai, an hlawh atanga han ruh sen loh khawp tunah hian ba kan nei tlat ani. Hei hi engtingge kan tih zel dawn tih kan Minister zahawm tak khan min lo chhinchhiah sak se ka duh a.

Tin, Demand No. 34-na Social Security & Welfare tih te, Demand No. 35-na Relief & Account, Natural Calamity tih te, Demand No. 53-na Trade & Commerce tih te pawh hi Budget Provision kan en in duhthu a la sam tawk lo hle a, sum mamawhna anga dah belh a tul hle ang a tih kha vawin niah hian House hian hria se ka duh hle ani.

Tin, Demand No. 22-na, School Education-ah khan lo lut leh ta ila. Mizoram hian vanduai-na tak kan nei a, Japan Pa chuan Mizote chu khaw khata la insawi-khawm tham lek in ni min tih lain, vawin niah Mizoram-ah khaw tam tak 'multiple village' kan ni ringawt mai. Chu chuan hmasawna kawng hrang hrangah harsatna min siam a. Tichuan, School Education-ah pawh hian harsatna min siam lian em em ani. A chhan chu khaw te deuh pawh ni sela educate an ngai tho si a, chu chuan kan Sorkar Education Deptt. changtute lu pawh a ti hai a, Directorate level-ah theih tawp chhuah in thahna ngai takin hma an la chungin khaw hrang hrang te pawh an cover seng hlei thei lo ani.

Entirnan - Zirtirtu indaih loh thu a ani emaw, School grand chungchang ani emaw, kawng hrang hrang facility kan mamawhna kawngah khan harsatna kan tawk chho ani. Chuvangin, hemi hria hian Budget provision a kan nei 11% pawh hi tihpun nise a tha in ka hria a. Bilkhawthlir bialtu zahawm tak khan 13% vel kha a ti na in 15% te hi kai se tha in ka hre hial ani. A chhan chu nimiran khan Health lam kan sawi tawh a. Health unau awmchhun chu Education hi a ni tlat. Hriselna tha neilo chuan zirna hi a kal tha thei lova, Education tello chuan Health pawh tih ang zawngte pawhin chhut ta ila.

Tin, ka rilru nat em emna chu, kan zirlai ten engatinge mathematics hi Sakei hlah a kan hlah tak tih lai hi a ni. Hei hi Education Deptt. in engtinge kan siam that ang? Incentive measure engtinge kan lak ang? Tunah computer age-ah kan kai tawh a. Chulai kara BSc Mathematics hmuh tur pawh kan awm hlei thei tawh lo. Ka bialah pawh Mathematics Zirtirtu tur ka dap thin a, Engineer te rawih an ngai hial ta mai. Engatinge B Sc Maths te hi kan neih tak loh? Engatinge Maths-ah hian ka va hnufual ta em? Hei hi kan in-enchian ngaiin ka hria. Hemi atan hian Education Deptt. pawh hian hma tun aia chak zawka kan lak rualin Finance Deptt. pawh hian hma tun aia chak zawka kan lak rualin Finance Deptt. pawh hian hma tun aia chak zawka kan lak rualin Finance Deptt.-ah hian hma rawn la se tha in ka hre bawh a ni.

Mahni bialah lo kai ve ta ila, Deficit system, Adhoc aided kan han ti a, ka bialah sawn Middle School 3 vel, High School 2 leh Private High School 1 kan nei ve a. Tun tumah duhsakna dawngin ka inhria a, Middle School pakhat chu Adhoc aided in kan han awm chho a, lawmawm ka ti a. Hmabak erawhchu kan la ngah hle mai a. Chumi rual chuan tuna Deficit System-a kal mek te hi engangin nge provincialise tur angin kan kal chhoh pui thei dawn em tih kha kan Minister zahawm tak khan min lo chhinchhiah sak sela. A wind up hunah te pawh min chhan sak theih chuan a lawmawm hle ang.

Tin, chu lo lehah chuan Fixed Pay hi Mizoram-ah hmun tam takah kan buaipui a ka bialah ngei pawh hmun pakhat chuan fixed pay a rawih kan nei nual a, School pakhat chuan fixed pay a rawih mi pakhat kan nei a, Naupang an tam si a, fixed pay a rawih anih avangin hlawh pawh a tlem, a in thlahdah phah nge Mangkhawng te a en san thin a, Chakai te a chiah san bawh thin an ti ani. Naupang an baihyai em em mai a, chuvangin, ka bial a Naupang fel tak pakhat chu "va kal phawt mai la, lova thawk ringawt phawt mai rawh, hlawh lam erawh chu pocket money ka la pe ang che," ka ti ngawt mai a. A va kal a, vanneihthlak takin kan Minister leh Director te duhsakna in Officiating-in pakhat chu min han dah sak a, ka lawm khawp mai. Chu chu kan tarlang tel duh bawh a.

Tin, Hindi Teacher chung-changah hian hei nichin khan kan ngaithla a, Hindi Post kumhlu a kan neih tuna kan la chhawr theih loh post 220 chuang kan la nei a, hengte pawh hi kan kheh rei hle mai. Amaherawhchu, kan Chief Minister hmalakna avangin tunah hian Post hi kan create chho ve thei turah kan ngai a. Ka bialah pawh Hindi Teacher neih lohna kan ngah hle mai. Education hi ka ngaih pawimawh avangin Hindi Teacher kan neih lohna te pawh min han dah chhoh sak ka beisei a.

Tin, Hindi thiam, Hindi Matric passed mi engemaw zahte pawh kan nei ve a, chungte pawh chuan tan chance a awm theih kan beisei bawk a. Tin, chumi rual chuan Hindi promotion chungchangah hian Central khuan Hindi hi thiam turin min duh a, a in hawng zau em em ani tih hria ila. Tin, hemi kawngah hian kan Sorkar pawh hian hma chak zawkin la sela, hemi atan hian min rawn pek ang ang hi chu lapse mai lovin khunglut hmiah hmiah ila, employment kan generate-na a lo ni bawk si a, tih kha kan sawi leh duh bawk a. Tin, a tawp berah chuan Information and publicity, Pu Speaker heihi kan sawi leh lawk ange, a point den den chauhin kan sawi ange, hei Information & publicity hi an pawimawhna angin kan ngai pawimawh taw lovin kan hria. Thingtlangah AIPRO te kan awm a. Hmun hrang hrang Champhai ahte, Mamit ahte, Chawngteah te, Office neiin an thu ve hlawm a. Kan Office building neihte hi a chhe em em mai a, engtia tihtur nge ni ang. Budget Provision ah khan ka en chiang lo na in khangte kha a bika tih chak theih dante awmse a tha hlein ka hria.

Tin, chumi rualin heng a thawk ate pawh hi, (PRO a te pawh hi) kum 10 chuang dah an lo ni tawh bawk a, hmun danga insawnte pawh an duhve em em ang tih a hriat a, chuvangin, ngaihtuahnaah awm sela. Tin, hei Press mite hi kan ngaih pawimawh an tul hle a, kan tih changtlun chhoh zel pawh a pawimawh ani. Chutiang ti tur chuan engnge kan tih theih awmchun - a tam lo hle ani. A hmasa berah chuan Press hi changkang zawk leh attitude sang zawk a hlangkai tur chuan Press Rule te pawh hi kan bihnawn leh a ngai a, India ram hmun hrang hrang a hmun changchang zawkte tlawh a, an thil tihdan leh in enkawl dan hrang hrangte pawh kha zu chian ta sela, chuta tang chuan idea thui tak an neih theih ka beisei a, chumi atan pawh chuan a bikin Budget Provision ah pawh hian kan tarlana R/E ah pawh kan reflect chhoh a va tul awm em tihte pawh ka ngaihtuahnaah a awm a.

Tin, hei Advertisement chungchangah pawh hian chanchinbu mite rualkhai zawka semrual a tha hle in ka hria a. Kan chanchinbu mite hi kan duat an tul hle mai, a chhan chu kan thu chhia a tha min thlen saktu leh mipui hnena beng min neihsak tute annih tlat avangin. Kan ngaih pawimawh a tul tak meuh ani.

Tin, a tawp berah chuan Information & Publicity Deptt. hian Mizoram Today Magazine hi kan siam ve tur niin ka hria. Hei Sorkarin hmalakna kawng hrang hrang kan nei a, thil tha tak tak hmasawna kawng hrang hrang kan neihate pawh hi English Version te pawhin tichhuak ve thin ila, chutiang chuan kan ram hmasawna kawng hrang hrang leh kan kalphung thar kawng hrang hrang kan tarlan theihna tur leh State dang pawhin a kan hmel an lo hmuhve theihna turin heihi chu chak taka hmalak nise ka duh tak meuh a, chu chu kan sawi duh ani e. Pu Speaker, ka lawm e.

PU ZAKHU HLYCHHO

: Pu Speaker, ka lawm e, tun tum kan Session hi ka sawi dawn apiang-in House Leader hi a awm ngai lova, pawiang reng hle in ka hria. Session hi chu ngaih pawimawh ve chi viau asin mawle! tih ka tan hma in ka sawi hmasa duh a. Pu Speaker, a hmasa a ka sawi duh chu ka sawi zata ka sawi deuh ziah, ka sawi nawn leh duh a. Tuntuma kan Budget a priority kan pek dan hi a diklo hrim hrim a. Entirnan, tuntumah pawh Education kan sawi dawn a. Kan Governor in High priority kan pe ang ati a. Amaherawhchu, kan Chief Minister, kan House Leader berin a Budget Speech ah Education pumpui kha a rawn hmaih tawp mai a. Chutiang chu kan kal dan anih avangin kan Budget vawiina kan sawi ngei ngeiah pawh hian a fuhloh ka ring ani. Hei, chuvangin, Supply ahte vaibelchhe khat leh Nuai sawmruk pahnih a a pun lain Education priority kan pekah khan a pung leh bawk silova, chutiang chu anih avangin, he Sorkar hi Khawbung bialtu zahawmtakin a sawi thin angin, 'Bingtai Sorkar' chungtiang leh hnuaitiang pawh hre hranglo, a tih ang deuh kha ani mai lo maw? in priority pawh hi priority lo nen a inchawhpawlh vek mai lo maw? tih kha ka'n sawi hmasa duh ani.

Tin, Pu Speaker, chulo a ka sawi duh chu Demand No. 13-na, pathumna Informationah khan kan thianten an sawi tawh pawh nise, han sawi nawn leh ka duh a. Chanchinbu hi Mizoram mipui information kan dawna ber ani a. An advertisement rate te hi a hniam em em mai a. Hengte hi tihsan theih ani ang em? tih tun Session ah ngei hian ka zawt a. A chhanna ka la dawng lo nain, vawiinah hian Chanchinbu advertisement rate hi tihsan ni sela, tih ka rawn sawilang duh a. Tin, chubakah advertisement pek dan hrim hrim pawh hi engtinge in pek dan? tiin ka zawt a. Hei, min rawn chhannaah chuan thenkhatin singruk leh sangkhat leh za sarih sawmli thlaruk chhunga an hmuh lain thenkhat chuan sangrukte an hmu a. A inthlau lutuk deuhin ka hria a. Hei, a hmu sang ber phei chu Morning Post a ni awm e. Ka hriat hi a diklo mai thei a, Morning Post hi MJA member atanga an suspend lai ani leh nghal a, chutiang chu anih avangin Advertisement rate hi a rual khai lo lutuk deuh ani lo maw? Hengte hi kan Sorkar hian kalphung tharah chuan lo en tha leh deuh ta ula. Rual khai deuhhlekin in ti thei ang em? tih kha ka rawn sawi duh ani.

Tin, Pu Speaker, Sorkar Press Release hi a ho angreng hlein ka hria a. Hei, tute emaw lawmthu sawinate hi Govt. Press Release ahte in rawn chhuah a. Hei in Sorkar Press Release hi, hetianga tute emaw lawmthu sawina kan chhuah zel dawn anih chuan mitthi chhungte lawmthu sawina zawng zawng pawh hi Govt. Press Release-ah kan chhuah law law dawn em ni? ka ti a. Chuvangin, Govt. Press Release te hi awmze nei deuhhlekin kan chhuah thei lawm ni? tih ka rawn sawi lang duh a. Tin, chulova, ka sawi duh chu Govt. Press Release hrim hrim hi House-a vawihnih khat kan lek tawh vang nge ni? MLA te hi tunhmain min rawn pe thin a. Tunlai hian min rawn pe duh ta reng reng lo mai a. Heng

te hi chu Govt. Press Release ani a. Thuruk pawh ani lova. Transparent Government inni bawk a. Min pe leh thei lawmni ? ka rawn ti deuh a.

Tin, chulova ka sawi leh duh chu, pu Speaker, hei, Information Deptt. a Officer te hi kan Minis- terte in zin nikhuaah nangmahni tawiaawmtu ber leh nangmahni cover tura programme siamve thin anni a. Kan hotute in zinin in tlanchak thin si, in speed a tha si a, a lehlahmah inform- ation ho hi Jeep tawng tak tak aution tawh aww ngawih ngawih, hi an kawl si a, an in tlan hium zo ang tih pawh hi ka hlauva, chuvangin, Gypsy te hi tun Sorkar thar Central a pawisa sawi thei Peace Bonus pawh hmu teuh teuh hian Gypsy tharte chu in pe ve thei lawmni tih kha ka rawn sawi duh a.

Tin, Pu Speaker, thildang ka sawi leh duh chu Education Demand No. 13 naah hian ani a. Educa- tion kan han sawi dawn chuan a hmasa a ka sawive duh chu hei India ram pumpuia thiamna lamah Mizoram hi a sang ber kanni pakhatna kan ni tih kha kan hre tlangpua, kan memberte khan an rawn sawi a, engvanga sang nge tih chu an sawi duh ta lem lova. Sorkar hmasa thil tih that avanga sang ani tih kha in sawi duhlo hi pawl ka ti a, amah Pu Z.D.Sangliana (L) sawi dan takah ka zu in chauh hi in sawi a, ka bawngnhute in in sawi ve duh silova a ti a an ti a. A chhelai chauh hi sawi lovin, kan tih thatte hi sawive ula chuan tha tur ani a. Sor- kar hmasa thil tihthat avangin India ram pumpuia pakhatna ni thei ani tih kha a Chiang hle a, nangni chu in sawidan takah thla sarh chauh in la Sorkar a, in tih thatah chuan a la kal hman em in ka ring lova, chuvangin, Sorkar thil tih thatte kha sawilang ve hram sela, a tha lawmni tih kha ka sawi duh a. Hei Education a kan pawisa dah dan hi kan ennawn tha ka ti.

Mizorama hi India ram pumpuia leh- kha thiam ber kan nihna chhawm nung tur chuan Education hi kan chawmthat a ngai niin ka hria. Tuna kan pawisa dah danah chuan kan Budget pumpui atanga 11.03% hi kan dah a. Plan ah phei chuan 5.65% chauh kan dah ani. Hetiang hi chuan Educa- tion hi a nung zo lovang tih ka ngaihtuah in ka hlau va. Chu- vangin, pawisa helamah hian he Sorkar hian in dah tam thei lawmni ? tih ka rawn sawi lang duh a. Tin, chulo a ka sawi leh duh chu Zirtirtute chungchang kan enkawl dan hi ani a. Hei Post-Graduate te, hlawh kan tihdante phei hi chu an khawngaihthlak lutukin ka hria. An hlawh ang tur pawh hlawh zo lovin kan siam a. Hmanni khan kan House Leader zahawm tak khanin Zirtirtute te a ko khawm a. Chuta a thusawi chu T.V ah khan ka lo ngaithla ve a. Zirtirtute kha in hak tur aww tawh kawr kan thui sak vek ang che u a ti a, mak ang reng hle in ka hria a. Tailoring thiam, puanthui thiam a lo ni aww a. Tiang anih chuanin Post-graduate ho chu an kawr hi an tawt deuh ani lawm ni ? hei eia thawl deuh hlek tur hak nuam deuh hlek tur intui sak hi a tul lawm ni ? ka rawn ti ani.

Tin, pakhat ka rawn sawi leh duh chu Pu Speaker, Cabinet thutlukna Class I - XII SCERT in curicular leh Text Book zawng zawng hi la vek rawh se in tiha hi ani. Hei hi a lehlamah chuan Curricular leh Text bu zawng zawng SCERT kut a awm si examination MBSE in a conduct leh si kha a inkalh deuhlek lo maw ? Hengte hi kan Sorkar hian in en tha thei ang em ? tih kha ka rawn sawi leh duh bawk a. Tin, chulo chu hei Board ah hian tunhnai khan kan Sorkar hian dan lo ang han ti ila, in ngai haw palh ang tih ka hlauva. L.D.C panga (5) leh Peon pahnih (2) Interview pawh awm miah lovin an han thunlut tawp mai a. Employment atanga koh pawh a awmlo, henghi chu Sorkar thianghlim duh chuanin, kan Minister zahawmtak hian a lo ensak thei ang em ? tih kha ka sawi duh bawk ani.

Tin, pu Speaker, Supplies Deptt. ah hian ka sawi duh chu Retailer population leh Mizoram census inthlau lutuk hi, Mizoram mipui hian kan tuar niin ka hria a. Census population-ah chuan Mizoramah Nuairuk leh sangriat leh zakua leh sawmsarih leh paruk (68976) kan awm ani. Mahse, retailer population ah chuan Nuai kua singthum leh sangkhat chuang kan awm ani. A inthlau lutuk a, chuvangin hrawk chuang hi Mizoram Sorkar hian kan chawm hnem lutuk ani lo maw ? Hetiang vang hian kan Sorkar hian pawisa a maktaduai telin kumtin hian kan seng ani lo maw ? Hengte hi he Sorkar chaktak kalphung tharah hi chuan a diktak hian rawn ti chhuak se tih kha kan han sawi leh duh a.

Tin, pu Speaker, point khat chauk ka sawi leh duh chu buhfai a tam em em an ti a, a tam e. Nimi ah Zuangtuiah pawh kan va kal a, buhfai chu a tam khawp mai, mahse, buhfai eitlak loh a tam lutuk niin ka hria. Hetianga buhfai chhe lutuk hi kan ei chuan Mizoram hi cancer leh OD vang nilovin, pul hri in kan thi zo vang tih hi a hlauhawm a lawmle ! pu Speaker, khawngaihtakin, he Minister in buhfai chhia zawng zawng hi thawn kir tir vek rawh. Buhfai tha in thleng rawhse. Chutilo chuan Zuangtui ami saw kan riltam chuan kan ei ang a, Mizoram mipui hi min that zo vang tih ka hlau ani. Ka lawm e.

S P E A K E R

: Sawitur kan awm tawh loh chuan wind up turin leh pass dil turin Pu F.Malsawma i lo sawm ang.

PU F.MALSAWMA

: Pu Speaker, kan Member te thu-sawi han ngaihthlak khan tha-hnangaihne a nasa hle in, mahr

enkawl lohte, mahni bial lote a lawmle ? ka bial a concern love ti a dah mai lovin, kan Sorkar pumpui thatna tur ngaihtuahna a nasa hle tih a hriat a, a lawmawm hle in ka hria. Point kha a in an deuh thum thum avangin a malte te a rawn rut chhoh kha a ngain ka hre lova. A hmasa berin, hemi Law & Judicial chungchang bik Administration of Justice Demand No. 4, chungchangah khan Pu Speaker, kan Member te hriat atan an sawilan awm taka ka rin, la sawilan loh pakhat, hemi seperation of Judiciary hi kan Sorkar rilru ah hian a awm hle a. Amaherawhchu, vawi leh khata tih phut tur khan tunhmaa an lo siam amendment te han siam lehte pawh kha High Court hian a lo la pawmfel loh avang hian, a mihringate kha duh ang hian anih ang takin kan la kal thei lova. Chutichung chuan, Member te hian kan sawiri vak lo naa, kan Sorkar hian hma la in High Court ah Chief Justice hnenah keimah ngeiin hmanni lawk pawh khan a mihringte rawn confirm thuai tur leh rawn pawm thuai turin nawrna ka thlen a, tiang chuan kan Sorkar-in hma a la mek ani tih kha kan hriat a tha in ka hria a.

Tin, tunhmaa iin High Court Bench hi, hemi Mizoram accord-a kan Sorkar MNF leh India Sorkar inremna thuthlung tihlawhtlin zelna tur hmanrua atan khan, tih chak kha kan Sorkarin hma a lak lai mek anih avangin, heihi sawilan ngai lovah kan ngai ani mai thei a. Pu Speaker, han sawilan ka duh zawk chu tunhmaa kan la neih ngai loh single bench ina an dispose/discase mai theih loh Division bench pawh kha tunah hian a function tan tawh a. Chu chu kan ramah Guwahati High Court a case tam tak la awm pawh kha rawn transfer vek a, helaia case dispose zung zung theihna tur kha chak takin Sorkarin hma a la in, kan mizote judge kan neih ve theih ngeina turin kan Sorkar hian hma a la bawk ani, tih hi ka'n tarlang hmasa duh zawk ani a.

Tin, Legal awareness system chungchangah khan han sawilan zawk a awm a, kha kha Sorkarin a hre em em a, tunah hian miretheite mi sangli aia tam hi a thlawnin ukil rawhsak anni tawh a. Chutah chuan, mirethei te hawi zawnga kalphung thar kan ti feh chawk bawk a, Sorkarin a hma a lakna ani a. Chu chu tunah hian District tinah a forum te siamin legal awareness pawh hi beihchhoh ani ani. Tin, mirethei te leh mipui hemi consumers te protection a hi chak zawka kalpui tum ani a. Hemi atan a hmalaknaah hian Sorkarin a ground work tunah chuan a chhawp chhuak zo thawkhat a. Hma chak takin a la chho mek a. Tin, Court building tul ang ang hi Sorkar in sak belh leh turin hma pawh a la chhova. Tin, kan Member zahawp pakhat in Tlabunga 1st Class Magistrate awmlo chungchang a sawi kha hei hi kan lo en anga, thil pawimawh tak ani a. Amarawhchu, pu Speaker, judicial mite nilo hnena 1st Class Magistrate power pek zung zung mai a hi ngaihtuah ngun deuhhleik a ngai tawhin kan hria a. A dan tak tak hrelo te hnena judicial power pek zung zung mai hi a tha ber ber em tih hi tunah chuan ngaihtuah ngun a ngai ta viauva. Chulalah chuan a engmah hi chu kan intiam theilo nain a awmhmun, a location vang erawh chuan a pawimawh hle tih kan rilru in kan lo vawng dawn nia.

\* Speech not corrected by Member.



Tin, Demand No. 30 na Information and Publicity chungchangah hian turah hian he Deptt. pawimawh na hi kha kan han ngaithla hlawma, a lawmawm hle in ka hria a. Tunhma hian a lar viau thina, hun engemaw atang khan Fund hi an lo pe chhe em em thin a Sorkarin. Department khawngaih-thlak takin an lo awm tawh a. Tunah hian chher nun leh tum mek ani a. Vehicle pahnih lei tura ruahman sa awm bakah hian tun kan Budget ah hian vehicle pali lei tura ruahman a ni a.

Tin, internet leh E mail system facility a pawh hi kar leh emaw leh pek lawkah emaw chuan install theih beisei tawh ani a. Chu chu kan Sorkar ina an thuamchhohna rah han lang hmasa tur zing ami pawimawh ani. Tin, kan Chief Minister zahawm tak News-paper a a thilsawi te leh a Statement te lang tam zawk duhna kawngah khan Deptt. chuan theih ang tawkin hma a la a. Tah hian Press Officer kan Officer zinga senior leh efficient, Chief Minister pawhin a establishment a awmtur a duh, ama thlan ngei kan dah a. Tiang ang chuan theih ang tawkin hma kan la a. Amaherawhchu, a headline an chan loh changte hi chu M.J.A leh a news paper neitu Editor te kut kha ani ve tawh a. Kan va thunun theihna lai chu a awm ve ang a, chulaia chu a pawimawh ang a. Eng-pawnise tan kan lo la zui zel ang a.

Tin, pu Speaker, kan information atan information service rules kan la neihtheih ngai loh tunhma atanga an lo vei thin a kha, a Deptt. lam atang chuan kan siam zawhsak tawh a. D.P.&A.R leh Finance Deptt. lamahte a tlang chhoh chuan G.A.D lamahte heihi kan neih theih thuai kan beisei tawh a. Tin, kan Sorkar hnu hian Accredited Journalist hi engemaw zat tunah hian pek belh leh tawh an ni a. Tunhma atanga an lo beisei ve kumkhua accredited journalist tena, an zin nikhua a Mizoram Circuit House hrang hrangah Mizoram pawnahte ram chhungah te on-duty ang a thlen ve theih an lo beisei, amaherawhchu, an la hlawhtlin theih ngai loh kha kan Chief Minister thahnem ngaihna in heihi tih hlawhtlin sak anni tawh a. Order pawh chhuah ani tawh ani.

Tin, chutiang chuan periodical ho pawh hi Advertisement pek ngailoh annih thu te kan hre thin a. Chung pawh chu a theih dan kawng zawngin kan ti mek a. Advertisement chungchangah pawh khan Sorkar hmasa hun tawplam pangah khan a rate tihsan tura M.J.A in a nawrna kha October thla khan tangka lam harsatna avangin turndown ani a. Amaherawhchu, tun Sorkar tharah hian chu chu ennawn in tihsan sak tumin tunah hian ennawn in a awm mek a. Tin, Mizo Film te, Local ahte, Doordharsan ahte ram pawnahte kan Mizoram tih lansarh vena tur leh Publicity tha zawk pe tura Film a serial ang chi a tihchhuahte pawh hi kum tharah chuan tih tum ani a. Tichuan, kan Member ten in vei zawng tam takte kha han sawilan vek ngaihah ka ruat lova. Chung chu Information leh Administration of Justice chungchangah hian kan han sawilan theih ni mai sela.

Pu Speaker, kan Budget hi a enkawltu tluk thuakin thahnem in ngai a, in hre tho bawk a, A tul leh tlakchham laite in hre em em tho a. Thahnem min ngaihpuinaah mehni ta bik pawh nilo mahse kan ram tana thahnem kan ngaih tlannaah lawmthu ka han sawi duh a. Tichuan, kan hriat ang khan Educational Development Index Planning Commission in number one position min pek kha a dik khawp mai. Opposition group ina hengahte hian chuan credit min pe ve ula tih kha a dik khawp mai a, a uihawm loh khawp mai. Amaherawhchu, heng zawng zawng hi hman atanga kalchho zel Nu leh Pa leh Zoram pumpuiin Opposition tute emaw awmlai emaw a then awm lai emaw, a then ruling lai emaw a vai vawmkem a, Mizo hnam pum-puiina thahnem kan ngaihna leh, Pathian malsawmna kan dawnna niin ka hria a. Zoram mipui hnenah leh a thawktute Deptt. a mite hi Politics khel burahste tam takin kan hmang thinin, sawisel tnin mahselangin, zirtirtute leh a thawktu te chungah hian helaia Ram hruaitute hian lawmthu sawi kan ba in ka hria a.

Tin, a literacy ah pawh hian pu Speaker, tunah chuan 95% kan lo chhuak ta a. Heihi thil vanneih thlak tak a niin ka hria a. Tunah chuan khawvel ram changkang Europe ram thenkhatte pawh kan khum ve ta hial ani. Chutiang ang chu kan lo thlen chhoh tak avangin Mizoram pum-pui kan lawm tur niin ka hria a.

Tin, kan Sorkarina Member zahawm tak tak tena in han sawilan loh zing. ami kan hriat atana tha a chu free uniform leh free school Text Book tih a kha, kan manifesto ami ang kha theih ang tawk tawkin sum leh pai neih theih ang tawk tawkin tih tan chhoh zel kan tum a. Tunah hian a bithliah pawh harsa kan ti rih a. A chhan chu Peace Bonus kan tihte leh BMS te leh tangka lo kal belh zel atangin heng hi a theih ang angin kan ruahman chhova. Nikum khan a vaiin belkhawm phei chuan Rs. 10,000/- chuang kan pe tawh a. Kuminah hian engzatnge kan pek belh theih dawn, a aia tam kan duhin kan chak hle a. Hemi lama hi kan han sawilan loh zing ami, miretheite lam hawi zawng a, kan joint manifesto ruling party ina kan tih ate kha, theih ang angin sum awmlo chung chung pawh hian Deptt. chuan hma a la chhovin a bawhchho zel ani.

Tin, Hindi chungchangah khan hmannah zawhna kan chai hrep tawh avangin, sawi nawn tawh lo mai ila. Kha kha chu a eng lampang lam hmu mek zel a, Central Sorkar chuan hemi plan chhawng engngemaw zat thleng phei hi chu an mahniin a min tumsak an huam thu verbal phei chuan kan dawng a. Mahse ziaka kan la dawnloh avangin tunah posting kan la ti mai thei lova. Tuna neilo tam ber khan in enghelh em em a. Exam ah compulsory ani si a, M/S ah tihte kha, heng hi thuneitu leh Examination lama kan hotute nen kan lo en anga. An neihlo mai bik avanga fail chu kan phal tur niin ka hre lova. Mahse, an neih hnu pawha zir tha duhlo annih erawh chuan an mawhpurh ani ve thung ang chu.

Zirna atang hian kan ram siamthat kan tum a. Thangthar siam kan tum a. Thiamna ringawt nilo, mihring puitling, kawm'karahte a drugs ngawl vei a, tlu a, thi-sawn mai mai tur ni tawh lova, human development tak tak siam-chhuah tumin kawng hrang hrangin, zirtirtu ten naupang an hrilh tur, a guide books te simain hmalak chhoh kan tum mek ani.

Pu Speaker, thil thar pakhat chuan MBSE ten kum danga la awm ngailo, pawl 12, compartmental a an exam thin, kum danga exam pui rual a a kum leh a an tih thin kha, kumin anga supplement Matric a supplement a exam te ang bawh khan departmental exam hi kumin vekah an exam a. Tichuan, 1st year BA or degree course zawm leh hman turin kuminah hian thil thar tiin, examination an buatsaih leh nghal a. Tin, Educational Act hi buatsaih peih vek tawh ani a. Mahse, Education hi concurrent list a dah anih tak avangin Home Ministry in guideline a siam angin Govt. of India ah refer phawt a ngai a. Tunah hian thawn ani tawh a, nilose chuan tunah hian a Act-a hi introduce tura peih vek tawh ani a. Chuta tang chuan ani transfer leh posting rules te pawh lo siam dawn ila, a Act bera kha a siamna tura kha kan la peih theih siloh avangin, a la immun rih avangin duh angin a la insi chhuak thei lova. Khang kha kan rilru-ah a awmsa ve ani e tih kha hria ila.

Tin, kan Member tam ber tena Zokhaw lam/Thingtlang lam bialtu tena insawi zirtirtu laka a khawmi duhsak tih kha kan tum dan ani a. Kan Chief Minister pawhin hetah hi chuan nghet taka ding turin Deptt. pawh minrawn a. Chung ang kan lak a, khawpui lam amiin kan lo chan deuhhleik anih pawhin khawpui lam ami ten kan hriatthiam ve a ngai ang chu.

Tichuan, pu Speaker, District Council chungchang bikah hian meeting ko turin an rawn ngen a, meeting kan ko ang a, khang kha kan take up ang kan ti a. District Council te hi. Thenkhat, entirnan, Mara District Council ah chuan Mizo School te kha a lo awm ve a; awm ve ngaite pawh a awm reng a. English Medium in an lut tan deuh vek a, District Council ami hote, khang pawh kha tlema en pui deuh loh pheih chuan a pawng a puia a tir atanga English Medium a han luh duai mai a kha mother tongue ah khan a Chiang tel bawh silova, a engah mah tawngthiam tha tak tak mang si lova, a kal kha a fel tawh lo thei a. Amaherawhchu, side by side in English nen khan kal sela tihte, Hindi hi chu Planning Commission in ngun taka an ngaihtuahin Primary ah hi chuan ti lomai rawh u, a rit lutuk ange an ti a. Chuvang chuan Middle School Stage atanga kalpui ani a, mahni awmna ram State tawng thiam hi chu Sorkar hna zawnah pawh Class VI standard tal kha an thiam tur ani tih anih avang hian kan Chawngte bialtu zahawm takina a rawt a kha midangah pawh a pawimawhin ka hria a. Chulai chu Meeting kova, District Council CEM leh an E.M i/c Education te nena

Meeting nei turin, Conference ko tura minrawn ngen angin remchang hmasa ah Meeting kan ko anga, kan lo sawiho dawn nia.

Tin, Public Exam chungchangte pawh hi ngun taka sawiho tawh ani a, Class 8 ah Exam a tha lawm ni han tihte pawh kha a lehlamah High School ah Class 8 hi a bet ting si a. Middle School ah hian Public Exam pakhat mah a awm dawn lova. Middle School zirtirtu leh naupang kha an inthlahdah tluan zak mai ang tihte pawh kha a lo hlauhawm ve thei a. Tin, SCERT in Exam te hi conduct vek maise tihte pawh kha, kha pawh kha Elementary chin chauh hi curriculum development hi an chan ani a, High School lampang kha an khawih tel tur ani lova, Deptt. khat theuh hi chu a remchang leh tha ber tur anga ngaihtuah tur ani. Tin, hemi Contributory Provident Fund kan han tih ang chi Member zahawm tak ten an han sawi lan ang kha Sorkar lamah hi chuan Rs. 5,00,000/- zet Budget ah kan dah a, amaherawhchu, Managing Board lam khan anrawn contribute thin lova, chung avang chuan vawin thleng hian anih tur anga la kalpui theih a la ni lova. Engpawhnise, kan hmalakna tur, kan enpui ngai anni tih kha hria ilangin.

Tin, kan kalphung thar leh kan zir dana hi chu kan sawi vek seng lovang a, chulam chu ka repeat tawh lovang. Member thenkhatin Pre-School System hi tan leh te pawh a tha lawm ni kum 6 atanga Class I a han kal mai hi naupang a hmalam hi an blind lutuk e tih hi. Social Welfare te nena heihi Co-ordination neiha kal a tha kan tih viau rualin vawihnih Meeting koh ani tawh a, Education Secretary in vawihnih a ko hlawhchham tawh a. Tunah hian Primary School ah hian Pre-School Class 1 hi behtirin sap hla kan tihte, English a A,B,C te a ziak lam ain a tawnglam bengte, mithmuhte a zaizira English Medium Schoola an tih ang zawng zawng kha a bulah tanpui ve vekin mother tongue kan Mizo tawng nen hian a bul kan tantir dawn a, chutiang ang chuan kan ramah hian mi rethei te tana sap Schoola kalve theilote tana rual awna awm lova fel taka kal theihthuai kan in beisei ani.

Tin, Mathematics a vanga in drop out awm thin chungchang hi tunah hian nguntaka kan ngaihtuah mek lai ani a, a engnge tha ber ang tih hi Open School te lehlamah chuan a lo awmve ta a, khang ang kha kan kalpui tawh atangin kan kal zel ang nge a aiawh Assam hunlaia mi ang khan kan ti ang tihte ngaihtuahna a awm a, chu chu active taka Department in a ngaihtuah lai ani a.

Tin, W.E kan tih chi ho chi kan sawi ang khan a practicable lo em em mai a, tuna kan awmdan ah chuan, Mistiri bungrua leh engmah kan pe thei silova, Craft-teacher kan nei ringawt a, naupang in exam na atana hman tura kha chu an School kalna a changkan deuh leh nu leh pa min thingsang deuh ani mai a, heihi chu sawi ho ani tawh a, churang chuan zawi zawin post hi kan siambelh ta lo hrim hrim mai a, engtia kalpui tur nge ni ang ? tih hi vocational

employment kan tih zawk hi nakina thlakna atana hman tum ani a. Hei hi NEP ah leh Govt. of India ah thlen tawh ani a. Sorkar hna a harsat tawh em avangin Pawl XI & XII ah hian mehni intungnung thei tur zawngin, an zawh hnu a degree chhonzawm leh, thei tur baw si khan vocational education hi Pawl XI & XII ah kalpui kan tuma. Central Sorkar nen pawh indawrin anmah ni nen pawh Bhopal atangte, an hmunpui atangte in kan chah chhuak tawh a, helai ah hian thui tak kal ani tawh ani. Tichuan tunah hian School dinhmun inthlau zung mai, IV grade pahni pakhat nei tihte pawh hi sum lam harsatna avangin Sorkar hmasa in a lo kalpui tawh, kalphung thar nge kan tih ang, kalphung thar nge a hlui pawh ka hre lo, khami ang chhonzawmna kha a la awm rih a, chuvangin, hengte pawh hi sum leh pai dinhmun that chhoh dan a zirin kan enfel ngai ani a. Chowkidar neilo ringawt mai a School an awm chuan tunlai rukru an tam ve em em mai baw si a, a harsa hle a. Chuvang chuan Peon ten an kawp ta a. Hengte pawh hi kan Fund dinhmun a zira la tihthat leh ngai tur zing ami chu ani tih kha hria ila. Tin, Inspection pawh kha kan han ngaihthlak hote pawh kha a kalphung thar baw duan vek tawh a ni a, tunah hian pawmfel a ni nghe nghe tawh a. Chumi zui chuan a Proforma thar nen a Inspection hi uluk zawk a kalpui tum a ni.

Tin, Private School ho, Sorkar-a dah chungchangah khan, nichinah a percentage lam khan Pu Speaker, kan hria a, a harsa khawp mai a. Tichung chung hian High School tlem a zawng chu Grand-in-aid-ah dahluh turin tunah hian ruahman mek a nia. Middle School chu 18, hmanni lawk khan Grand-in-aid-ah dahluh a ni tawh a. High School bik hi, Pu Speaker, kan sawi duh chu Secondary atan hian tangka hi a lo tlem em em mai a. Chuvangin, Sorkar hmasa khan an mangang lutuk khan School 100 vel bawrah khan Private High School, Thingtlang a mite leh khawpui a mite pawh ani ang lumpsum grant an ti a, Rs. 10,000 den denin an pe a. An thaw huai a, chu chu kalphung tharah chuan Rs. 10,000 tal hi a let sawmin puntir ila, nuai khat theuh tal chu pek kan tum ani. Chu chu niminah kan Chief Minister zahawm takin a puang a ni.

Tichuan, hemi kan harsatna neuh neuh dangte kan han ngaihthlak, Bank-a pawisa leh hlawh lak tih te pawh kha anmahni Zirtirtute duh dan dan hi kan kal dan ani mai a, a thenin ration lekna tura Retailer ten Bank-a pawisa an dah loh chuan hlawh lak tur kan nei lo, hei hi min tih tawp sak ru, an rawn ti a. Tih tawp sak thu kan han sawi chuan a thenin Scooter Loan kan lo la tawh a, a tangka lutuk personal loan te kan la a, an rawn ti leh baw a. Chuvangin, a chhangchhe Deptt. deuh kan nih avang hian Pafa Sabangtung zawn ang deuh in hei hi a tha zawk, thalo zawk tih hi a awm zung zung a. Engpawh nisela kan hotute kan Zirtirtute leh a nawhpurta te tha tihden ang ber kha kan kaldan tur a ni a. Keinin duhdan kan nei chuenglo, tichuan, Sorkar hmasa in a anlo tih tawh zawng zawng a tha lai te kan chhonzawm ang a, a thalo lai te kha kan pah ang a.

PU K. T. ROKHAW

: Pu Speaker, thil han zawh lawk ka duh a. Hemi ..... lumpsum grant term hmasa a an pek tawh tuna pek leh tur tih kha an pek

tawhte chhunzawm ani dawn emni ?

PU F. MALSAWMA  
MINISTER

: Pu Speaker, Rs. 10,000/- khan an lo pe hlawm a, School thenkhat kha cheng singkhat an lo peknaah khan harsa teh mah ila Nuai khat

chauh tal chu i pe teh ang kan ti a, a mamawh zuala te kha kan ti ani. Tichuan pu Speaker, i phalna in ka Demand te : -

Demand No. 1 Legislative Assembly - Rs. 3,19,00,000/-

Demand No. 4 Administration of Justice - Rs. 2,68,27,000/-

Demand No. 12 Parliamentary Affairs - Rs. 17,55,000/-

Demand No. 22 School Education - Rs. 1,00,19,86,000/-

Demand No. 30 Information & Publicity - Rs. 2,28,75,000/-

A vaim - Rs. 1,08,53,43,000/- hi min pawmsak turin ka ngen e.

S P E A K E R

: Aw le, Pu F. Malsawma, Minister in a Department chante Demands Rs. 1,08,53,43,000/- he House hi pawmpui turin a rawn dil a.

A remti a piangin remti ti ula, remti lo apiangin remti lo kan ti ang. A remti apiangin remti ti rawh ule. A lawmawm hle mai. Lungrual takin he House in Pu F. Malsawma Demands Rs. 1,08,53,43,000 hi a pawmpui ani.

PU AICHHINGA  
MINISTER

: Pu Speaker, vawin niah ka Demands te kan Member ten engemaw chan an sawi ho hnu-in wind up tura min koh avangin

ka lawm a. Tun tum kan Budget Demand sawikhawm hi General discussion ang deuh vekin kan sawi a, a bu chhung hemi kan Budget chhungah tumah lut mumal kan awm lova, Pu Thangzuala leh Pu Lalthan Kunga khan tlem tlem an rawn tarlang a, a bak kha chu Department Administration lamah kan tlanzo deuh vekin ka hria a. Chuvangin, a Budget kan hriat chian hi a tul hle in ka hre zawk a. Kan Deptt. Budget ah hian Food

and Civil Supplies Deptt. Demand 16-na hian Head 3 ah a in-then a. Head 3 ah hian a break-up chi hrang hrang a rawn la chhuak leh a. A chhungah hian hriatthiam loh tur vak awmlo mahsela, buhfai leina tur chite, kan MLA zahawmtak, Saiha bialtu khan a pung hluai ate kha a han ti a. Kan buhfai leina man hi a san tak tlat avangin hemi hi a san loh chuan kan lei thei dawnlo tlat ani. Chuvangin, buhfai leina tur hi tihsan a ngai ani.

Tin, a phurhna atan Nuai 1,400 lai awm a kha, khangte pawh kha FCI atanga reimburse leh tur anih avangin, kan Finance Deptt. lam pawh an thil phal a, khati zat kha min dahsak a. Chu chu kan contractor te hnenah an buhfai phurh man kan la pek thuai thuai theih nan ruahman ani a. Tin, khami pialamah khan Rural Godown-ah kan pekna tur, a phurhna tur bill pekna tur kha Cheng Vaibelchhe 660 lai a awm a. Hengte pawh hi a tlangpuia nikum lam nen a tehin, tlemin khalaiah khan min dahhniam sak hretna a, nakum ah chuan hemi R.E lokal turah te pekbelh leh turah kan in-ngai a, chumi piah lamah chuan kan leiba tunah pawh kan han sawifo ate kha kan rul chawp zel bawk a. Chumi piah lamah a pumpui vaibelchhe 6 leh Nuai 10 lai kan ba a kha rulh theihna turin tunah hian Eleventh Finance Commission ah dil mek ani a. Chu chu kan hmuh ngei pawh kan inbeisei a. Chuvangin, kum 1994 atanga kan leiba lo in chhawng tawh a kha a khawn thui tawh khawp a, khami pawh kha rulh theih kan inbeisei hle a. Supply lam hi han thlur deuh hlek bik ila, hetah hian a tlang-puia Supply Deptt. he hunthara kan kaldan tur ruahman thil tamtak a awm a. Nichinah khan Kudam atanga retail shop thleng a, a dik theih lohzia leh kan bukrate pawh a dik loh zia eng-kim kan hotuten inhre tlang hle a, keini pawhin kan hria a, kan vei em em a, chungte chu siamthat anih theihna turin Supply Deptt. hi a bul atanga simthat tulna tam tak a awm a, chumi tur chuan kan Officer ten tunah hian tan an la mek zel a ni a, chutah chuan kan kalphung tura hi ruahmanna eng eng emaw kan nei a, chu chuan in sawitam ber kha a chhang nghal deuh vekin ka hria a, chu chu a tlangpuin han sawi ka duh a. Supply Deptt. hi hei ka awm ve hnu ah hian kan Officer te leh DCSO te ka zawt a, kan Minister lo awm tawhte chuan an Office pawh hi an lo la tlawh sak mang hauh lo hi a ni tih thute min hrih a. Minister dawhkan atangin an lo enpui deuh ber tlangpuia a, a hmunah an hmuhpui vek lova.

Chuvang chuan thil siamthat ngai thil fel zawka kalpuina tur tamtak ngaihtuah ngai a awm a, chutah chuan tuna kan kalphung pangngai anga kan buhfai phurh-te a lo dik zawk theih nan leh kan buhfai kalsual thinte an kal sual loh nan tiin in puahchahna chi tam tek kan nei a. Tunah PDC 12 kan nei a, chutah chuan a theih hram chuan weight bridge hi dah vek nisela tih ruahmanna kan nei a. Tin, W/T set neih ni bawk sela kan ti a, chu chu min phalsak tawh a Central lam pawhin. W/T set kan neih chuan Silchar atangin emaw, Ramanagar atangin emaw khawi atang pawha buhfai lo kal

kha a destination nen kan inhrilh vek thei tawh anga, a thlen hun tur nen. Tatang chuan kan buhfai challathlawk thinte pawh kha a bo turah kan ngai a.

Tin, chumi piah lamah chuan kan Godown te hi a chhe nasa em em a, an sak dan hi a scientific lo bawk a. F.C.I ho sak dan anga scientific zawka Kudam sak hi tunah hian kan ruahman chho mek ani a. Tin, chumi piah lamah chuan kan Organization hrim hrim pawh hi siamthat a ngaiin kan hria a, nichina kan ngaihthlak tawh ang khan Inspector-te store ah an thu a, Storekeeper te an awl zawlel a tih ang chite pawh kha a bo theihna turin Inspector te chuan Circle nei sela, Store-keeper te store ah awm sela.

Tin, Storekeeper ten an sale proceed te pawh an theihluh zung zung theihna turin a lamtu tur, a ngaihtuahtu tur bik, khami lam chhuak tura kha siam ni sela tiin kan ruahman ani. Chutiang chuan kan Organisation pawh tlem tlema tih danglam a tulin kan hria a. Chungte chu tunah hian kan kalpui mek a. Chu chuan kan problem tam ber tuna Kudam puia buk diklo tihte, tin, ration shop a a buk diklo tih zawng zawng a pawh kha a bullam atanga a dik kha chuan a dik chho thei mai ang tih kan ring a. Tunah rih chuan a bullamah a dik tlat rih loh avangin ration dawrah khan a dik beisei ngawt hleihtheih ani bik lova.

Tin, chumi rual chuan hei kan retailer te an buhfai an phurhna rate a hi a hniam lutuk tawh avangin chawisa in buhfai hi an la ani deuh vek a. Chuvang chuan, tunah hian Deptt. in an rate tura hi siamthar mek a. Chu pawh chu hman theih thuai kan inbeiseia. Tin, chumi rual chuan PDC kan tihte pawh kha hei BPL kan tih hi R.D Deptt. leh LAD Deptt. te hian Ruralah leh hemi Urban ah hian an hmang tawh ang reng a. Amaherawhchu, hemi siamchhuaktu tura hi G.A.D anih avangin G.A.D in a list min pek hma chu B.P.L ang hian buhfai kan pe ngawt thei lova. Keimah nin kan siam ve ngawt anih loh chuan. Chuvangin, GAD ah hian kan nawrsak a tunhnaiah pawh hian. An rawn tih thuai kan beisei a, reilo teah heng ang hi a dawngtu tur dik tak tena man chanve a buhfai an dawn theih hi kan beisei ani.

Tin, nichineh khan buhfai chhia te kha kan Tuipang bialtu khan Speaker hnenah a han pe a. Nimin lameh khan Zuangtui Kudam lamahte an lova kal a, tin, chhuata buhfai hmuar tih ang rengte an phiat khawm a, an la khawm ani tih report ka hmu a. Amaherawhchu, a enga pawh chu nisela, buhfai chhia kha keini pawhin alo thleng a kha pawh kan tih teh lul nen, an nin buhfai chhia an lo lawm viau niam tak ani a. Buhfai chhia an lawm tak tak anih chuan an bial lamahte pawh kan la thawn zel ang chu. Engpawh nise pu Speaker, kan Officer te pawh hian an phiah khawmlaite pawh an hmu a, Godown ante pawh kan kal fova. Buhfai chhia lo thleng thin hrim hrim a hi pawh kan ti ani. Tunah hian buhfai chhia hi awmlo se kan duhthusam ani.



Tin, khatiang lutuk a chhia kha mipuih khawilalahmah sem ani lo tih kan hria a. Chuvang chuan khatiang ang kha a awm tawh lohna turin theihtawpin tan kan la mek zel ani. ( K.T.ROKHAW..... Tuipang bial a thawn tur tih zawng khan a sawiin ka hria a, khatiang khan chuan sawi lose a the ang. A tha Tuipang bialah chuan rawn thawn rawh se, hetianga chhia hi chu thawnkir vat rawhse kan ti ani. ) Awle, in duhve anih chuan a tha vek thawn chu kan tum tho alawm. Amaherawhchu, a chhia kha in zawng nasa'em a, nu pakhat pawh Bazarah a kal a, sangha rep a dawr a, a hnim a hnim a, tichuan a zuartu-pakhan a hau ta a. Khatianga i hnim i hnim chuan nang pawh hnim hnim che ila rimchhe lai chu i awm tho ang a ti a. Zawn zawn takah chuan a chhia chu a awm teuh ang.

PU NIRUPAM CHAKMA

: Pu Speaker, zawh ka duh chu MLA te min pek pawh dik tak chuan a tha vaklo ani. A tha vaklo ani.

PU AICHHINGA  
MINISTER

: Pu Speaker, a tha vaklo a awm ani tihte kan lo hria a. Hei hi chu URS an ti a. Heihi FCI khuan Central Sorkar atangin buhfai

thalo State tina 10% vel thawn tel ani tih thu an rawn thawn tel ani tih thu kan hria a. Engpawh nise keini chuan kan object tho a, buhfai chhia hi chu min thawnlo rawh u, a thleng tam tawh a, a chhia hi min thawn tam lutukin kan hria a, kan ti a. Tunah pawh hian kan bei mek ani. Kan hotute thu han sawiah khan ngaih pawimawh zual awm deuh deuh tlem a awmin ka hria a. A vei vai chuan kan sawi seng lo ang a. Carrying Bill bat rulh thuai kan tum thute ka sawi tawh a.

Tin, buhfai Kudam sak belh zel thu-ah khan ka sawi tawh ang khan Scientific deuhhleka chhunzawm zel theihte kan tum a. Heta tan hian nichin khan helaia buhfai Kudam sakna head hi a awm silova tihlaia kha tunah hian a lo inziak sual palh tlemte a awm a. A chung zawka ziah tur kha a hnuaia zawka an lo ziah avangin kha kha awmlo emaw kan ti a. Heihi a awm a. Rural Godown ah khan Nuai 46 dah ani a. Tin, chumi bakah chuan minimum need hnuaiah khan Finance Deptt. atangin Vaibelchhe 2 1/2 pek belh kan ni a. Hetah hian a lang lova. Chungte pawh chu Rural Godown sakna tur atan leh quarter sakna tur atana ruahman ani. Chutiang ang chuan tunah pawh hian chutiang ang hrim hrim atan chuan Central ah Fund dil mek engemaw zat kan la nei a. Chungte pawh chu kan hlawhtlin kan ring a. Kan Kudamte hi a dik takin a hmanlai tawh a. U.T hunlaia sak chhe tak tak a chhuata hemi tarfelt han phah pawh a phah hul hleihtheih

tawh loh khawpa chhiate pawh anih hlawm avangin sakthat ngai deuhvek ani a. Chumi atan chuan tunah hian kan inbuatsaih mek bawh ani.

Tin, chubak chuan nichina helaia load buhfai ziahbo theih ang deuhhleka a head a lo lang Storage Godown N.E tiha Nuai 30 lai lo lang a kha a awmia a chu kan hrilhfiah deuh hlek duh a. Hemi kan buhfai chhezal tur humhimna tur atana Tarfelt an phah thin leinan a humhimna tur zawk leina tur atana dah ani tih kan sawifiah tel duh bawh ani. Chu chu Supply Deptt. lamah chuan nise.

Tin, Tlabunga DCSO order chungchang kha helamah engmah hriatna kan nei lova. Amaherawhchu, kan rindan mai erawh chuan khalaiah khan kan retailer ten harsatna a siam emaw, an neihpalh emaw, buhfai a la theilo emaw anih avangin mipuiin buhfai an ngheilohna turin DCSO hian an harsat zuala an buhfai lakna tur a kawhmuh na mai anih kan ring a, reiloteah retailer pangngai dawr atangin buhfai an lak theih thuan kan ring ani. Heihi chu kan lo zawtfiah anga, a awmdan hriat ka lo tum ang.

Tin, Vaseitlang lamah buhfai a awm loh thu kha, khang hmulo khuate kha headload vek a la ani a, motor a thlang thei lova, a mipuiin an phurh tam leh a tam ani mai. an phurh siloh chuan khawi atang mahin a awm thei lova, pek dan dang a awm thei lo ani. Chuvang chuan, a mipui ten tunhma zawng zawng pawhin motor thlen theihlohna hmunte anih avangin headload vekin buhfai an la a, chuvangin, tunah pawh anmahni an harsat avangin an phur thei lo ni maiah kan ringa. A buhfai dah thinna hmun Godown ah chuan buhfai a awm ani tih chu kan hria ani.

Tin, retailer Census leh census Deptt. census a inmil lova, tih laia kha nichin khan kan han ngaitla a, dik tak chuan hemi census hi 1991 kum 10 lai kal tawh census ah khan mihring Nuai 6 vel awm ania. Kum 10 dawn lai tawh ah chuan Nuai engemaw zat kan pung tawh ang, tih chu pakla hisap pawhin a hriat theih mai ani.

Tichuan, nikum lamah khan Sorkar hmasa term tawp dawn tepkhan, Retailer card Nuai 11 leh sing 1 awm angin C.M in House ah a report a. Mahse Retailer ah chuan, tunah chuan Pu Zakhua'n a rawn ziak ngei ah mi Nuai 8 vel khan a rawn ziak a. Hei hi theihtawp in kan bei zel a. Card dik lo leh card tam lutuk a Ration lak hi a bo theihna turin kan Officer ten theihtawpin tan an la mek a. Kan hmuchhuak teuh tawh a, hmuchhuah zel pawh kan beisei a. Tin, buhfai tuna Kg 3 anga sem anih hnu pheih hi chuan miten buhfai an mamawh tam hle tawh lova. Chuvangin, Ration Card chuang neih pawh hi an hralhto theih chuan si tawh loh avangin tul an ti vak tawh lova, a dik a kalpui hi kan Retailer te pawhin a hlawk zawk e an ti te niin ka hria a. Chuvangin, helai hi chu zawi zawiin kan tidik chho tawl tawl ang tih kan beisei ani. Chu chu Supply Deptt. lamah chuan kan sawi tur tlangpui nita sela.

Demand No. 34 Social Security Welfare No. 34-ah khan keini Department ina kan chanchin chu (thil chi hrang hrang dahkhawm a ni a). A Budget bu pek 304 na in ken chuan Relief and Rehabilitation hnuasia awm chin chu direction tih te, Rehabilitation for HPC returnees tih te, evacuation of population tih leh Ex-gratia tih te kha a ni a. A pumpuiah khan vaibelchhe 1 leh nuai 60 kha a amount a ni a. Khamiah khan keinin kan chan chin chu nuai 70 chauh a ni a. Khami ah pheih kha chuan hnathawhna lam tehchiam a awm lo a. Hnathawktute hlawh siamna leh thil tlem te te token a dah ang chauh khan an lang hlawm a.

Demand No. 35 Relief an account of natural calamities tih kha a lolang leh a. Demand No. 35 na ah khan Relief Fund lam kha chu a lolang ta thung a. Chu chu Relief on Account of Natural Calamities Cyclone, gratuity relief tih kha a ni a. Takhan Vaiblechhe 1 leh nuai 40 a awm a. Tin, a hnuasiah khan other charges ah khan nuaih 7 a awm bawk a, a vaim nuaih 147 kha a ni a, hemi thu ah hian kan sawi duh a chu hemi relief chungchang thu hi, kan hotu ten inrawn sawi lan hlawm ang khan in he relief fund hi a tlem ang reng hle a, nikum a kan relief fund atanga hmi Silpouline kan leina ringawt a pawh hi tunah hian leiba nuaih 80 lai kan la nei chungin chumi ah chuan nuaih 140 chauh a hi rawn dah a ni ta a. Kan ba rul vek pheih ila chu, nuaih 50 awrh a kha kan nei chu a ni mai a. Mahse, kan mamawh dan ang zelin kan leiba chu kan rul tho ang a, amaherawhchu, kumina kan harsatna lo thleng thei in venna atan kawng chi hrang hrengin tunah hian hman tawh a ni a, khunglai Hunther veng lei hniamah te pawh khan engemaw zat chu kan han hmang tawh a. Tin, hmanni a kan Police Officer thi te ralna atan te pawh khan kan han hmang tawh a. Tin, chumi piah lamah chuan engemaw zat Silpouline emergency atana mamawh thilah kan lei tawh bawk a. Chuvangin tuna kan fund te pawh hi kan hmang nual tawh a ni. Tunah chuan kan rate a chu nikuma an lei kha GSN No. 90 a a lei a. Chu chu a rate Rs.1140/- a ni a. Kumin ah chuan kan mamawhna, hemi leimin tur han khuhna mai a nih avangin GSN 70 pawh hian kan mamawh hi a phuhru in kan hria a, chu chu lei ta ila, kan ti a, tunah kan rate ah chuan 725 in kan fixed ta a ni.

Tin, hemi ah hian a chhang hniam ber Rs. 580/- vel a kha kan han offer a, mahse, an lo supply thei ta lova. Chuvangin Company rate atanga kan chhut in a pek theihna hniam ber niawm a kan hriat Rs. 725/- in rate kan fixed ta a, chu chuan supply tir kan tum ta a ni. Tin, kan tum dan chuan keimahni in Minister dawhkan atanga sem ni lova, D.C. zawng zawng te hnenah pek nise, tin engemaw zat chu kan MLA ten an biel chhunga an mamawh thut atan sem ve theih nan tlem a zawng chu kawltir kan tum a ni. Chutiang ang chuan kalpui kan tum a ni. Chu chu Relief(... tunhnaia khawkheng tanpui nan engzat nge in sen ral) Awle, khawkheng tanpuiina Prime Minister Fund min pek atangin Rs. vaibelchhe 20 lai kan hmu a, nimahsela, khami atang khan tunah hian a pawimawh zual vaibelchhe khat leh a chanve vel a kha ruahmanna siama ni a. Chu chu kan mamawh dan angin an lo hman lewk atan ruahman a ni. Kha kha chu hman lo engemaw zat a la awm a ni. Relief lamah chuan kha kha ni ta sela.

Demand 53-na ah khan han sawi leh ka duh a. Other General Economic Services tih a ni a. Hemi ah hian Head thumin a awm a, chutah chuan Regulation of Wight and Measure tih leh Trade and Commerce, Regulation of Firm and Society tih a awm a, chutah chuan Nuaih nga a awm a. Chumi chu keini Department chan anilo veleh a, Department dang chan a lo ni veleh a. Chutiang ang chuan hemi chhungah pawh hian keini chan ang hi chu regulation of Weight and Measure leh Trade and Commerce hi a ni mai a. Hetah hian han sawi duh ka neih chu hemi Wight and Measure kan tih mai hi keini chuan Legal Metrology tiin kan lam mah mah a. Hemi Legal metrology hi mi tam takin a tangkaizia leh pawimawhzia hi kan hre tawk lo hle in ka hria a.

Tin, kan Sorkar hmasa lamah te pawh khan an lo hmang tangkai lem lo deuh hlein ka hria a. Ka dem lam thu pawh ni lovin. Theihngih Department ah an tang a. Tun thleng hian Department te tak te angin an kal chho a, an tangkai dan chu hei consumer protection a hman-raw tha ber an ni a. Kan vai hian mihring zawng zawng hi consumer kan ni a. Chumi te min protect tur chuan an ni hi hman-raw tha ber an nih lain consumer protection atana fund lo kal Rs. nuaih 80 lei pawh kha hmun dangah. Law Department ah te kan Sorkar hmasa khan a lo pe ringawt a, hman ngaihna an hriat loh vang nge, tul zawka an hriat vang nge? Chu chuan tih ngaihna an hre lo a. Tyikhuahlangah hian building an sa ringawt nghe nghein ka hria a. Kha khan consumer kha a protect ang em? tih erawh chu ngaihtuah tham tak a niin ka hria. Chuvang chuan consumer protection ah hian he Department hi a tangkai ber a ni. Tunah hian hei, kan thingzai zawng zawng te, cubic tling leh tling lo tih te, tin, chu bakah chuan, Ita rawh, te lutuk leh lian lutuk tih te tin, kan lungchher te lutuk, lian lutuk tih te leh bazarah Dawrkai ten retail price in an hralh em? hralh lo em? tih te, tin, chu bakah chuan Bazar a Vawksa buk dik leh dik lo tih thleng in, chutiang ang chuan an hma lakna a ni a. Chumi piah lamah chuan petrol lo kal dik lo te, buhfai chhia te, heng zawng zawng tehna leh endiktu te hi he wight and measure Department tia kan koh te hi an ni a. Mahse, Sorkar hmasa khan Department siam tan an nih atanga an strength ang ngar ngar khan an kal avangin hnathawk hlei thei an awm lova, an Senior lutuk tawh hlawm a, Inspector kaisanna tur awm tawhlo angkhan stagnation kha a nasa a, chuvang chuan vawiin ah hian hnathawk theilo dinhmunah Sorkarin a lo dah tawh avangin siam len tumin, tihlen tumin hman tangkai tumin kan han bei a, mahse, vawiin ni thlengin kan dilna te lehlamah a la pilbo zova, chuvang chuan. Nia, R.R. te pawh tunah hian siam vek tho a ni a.

maherawhchu, hna kha siam belh loh chuan R.R. kha awm mahse, a hna kha siam belh a ngai a, chu chu tunah hian siam mek leh tih mek a ni. Sorkar lam pawh in min pek belh ngei beisei a ni a. Chutiang dinhmunah chuan kan ding a. Chuvangin hei kan Khawnvartui Petrol pawlh dal diklo men chhushna zawng zawng te hi he Department atanga thawh chhuah vek hi a ni a. Chuvang chuan tunah hian equipment thar te nei zel ile kan tia, tuna kan hman density

tehma ringawt hian petol chhia leh tho hi a la teh tha tawk lova, chuang chuan apparatus thar lei tur tunah hian ruahman mek a ni a, chu chu mibile in an hmang ang a, kan ruahman dan chuan Sumo ah kan dah eng a, chu khawl chu tichuan Vairengte Silchar thlengin chu chuan a petrol phur ho kan Tanker ho te leh kan diesel chan hien chu chuan kan endik tawh dawn a ni. Chuta tang chuan kan petrol te khawnvartui te leh diesel chen in a fai tha tawh ang tih kan beisei.

Engpewh nisela, chutiang ang chuan he Department hi a pawimawhin atangkai a. Taifinriat mawnga lungllu chhawrlolhma mu reng ang deuh ho kha a ni. Chuvangin chhawr tangkaia kan ram tana thil hlu siam chhuah hi kan tum a ni. Awle, chu chu a ni. An hnathawh pawh kha kha a ni. He- lai ah pawh zawhna sawi kha a awm nual na a, kha khan a hrilh- fiah nghal maiin ka hria a. Tin, Pu Speaker, thu pakhat ka la neih a chu Trade and Commerce hi Department Upa tak tawh a lang naupang si deuhva enkawl a ni a. He Department 1987 MNF Sorkar hmasa zawkah khan siam e ni a, Sorkar hmasa kum 10 chhung pawh khan siam tih an nih lai ang deuh reng khan tih- pun awm chuang lovin a ngai reng khan an awm a. Tin, hlawh an siam nikhuah te pawh theihngilh ah leh ngaihsek lovah an tang zel a. Tichuan tuntum Fifth Pay ah pawh hian an hlawhte hi chumi Director dangte hlawh phak lova a awm ngai tlat ta mai a ni, a hunlai a an lo Revise Sak ve tlat loh avang khan a ni a. Chuvangin 1986 ah te ahma leh deuhvah te, tin, tunhma a Pu Haukhuma Commission ah te khang ah reng reng khan ngaihsek loh leh hriat loh vin an lo awm a. Tun Fifth Pay Commission alo kal pawh khan hman a an hlawh atang khan Conversion an han siam a, tichuan Director theuh theuh ah level pui pha lovin wawin hiah hian an awm ta a ni. Chuvangin he Department kan ram sum hnar leh. ( Pu Zakhu Hlychho : Director hlawh kha a fixed theih em ni ? ) Director hlawh kha a hnan in a kal chho- va. Joint Director hlawh a kal a, khetieng siam chhoh kha a ni a. Chuvaug chuan khamiah khan mi hlawh phalovin an awm a ni tih kha chu, hlawh siam chhuahne ah khan lo enla i hmu mai ang. Chu chu a dinhmun a ni a, chuvangin Department pawimawh tek tak leh kan ram sumhnar ber dik takin kan Sawhthing te pawh kan han sawi a, hun hmasa lamah chuan Rs.2.50 te an hralh theih dan ani tih kha kan hria ang a. Amaherawhchu, Pathian malsawmne in tum kum ah chuan kan han hralh tha chho thei ta viauva. Hun lo kal leh tura pawh beiseina sang tak kan nei a. Kum thar atan pawh kan MAMCO Chairman te, India ram Market hrang hrangah te an kal a.

Tin, Bangladesh nena Border Trade kan neih tur ruahman chhoh mek atangte hian kum tharah chuan kan Sawhthing te pawh man tha zawka kan hralh theih beiseina in kan awm a. Amaherawhchu, agreement siama chumi te nen khami te nen kan ti dawn tih erawhchu kan la neilova, mehse, kan tum ber chu lo neitute leh thar tuten man man takin an thlai tharte hralh sela, tih hi kan duh thusam ber a ni a. Sorkar lamin lo hlawkpui ve ile, tih lam kan ngaihtuah lova. A thar tuten hlawk sela, tih hi kan zawn ber a ni. Tunah hian chu- tiang turin tan kan le a, hma kan la chho mek zel a ni. Tin, Border Trade chungcheng thu ah Sorkarin kan leikhawm lova, Lo neitute an hralhna tur kan zawn sek a ni ber, chu chu

sumdawn dan the neia kan hria a. Lei saka tih tawih teuh lam kha chu a tih chiah kan ngai ve love. A neitu ten an hralh a kha tha tekin hralh thei sela, tih kan duh dan a ni mai a ni. Tin, tunah hian Alu te pawh hi a lo thar ta a. Chumi Alu hralhna tur pawh chu Department in a ngaihtuah a, kan ther tur a ni chuti takin a tam love. Kan Local Market ah hian kan eiral mai tham lek a ni a, phai lam atanga lo lut thin a hi tihtawp phawt mai nisela, tichuan kan ram chhunga kan thar a hi hralh mai ila, kan ti a. Chutiang zawng chuan hma kan la a, chuvang chuan phailam atanga Alu lolut mek te kan titawp rih a, kan thar a hi kan tihral hma chuan kan la ti zel ang. A rate chu tunah chuan a grading in kan ti a, a grade sang ber a kha Kg-ah Rs. 12/- a ni ang a, chumi dawttu chu Rs. 10/- a ni ang a, chumi dawt lehtu a te ber a kha Rs. 8/- a ni ang. Chutiang ang chuan kan ram than a nih avangin phai ram ta pawh kha a tha deuh Rs. 12/- in an hralh thova, kan ram thar a ni bawk a, kan ei zawh hma kha chu phai atangin la hrih lo ila, kan ti a ni. Tin, Vairengte gate ah kan dang vek dawn a ni. Chu bakah chuan Arte, Vawk te, a hralh dan tur rate, Trade and Commerce atangin tunah hian siam chhuak mek a ni a. Chung chu mipuite tana a zuatuten an hloh lohna tur leh mipuite hlawk zawkna tur ngaihtuahin khatiang khan rate kan siam sak a. Trade and Commerce in hma a lak zelna turah hian Border Trade chungchengah Burma nena kan in ramri-na Zokhawthar kha tlemin kan sawn a. Tunah chuan Khawnuamah a hmun enfel a ni tawh a. BRTF hoten market centre tur kha an ruahman mek a. Tin, kan Sorkarina hma a lakna tur a awm bawk a. Central Sorkar pawhin Rs. 2 crores lai minrawn pe a, tunah hian BRTF hovin an operate mek a ni.

Tin, tunah hian Border Trade leh kan ram chhunga Trade Centre chi hrang hrang buatsaihna tur atan tunah hian a thara pawisa pek kan ni a, chumi bakah tunah hian dil mek kan la nei a. Chu atang chuan Tlabungah pawh khuan reiloteah Border Trade atana Trade Centre buatsaihna neih thuai kan in beisei bawk a ni. Chung chu kan ram hlawkna tur leh kan thlai ther te hlawk zawkna kan hralh theihna ten atana inruahmanna a ni a. Chutiang ang chuan nichina in han zawhna tam ber a kha chu kan thil tum leh kan kalna tur kan sawi a kha a chhang fel main ka hria a. Awle, tichuan, Pu Speaker, kan Demand No. 16-na Civil Suuply Rs. 1,44,45,10,000/- te, Social Security and Welfare Rs70,00,000/- te, Relief on Account of Natural Calamity Rs. 4,47,00,000/- te Other Natural Ecomomic Service Rs. 4,33,37,000/- te avaiin Rs. 1,50,95,47,000/- hi he House zahawm tak hian min pass sak turin ka ngen e.

S P E A K E R : Pu Aichhinga Minister in a Demand te he House-ah pass turin a rawn dil a. A Demand chu 1,50,95,47,000 a ni a, pass remti apiangin 'Remti' kan ti ang a, pass remtilo in 'Remtilo' kan ti ang.

Awle, tunah Pu Aichhinga Minister Demand te hi pass remti apiangin 'Remti' ti rawh ule, remtilovin, 'Remtilo' ti rawh ule. Lungrual tekin Pu Aichhinga Demand Vaibelchhe 150 nuaih 95 leh singli leh Sangsarih chu he House hian a passed a ni. Vawin chu hma deuh ah kan zo thei a. Naktuk dar10:30A.M. ah ken tan leh ang

Meeting adjourned at 5:05P.M.